

CIMELIA

Qu

4479

pat.komp

1883. 45 pgs

Klassyey 18221

Cm II A 22/a



4479

CIMELIA

xx.
55

XIV. K. 26

PATRIE

NOTA

NOTA

NOTA

Patience in Order of the

NOTA

NOTA

NOTA

NOTA

NOTA

NOTA

NOTA

NOTA

NOTA

NOTA

Cim. Qu. 4479

A N D R.
PATRICII
NIDECICI
NOTAE

In duas M. Tullii Ciceronis
orationes.

Ad PE. Miscouium Episc. Cracouien.

LECTORI. S.

*Nostras perlege, quæso, Tullianas,
Lector chare, notas nec inuenustas.
Viginti tibi displicere possunt,
Triginta tibi displicere possunt.
Quod si omnes tibi fortè displicebunt,
Nobis tu quoque & ipse displicebis.*

CRACOVIAE.

In Officina Lazari. Anno M. D. LXXXIII.

PE. VOLSCIO DVNINO
EPISC. PLODEN.
PRINC. BENIGNISS.
Auctor.

IN ORATIONES

I. Pro C. Rabirio Postumo.

II. Pro M. Marcello.

AMPLISS. VIRO
PE. MISCOVIO MIROVO
EPISC. CRACOVLEN.

Seuerien. q. Duci,
ANDR. PATRICIVS NIDECICVS
Præp. Varsouien. S. P. D.

INFRA TVAM
Pe. Miscoui, Pontificiam dignitatem fateor hæc esse, sed eadem tamē deberi tibi, certò scio. Primùm enim nata sunt, magna ex parte, quasi domi tuæ, ex homine tibi dignitatiq. tuæ addictissimo; vt iam quasi vernæ quidam tui facti esse videantur. Deinde verò, vti ea scholastica sunt, ita ad te præcipuè, qui præcipuum, in schola Cracouien. Cancellarii munus more maiorū administras, mitti oportere existimaui. Tum autem, si iudiciū de iis cuiusquam erat mihi exquirendum, sanè, quem tibi vni in hoc genere præferrem, nō habui: qui olim totum Ciceronis *μυροβήκιον*, & omnes denique Bonamici arculas, sedulò excussisti. Ante XX. & amplius annos, elaborata sunt hæc nobis: cū scilicet, in

* ij

summo

summo illo vtriusq. nostrum, ad aulam Sigism. Augusti Regis, ocio, & summo, vt tunc erant tempora, Philip. Padneuui antecessoris tui negotio, iucundè vnà viuebamus, in amore, quod scis, mutuo, & studiis litterisque communibus nostris. Quæ ipsa posteaquàm ad maturitatem iam quandam adduci penè viderentur, ecce tibi derepente, tuus ille regni Procancellariatus, in te secundum Padneuuium, magna omnium bonorum lætitiâ collatus, quasi subitaneus torrens quidam, vtrumque nostrum nescio quomodo corripuit, & per aliquot annos in mediũ pelagus illud negotiorum publicorum, vnà coniecit: vbi studia hæc nostra filere omninò necesse fuit, in turba illa interpellatorum. Ex quo tamen naufragio (sic enim dicendũ est) tu quidem iamdudum, cum summa tua dignitate enatasti, Plocensis primũ, deinde verò Cracouiensis Antistes factus, & ad maximas duarum deinceps maximarum ecclesiarum functiones gerendas constitutus; ego porrò sic in medio planè mari illo relictus ac destitutus, vt primũ modò tranquilliori aliquanto tempestate nauigare incepissem, retuli me confestim ad eadem illa studia, quæ à me, dum tibi in tuo Procancellariatu morè gero, nò tam intermissa, quàm in perpetuum iam quasi abdicata videbantur; omnia videlicet subsæciuis horis diligentius recognoscens, quæ ex illo iam tempore, cum in cæterorum scriptorum antiquorum obscuriores locos, tum præsertim in omnes ex ordine, & Ciceronis ipsius, & Liuii, & Terentii, & Cæsaris libros, studiosè notata habeo. E quibus ipsis, has ipsas, in duas istas M. Tullii orationes, depromptas notas mittere ad te hoc tempore decreui: & quidem sic vt erant depromptas, cum aliorum

liorum modò quorundam scriptis, qui interea in hoc genere eodẽ elaborauissent, obiter collatas, & si quid, auctas etiam fortassis nonnihil ac perpolitas. Ad plenissimam, quæ à me expectari potuit, tam huius partis, quàm totius reliqui corporis perfectionem, manuscriptos mihi codices veteres necessarios planè fuisse confiteor. Sed neque conquirendorum eorum studium, voluntatis profectò meæ fuit, in hac præsertim earum mercium inopia apud nos mera; neque etiam conferendorum labor, aut ætatis certè huius fuisset, aut ocii mei; quod vtrumque in seuerioribus iam, & nomine professione quæ mea dignioribus studiis, necessario mihi ponendum esse intelligo. Poterunt alii ab eiusmodi præsidis instructiores, & quibus integrior adest sanguis æui, coniecturas has nostras, ex solo ingenio, & industria nostra profectas, vel cum sæpe fortuitis illis antiquorum librariorum lapsibus, vel cum non doctissimis interdum eorum opinionibus conferre, quoad libeat: aut deniq; ad certissima eorundem atque verissima præscripta castigare, cum bona non tantum venia, sed etiam gratia nostra. Ego, qui me his destitutum fuisse profiteor, si quid fortè impegi vspiam, vel potius quando impegisse me plerisque in locis sentio, veniam sanè hoc ipso aut impetrabo, aut merebor certè quidem: sin minus, quod tamen optare vix possum, sperare ne vix quidem, tum verò laudem etiam propterea aliquam inueniam, quòd, dum sine cortice, vt dicitur, narem, & sine remis ac velis æquor eiusmodi fulcarem, quod ferè non aliter, quàm huius generis velis ac remis, rectè fulcari posse existimatur, aliquid promouere tamen potuerim; si modò potuerim, in rebus istis magna ex parte desperatis.

Quærat quispiam, quo fretus potissimum, ad hoc tam periculosa navigationis genus, sine necessarij apparatu præsidij deiscenderim. Primum, intra domesticas & perangustas ripas, periculi nihil esse prouidebam; (mihî enim ipsi hæc tantum ab initio priuatim elaborabantur) Deinde, si quid etiam esset, quod in ipsis illis contractis ripis, periculum fortè minari vllum videretur, eum tamen, qui neque aduerso flumine contenderet, neque diis hominibusue inuitis, cursum, quem proposuisset, temere vrgere conaretur, extra maioris cuiuslibet periculi aleam, positum esse facile iudicabam. Nihil enim vnquam in his meis opinionibus, aut contentiosius defendebam, aut saltem asseuerantius affirmabam; nudas esse semper coniecturas volebam; quas qui nollet, non sequeretur; qui vellet, non cogeretur; qui negligeret, non reprehenderetur. Et omnino ludum hæc planè esse ducebam ingenij, vel ætate, vel studio lasciuientis, & vt dicam prorsus quod sentio, scæpe etiam de bonis, mala de industria facientis, vt esset, quod nos legendis ac relegendis Ciceronis, nunquam conquiescere pateretur. Nunc monentibus dudum amicis, parendum iam ex parte fuit; & aliquis saltem eorum librorum, cuiusmodi essent, domo fuit extrudendus, ac publicè, ad exploranda omnium iudicia proponendus. Quod quidem ita fecimus cautè tamen, vt multo maior (nam melior, non audeo dicere) eorum pars, quæ emittuntur, domi adhuc nostræ remaneret; pauxillum hoc interim, in tuo clarissimo nomine appareret, quod ab omnibus, qui vellent, cognosceretur, à te, quatenus opus sit, defenderetur. Bene vale. Cracouiæ Idib. Augusti.

Auctor

Auctor Lectori.



Otas istas nostras, ad illam operum Ciceronis, à Carolo Stephano, circiter annos domini M. D. LIV. & M. D. LV. publicatam editionem, accommodauimus: quod tunc temporis non aliam ferè emendatiorem, non speciosiore certè quidem editionem fuisse videbamus. Quam ipsam, hac etiam editione ipsa nostra exprimendā esse existimauimus: ut una eademq; opera, & tibi consuleremus, lector, & nobis. Tibi, ne semper necesse habeas libros Orationum ipsarum querere, quos interdum ad manum habere non possis: eius præsertim, quam indicauimus, Stephaneæ editionis. Nobis autem, ne fortè identidem accuses nos aut reprehendas, si, quod nos in notis nostris emendamus, id tu in aliorum editionibus, vel emendatum iam, vel certè aliqua alia ratione immutatum inuenias: quod contrà non emendamus, tu ex aliorum librorum lectione, summa querare egiisse emendatione. Vale.

CIC. DE

CIC. LIB. II. DE DIVINAT.

Bene qui coniecerit, vatem hunc
perhibeto optimum.

PATRICII NIDECICI

IN ORATIONEM

M. TVLLII CICERONIS

PRO C. RABIRIO POSTVMO

Notæ.

O R A T I O.



I^{I.} QVIS EST IVDICES, CICERO.

qui C. Rabirium, quòd suæ fortune fundatas præsertim atque optimè constitutas opes potestati regiae libidinèque commiserit, reprehendendum putet, ascribat ad iudicium suum non modò meam, sed huius etiam ipsius, qui commisit, sententiam. Neque enim cuiquam eius consilium vehementius, quàm ipsi displicet. Quanquam hoc plerumque facimus, ut consilia euentis pòderemus: Et, cui benè quid proceßerit, multum illum prouidisse: cui secus, nihil sensisse dicamus. Si extitisset in Rege fides, nihil sapiētius Posthumò: quia fefellit Rex,

A

nihil

nihil hoc amentius dicitur: ut iam nihil esse videatur, nisi diuinare sapientis. Sed tamen si quis est Iudices, qui illam Posthumi siue inanem spem, siue inconsultam nationem, siue (ut grauissimo verbo utar) temeritatē vituperandam putet, ego eius opinioni nō repugno: illud tamen deprecor, ut, cū ab ipsa fortuna crudelissimē videat huius consilia esse multata, ne quid ad eas ruinas, quibus hic oppressus est, addendum acerbitalis putet. Satis est homines imprudentia lapsos non erigere: vrgerē verō iacentes, aut præcipitanteis impellere, certē est inhumanum: præsertim Iudices cū sit hoc generi hominum propē naturam datum, uti qua in familia laus aliqua fortē floruerit, hanc ferē, qui sunt eius stirpis, quod sermo hominum ad memoriam patrum virtute celebretur, cupidissimē persequantur. Si quidem non modō in gloria rei militaris Paulum Scipio, aut Maximum filius, sed etiam in deuotione vitæ, & in ipso genere mortis imitatus est P. Decium filius.

NOTAE.

PATRIC. SVAE FORTVNAE FVNDATAS PRAESERTIM ATQVE OPTIME CONSTITVTAS OPES, POTESTATI REGIAE LIBIDINIQ. COMMISERIT) Etsi hoc libro instituti mei non est, quæ cuique verborum comprehensioni subiecta sententia sit, eam studiosē admodum inuestigare

uestigare : multò autem minus , ea de industria persequi , quæ ad ornatum vilum artificiumue orationis videantur attingere : tamen interdum etiam , si quid eiusmodi obiter in mentem venit mihi , in his præsertim locis , qui maiorem aliquam obscuritatē præferre , quivæ lumen aliquod interpretationis desiderare viderentur , prætermittere sanè nolui , quin huic ipsi chartæ utcunque illinerem. Ratus , id quod in hoc genere ex simplici & aperto meo ingenio proficisceretur , nō ingratum optimis ingeniis futurum. Ergo hoc quoque ipso in loco aliquid eiusmodi dicamus , & oratorem ipsum in iis quæ dicit , optimè reddere alterum alteri , ostendamus. Nam & suas profectò opes cōmittere alteri , regi autem præsertim (quorum innata superbia atque potentia , certam rerum nostrarū possessionem conturbat sæpe & euertit) & item , bene fundatas atq; constitutas opes , cōmittere non tam potestati quàm libidini : cū hæc ita dicuntur , certè & ornatissimè , & ad denotandam eius qui id faciat hominis , non satis cautam in rebus suis administrandis prudentiam , significantissimè dicuntur. Cuius quidem generis locutiones , nobis ornamenta orationis inuestigantibus , & præse ac significanter loqui cupientibus , meritò sunt observandæ. Ac tale quidem propemodum est illud quoq; infra n° 16. Temere hunc pecuniam regi credidisse , suas fortunas atque famam libidini regis commisisse. Propemodū , tamen dixi. Neque enim illud quidquid est , planè adæquat nostrorum istorum , quæ præ manibus habemus , verborum structuram ac compositionem admodum exquisitam & insignem.

QVI COMMISIT, SENTENTIAM) Hec duo verba, QVI COMMISIT, glossema esse deputem, additum ad illud, HVIVS IPSIVS. Quo significabatur Rabrius ipse. Quod si quis tamen ea verba retineat, exponet. QVI COMMISIT, regis Potestati scilicet opes suas. Sed ego tamen abesse malim.

QVANQVAM HOC PLERVMQVE FACIMVS) Aliquid est quod desiderè. Rem enim ipsam satis intelligo, connexionem sententiæ nō satis, Ex quo fit, vt totum hoc, vīq. ad, SED TAMEN, parenthesi includendum esse existimem, & in reliquo legam sic. QVANQVAM NOS PLERVMQVE FACIMVS &c. NOS, videlicet, pro, HOC. Nam &, n, ab, h, nostris etiam temporibus parum differt, & olim cū serpentina littera scribenda esset, tertiæ ferè nota litteræ scribebatur. Hodie, NOS

olim, NOC. Ut totius istius parentheſeos ea ſit ſententia. Nos quidem in iudicandis factis aliorum, nullam certam rationem ſequimur, ſed omnium ferè hominum conſilia euentis ipſis ponderamus, hic autem ipſe Rabirius conſantiſſimè & apertiſſimè factū ſimul & conſiliū ſuum reprehendit, quod certiſſimas fortunas ſuas libidini commiſerit alienæ. Ita, vt etiamſi euentus non optimi conſilii optimus fuiſſet conſecutus, ille tamen conſilium illud non reprehendere non poſſit.

NIHIL SAPIENTIVS POSTHVMO) Supple. Fuſſe diceremus. Et quidem, fuiſſe. Vt conueniat cum eo, quod præceſſit. Si extitiſſet in rege fides.

QVIA FEFELLIT REX) Notanda ſignificatio verbi, fallo.

SED TAMEN SI QVIS EST) Hoc, SED TAMEN, non eſt aut aduerſatiuum, aut etiam correſtiuum cuiuſquam eorum, quæ præceſſerunt: non, ne illius quidem. QVANQVAM NOS PLERVMQVE FACIMVS. Sed quid eſt? Eſt illud, quod ſolet noſter, quod ſolent alii, poſt lōgam aliquam circumductionem adhibere, cum oſtendunt, ad illud ſe redire, quod inſtituerant. Hoc enim loco redit ad illud initium orationis, SI QVIS EST IVDICES QVI C. RABIRIVM &c. Notanda autem eſt hic quoq; variatio ſententiæ illius ſuperioris.

PRAESENTIM IVDICES, CVMSIT HOC) Hoc, inquit, minus debet quiſque iacentem vrgere Rabirium, quod omnes ferè, in eodem delicti genere, ſæpiſſimè labamur, dum parentes maioresq; noſtros, in iis, quæ cum laude geſſerunt, etiam cum incommodo rerum noſtrarum, ſtudemus imitari.

QVOD SERMO HOMINVM AD MEMORIAM PATRVVM VIRTUTE CELEBRETVR) Videndum. Ego, ſi quā licitum eſſet, ſic ferè legerem. QVOS SERMO HOMINVM AD MEMORIAM PATRVVM VIRTUTE COHORTATVR. Exigua admodum litterarum immutatione. Fac enim ex CELEBRETVR, COHORTETVR, vel potius, COHORTATVR, tam numero ſyllabarum quàm ductibus ipſis litterarum non admodum repugnantibus, reliqua expeditiſſima ſunt. Nam & QVOS, pro, QVOD: & VIRTUTE (quod eſt, virtutis) pro, VIRTUTE, nulla admodum magna ſcripturæ variatione ſcribuntur, COHORTATVR, autem plane ma-

nè malo quàm (quod tamen ipsum illi, CELEBRET VR, simili-
 lius sit) COHORTE TVR: quia nimirum præcessit, SVNT,
 non, SINT, indicandi non iungendi modo. Nisi fortè ibi quoq;
 sic legas. QVI EIVS STIRPIS SINT. Quod non æque
 adlubescit. Illud non inuitus concessero, vt pro, COHORTA-
 TVR, aliud ferè verbum inquiratur, quod illi ipsi, CELEBRE-
 TVR quàm similitimum esse videatur. Quicquid est, id totum cer-
 tè illi quadam ex parte simile est, quod sequitur paulò inferius.
 ASSIDVIS DOMESTICORVM SERMONIBVS,
 IN PATERNÆ CVLPÆ SIMILITVDINEM DE-
 DVCTVS EST. Lambinus, cuius ego adnotationes multò
 pòst vidi, quàm has meas notas confecissem, legit. Quòd sermo-
 ne hominum ad memoriam prodendam patrum virtus celebre-
 tur. Manutius, qui eo etiam posterior est, nihil mutat, sed exponit
 tantum. Quòd sermo hominum celebretur. Id est, creberrimus sit
 ex patrum virtute, ad memoriam eius laudis propagandam. Quo-
 rum vtrumque planè videndum esse dixerim. Nam quod ad Ma-
 nutii expositionem attinet, faciamus sic loqui Ciceronem, vt vult
 Manutius. Quòd sermo hominum ad memoriam eius laudis pro-
 pagandam, ex patrum virtute creberrimus sit, videbimus, quot
 & quantis res ipsa incommodis obnoxia sit. Lambini autem emen-
 datio quoque ipsa, cui Manutiana, vt videtur, interpretatio non
 nulla ex parte innititur, remotior est à vulgata scriptura, emenda-
 tione nostra. Vtrumque id igitur videndum. Vel potius omnia vi-
 denda. Nam & meum, quod in medium attuli, etiam atque etiam
 videndum esse censeo.

ORATIO.

II.

CICERO.

S Int igitur similia Iudices parua magnis. Fuit
 enim pueris nobis huius pater C. Curius, prin-
 ceptus ordinis Equestris, fortissimus & maximus pu-
 blicanus: cuius in negotiis gerendis magnitudinem
 animi nō tam homines probassent, nisi in eodem be-

A iij

nignitas

nignitas incredibilis fuisset, ut in augenda re non auaritiæ prædam, sed instrumentum bonitati quærere videretur. Hoc ille natus, quanuis patrem suum nunquam viderat, tamen & naturam ipsa duce, quæ plurimum valet, & assiduis domesticorum sermonibus in paternæ culpæ similitudinem deductus est. Multa gessit: multa contraxit: magnas partes habuit publicanorum: credidit populis: in pluribus provinciis eius versata res est: dedit se etiam Regibus: huic ipsi Alexandrino grandem iam antea pecuniam credidit, nec interea locupletare amicos vnquam suos destitit, mittere in negociū, dare partem, augere, fide sustentare. Quid multa? cum magnitudine animi, tum liberalitate vitam patris & consuetudinem expressebat.

NOTAE.

PATRIC.

HVIVS PATER C. CVRIVS) Pater, natura scilicet, cum adoptione patrem haberet Rabirium. CVRTIVS pro, CVRIVS, Turnebus putat legendum. Vide lib. 10. cap. 23. aduersariorum. Vbi pleraque alia ex hac oratione vel emendantur vel explicantur.

PRINCEPS ORDINIS EQVESTRIS, FORTISSIMVS ET MAXIMVS PVBLICANVS) FORTISSIMVS, vtrum princeps, an publicanus.

QVAMVIS PATREM SVVM NVNQVAM VIDERAT) Modò dixit. HOC ILLE NATVS. Quorsum igitur attinebat nunc, patrem nominare? Nonne suffecerat sic? QVAM

QVAMVIS EVM NVNQVAM VIDERAT. Et certe ita credo. Nam illud, PATREM SVVM, glossema esse dixerim 78 EVM. Neq; etiam existimandum est, alterum de eo, qui natura pater esset, accipiendum esse: alterum de eo qui esset adoptione, cum manifestò vtrumque, de eo qui natura pater esset, intelligendum sit.

IN PATERNÆ CVLPÆ SIMILITVDINEM) Culpam, non tam appellat ex sua, quàm ex eorum sententia, qui factum Rabirii reprehendendum, vt dixit prius, vituperandum, vt paulò post, existimabant. Vide notas nostras in illud pro Ligario n° 1. PRIVS DE VESTRO DELICTO CONFITEAMINI NECESSE EST, QVAM LIGARI CVLPAM REPREHENDATIS. Hoc autem loco, in verbo, PATERNÆ, aperta inest eiusdem culpæ defensio. Peccauit, inquit, noster Rabirius, sed patrem est in suo peccato imitatus. Ergo. Deductus est in similitudinem culpæ paternæ: si culpa scilicet ea dicenda est, patrem in liberalitate imitari. Manutius, pro, CVLPÆ legit, CVRÆ. In laude enim scilicet versari oratorem scribit, nec potuisse tam repente in vituperationem desilire. Ego sententiam meam non muto.

MVLTAGESSIT, MVLTACONTRAXIT, MAGNAS PARTES HABVIT PVBLCANORVM, CREDIDIT POPVLIS, IN PLVRIBVS PROVINCIIS EIVS VERSATA RES EST) Exponerem ferè MAGNAS PARTES pro eo quod vulgo dicimus, *wielkie* correspondencie. Et tamen sic quoque in hac ipsa periodo, nonnulla videnda esse putem. Quale est illud primum, MVLTACONTRAXIT, deinde illud quoq; CREDIDIT POPVLIS. Iamverò & in illis quoq; membris insequentibus, eodẽ penè modo faciendũ esse existimem. MITTERE IN NEGOCIVM, DARE PARTES, AVGERE, FIDE SVSTENTARE. Amicus meus, quo nullum habeo cariorem, sic prope nodum illa interpretatur. MITTERE IN NEGOCIVM *Posyłać* Agenti. DARE PARTES, *stańowić* correspondenti. AVGERE FIDEM, *czynić im* credit eo *dáley to wierzę*. SVSTENTARE, *Trzymać im* grzbić *aby nie wyco* nili *bankerotu*.

IAM ANTEA PECVNIAM CREDIDIT) Infran°
3. Huic

3. Huic regi, inquit, pecuniam credidit: nec tum primum. Nam regnanti crediderat.

O R A T I O.

III.
CICERO.

Pulsus interea regno Ptolomæus dolosis consiliis
(ut dixit Sibylla, sensit Posthumus) Romam ve-
nit. Huic egenti & roganti hic infelix pecuniam
credidit: nec tum primum: nam regnanti credide-
rat absens: nec temere se credere putabat, quod e-
rat nemini dubium, quin is in regnum restitueretur
à Senatu populoque R. In dando autem & creden-
do processit longius: nec suam solum pecuniam cre-
didit, sed etiam amicorum: stultè: quis negat? aut
quis iam non admonet? quod malè cecidit? bene
consultum putares. Id est difficile, quod cum spe ma-
gna sis ingressus, id non exequi usque ad extremum.
Supplex erat Rex, multa rogabat, omnia polliceba-
tur: ut iam metuere Posthumus cogeretur, ne, quod
crediderat, perderet, si credendi constituisset modum.
Nihil autem erat illo blandius, nihil hoc benignius:
ut magis pœniteret cœpisse, quàm liceret desistere.

N O T A E.

PATRIC. DOLOSIS CONSILIIIS, UT DIXIT SIBYLLA,
SENSIT POSTHVMVS) Ludit, ut arbitror, in abutenda
Sibyllæ

Sibyllæ auctoritate. Nam cum Sibylla, dolosis consiliis pulsum iri Ægypti regem prædiceret, consilia autem illa, non regi ipsi, sed subditis eius ascriberet, hic noster, argutè ea à subditis ad regem ipsum transfert, atq; adeò illud, DOLOSIS CONSILIIS, non tam ad expulsionem eius ex regno, quàm ad eius Romam aduentum, refert. Atq; hoc dicit, Ptolomæum pulsum regno, venisse dolosis consiliis Romam, ut quidem, inquit, & Sibylla verbis dudum prædixit, & reipse Rabirius modò est expertus, cum à rege ipso, argento emungeretur.

NAM REGNANTI CREDIDERAT) Planius. NAM ET REGNANTI. Vel. NAM REGNANTI QVOQ. ERAT NEMINI DVBIUM, QVIN IS IN REGNUM RESTITVERETVR) Illud modò in disceptatione erat, cum exercitune, an sine eo, restitui deberet.

A SENATV POPVLOQ. ROM.) Vultis dicam ex animo quod sentio. Non existimo hoc esse Ciceronis.

IN DANDO AVTEM ET CREDENDO PROCESSIT LONGIVS) Mallem. IN DANDO TAMEN. Quasi si diceret. Dedit quidem ab initio pecuniã non temere, illud tamen propemodum temere, quòd in dando & credendo modum non poneret. Est autem, CREDENDI, verbum in dando mutuo, solenne & vñtatum.

NEC SVAM SOLVM) Fortè. NEC. N. SVAM SOLVM. Hoc est. NEC ENIM SVAM SOLVM.

QVIS IAM NON ADMONET? QVOD MALE CECIDIT? BENE CONSVLTVM PVTARES. ID EST DIFFICILE) Aliquid mendi. Nunc omnia, quantum satis sit, dispicere nequeo. Legerem tamen sic propemodum. QVIS IAM NON ADMONET, QVOD MALE CECIDIT? PENE CONSVLTVM PVTARE S. Sensus. Quis iam nunc non admonet eius, quod malè cecidit? Quasi dicat. Omnes admonet. (Omnes enim, dixit superius, plerumq; facimus, ut consilia euentis ponderemus) Atque id illi quidem, perinde, inquit, propemodum faciunt, ac si etiam ante factum, & re integra, consilium suum Rabirio impertiuisent. Hoc est enim, PENE CONSVLTVM PVTARE S. In reliquo, pro, ID EST, legerem ferè, SED EST, accommodata ad principium dictionis littera, S, ex fine dictionis præcedentis, Alioqui hoc, I D, sequitur mox

tur mox alterum, I D. Sic enim vulgo legitur, ID EST DIFFICILE, QVOD CVM SPE MAGNA SIS INGRESSVS, ID NON EXEQUI VSQVE AD EXTREMVM. Est autem hæc sententia, vt opinor. Stultè quidem fecit Rabirius, quòd in dando processerit longius: sed est difficile, modum in eo tenere, quominus id quod inceperis, ad exitum deducas, præsertim, quod inceperis cum spe magnæ alicuius utilitatis. Atque hoc quidem, quod de, SED, dico, facilius quisque arripuerit, si, PVTARE, pro, PVTARES, legi posse viderit. Ad quam quidem lectionem conformandam, videndum etiam esse putem, an totum legi ad eum modum possit. QVIS NEGAT? AVT QVIS IAM NON ADMONET, QVOD MALE CECIDIT, ID NON BENE CONSULTVM PVTARE? Vt scilicet τὸ, IAM, loco suo moueatur, & in, NON, transformatum, ad τὸ, BENE, adiungatur, atque etiam τὸ, CECIDIT, sic scribatur. cecidIT, & totum legatur sic, QVOD MALE CECIDIT, ID NON BENE CONSULTVM PVTARE? vel, ID BENE CONSULTVM NON PVTARE? Valet autem, non benè consultum, idem quod dixit superius, stultum. Quanquam etiam sine τὸ, I D, sententia constare potest. Atque tū quidem benè sequitur. SED EST DIFFICILE &c. Accepto videlicet S. ab extremo dictionis, PVTARES, & copulato cum sequenti, I D, vt modò diximus. Quam nos quidem coniecturam, superiori coniecturæ aliquanto post attexendam esse existimauimus. Videtur autem res ipsa tota ad illud referri oportere, quod dixit suprā n^o 1. Nos plerumque consilia euentis ponderamus, & cui benè quid processerit, multum illū prouidisse. cui secus, nihil sensisse dicimus. Interdum, vt dicam quod res est, totū hoc vacare dixerim, QVOD MALE CECIDIT, ID BENE CONSULTVM NON PVTARE. Quod quidem glossema esse videtur, additum ab eo, qui, quod dicit breuiter Cicero, intelligi sine hoc additamento posse non putauit.

CVM SPE MAGNA SIS INGRESSVS) Videndum an alicubi legatur, AGGRESSVS, pro, INGRESSVS.

MVLTA ROGABAT) Fortè, MVLTVM.

NIHIL AVTEM ERAT ILLO BLANDIVS, NIHIL HOC BENIGNIVS) ILLO, Ptolomæo, HOC, Rabirio.

IN OR. PRO RAB. POST.

.II.

birio. Legerem autē ferē. NIHIL ETIAM ERAT &c. No-
uam enim causam adfert, cur Rabirius difficile sibi temperaturus
erat, quominus magis ac magis Regi crederet, regi, inquam, blan-
dissimo, ipse benignissimus. Sed, A V T E M, quoque lat bonū est.

O R A T I O.

IIII.

CICERO.

Hinc primum exoritur crimen illud: *Senatum*
corruptum esse dicunt. O dii immortales, hæc
est illa exoptata iudiciorum scueritas? corruptores
nostri causam dicunt: nos, qui corrupti sumus, non
dicimus. Quid ego *Senatum* defendam hoc loco Iu-
dices? omni equidem loco debeo, ita de me est me-
ritus ille ordo: sed id nec agitur hoc tempore, nec
cūm *Posthumi* causa res ista coniuncta est. Quan-
quam ad sumptum itineris, ad illam magnificentiam
apparatus, comitatūque regium suppediata
pecunia à *Posthumō* est, factæq; singraphæ sunt in
Albano Cn. Pompeii, cūm ille *Roma* profectus esset:
tamen non debuit is, qui dabat, quo ille, qui acci-
piebat, consumeret, quærere. Non enim latroni, sed
Regi credidit: nec Regi inimico populi *R.* sed ei,
cuius reditum Consuli datū à *Senatu* videbat: nec
ei Regi, qui alienus ab hoc imperio esset, sed ei, qui-
cum fœdus feriri in *Capitolio* viderat.

B ij

NOTÆ.

NOTAE.

PATRIC.

HINC PRIMVM EXORITVR CRIMEN ILLVD. SENATVM CORRVP TVM ESSE DICVNT) Vel, HINC, legatur pro HINC, & tunc sententia erit clarior: vel, omnia illa deleantur, PRIMVM EXORITVR CRIMEN ILLVD. Et tunc exponam, HINC, ex hac pecunia scilicet, corruptum esse dicunt Senatum. Delenda quidem esse videntur, tum quod ex loco inferiore desumpta esse appareant, n° 18. AT EX HOC IPSO CRIMEN EXORITVR. Tum etiam, quod si nō deleantur, nullam ferē accusatio illa sequens aduersus Rabirium vim haberet, quod Senatus corruptus esse diceretur. Nunc deletis illis, & iis quæ restant coniunctis inter se, sic, HINC SENATVM CORRVP TVM ESSE DICVNT: vim accusatio maiorem habet, cum obiicitur Rabirio, quod ex ea pecunia, quam ille Regi credidisset, corruptus esse Senatus dicatur. Quod tamen verba illa attinet, PRIMVM EXORITVR CRIMEN ILLVD, sic etiam loquitur in ea pro Ligario n° 13. Hinc in Ligarium crimen exoritur.

O DII IMMORTALES) Respondet primò non ad id quod obiicitur, sed ad illud simpliciter, quod dicunt, Senatū corruptū esse. Hoc ita esse, statim significat dicens. NEC ID AGITVR HOC TEMPORE, NEC CVM POSTHVMI CAUSA RES ISTA CONIUNCTA EST.

CORRVP TORES NOSTRI) Ironicè de Rabirio, vel Gabinio ipso. Vel etiam sine Ironia, per concessionem. Concedamus, inquit, corruptum Senatum esse. Quid hoc igitur rei est, ut, qui corruerint, causam dicere cogantur, qui corrupti sunt, non cogantur? O singularem & multum diu exoptatam iudiciorum feueritatem. NOSTRI autem est ab, ego: non à, noster. Illi nimirum corruptores, qui nos corruerunt.

QVID EGO SENATVM DEFENDAM,) quod se scilicet corrumpi passus fuerit. Lego autem ferè. QVID? ERGO SENATVM.

SED ID NEC AGITVR) Malo. SED NEC ID AGITVR. Dixi modò.

NEC CVM POSTHVMI CAUSA RES ISTA CONIUNCTA

CONIVNCTA EST) Quid sit? NEC CAUSA POSTHUMI CVM RE ISTA CONIVNCTA EST. Nimirum, Cū, & Cā, scriptura similia sunt, vt alterum in alterius locum facile subire potuisset, credibile sit. Sic infra n° 5. de eodem. Posthumī causā quæcunq; est, seiuncta à Senatu est.

QVANQVAM AD SVMP TVM ITINERIS) fortè. QVANQVAM ENIM AD SVMP TVM ITINERIS. Atq; his verbis demum, directè respondet ad illud, quod obiiciebatur. Ex pecunia Posthumī Senatum corruptum esse.

TAMEN NON DEBVIT IS QVI DABAT, QVO ILLE, QVI ACCIPIEBAT CONSVMERET, QVÆRERE.) Fortassis, QVOMODO ILLE QVI ACCIPIEBAT &c. Sic enim aliquando scribitur QVò quod legitur, QVOMODO. Scriptura autem illa nihil serè differt à, QVò. Nisi fortè ita dictum sit, vt illud n° 5. Est enim hæc causa quò ea pecunia peruenit. Et n°. 6. neminem vnquam quò ea pecunia peruenisset causam dixisse. QVò, id est, ad quid: vel, quam ad rem. Sed tunc tamen quoq; vix optimè dictum dicerem, QVO CONSVMERET. Potius, QVO CONVERTERET, vel, si propius ad scripturam velis accedere, QVò INSVMERET, Turnebus, pro, CONSVMERET, legendū suspicatur, TVM SVMERET.

CVIVS REDITVM CONSVLI DATVMA SENATV) Si liceret sic loqui, REDVCTVM, mallè planè quàm, REDITVM. Nec scio sanè cur non liceat. Si enim licet, ductus, cur non etiam, reductus? alioqui scribo, REDVCTÒM, quod valet, REDVCTIONEM, & tunc muto genus, DATÀM, scilicet pro, DATVM. Est autem reductio, idem quod reductus, sicut reditio, idem quod reditus, & dominatio, idem quod dominatus, & multa eiusmodi, quæ notat Nonius lib. de indiscretis generibus. Lambinus REDITVM, legit, vt vulgo: pro, DATVM, tamen legit, MANDATVM.

ORATIO.

*Q*uod si creditor in culpa sit, non qui improbè ^{v.} CICERO.
B ij *credita*

credita pecunia usus: damnetur is, qui fabricatus gladium est, & vendidit: non is, qui illo gladio ciuem aliquem interemit. Quamobrem neque tu C. Memmi hoc facere debes, ut Senatum, cuius auctoritati te ab adolescentia dedisti, in tanta infamia versari velis: neque ego id, quod non agitur, defendere. Postumi enim causa, quæcunq; est, seiuncta à Senatu est. Quod si item à Gabinio sciuntum ostendero, certè quod dicas, nihil habebis. Est enim hæc causa, quo ea pecunia peruenerit, quasi quædam appendicula causæ iudicatæ atq; damnatæ. Sunt lites æstimate A. Gabinio: nec prædes dati, nec ex eius bonis, quanta summa litiū fuisset, à populo recipi, lex æqua est.

NOTAE.

PATRIC. IMPROBE PECVNIA VSVS) IMPROBE EST PECVNIA VSVS.

ET VENDIDIT) AVT VENDIDIT. Satis est enim aut fabricauisse, aut vendidisse, vtrumq; non est necesse. Et tamen videndum, an hoc ipsum siue, ET VENDIDIT, siue, AVT VENDIDIT, ceu additamentum sit assutum aliunde.

AB ADOLESCENTIA DEDISTI) DEDIDISTI, fortassis.

SEIUNCTA A SENATU EST) A SENATU, id est, à causa Senatus. Et mox, A GABINIO, id est à causa Gabini.

SVNT LITES ÆSTIMATE A GABINIO: NEC PRÆDES DATI) Legerè, vel potius distinguerem. SVNT

LITES

LITES ÆSTIMATÆ, A GABINIO NEC PRÆDES DATI, Infr n° 22. si aut prædes dedisset Gabinius, Vidit hoc quoq; Lambinus, sed aliter emendat tamen.

NEC EX EIVS BONIS QVANTA SVMMA LITIVM FVISSET, A POPVLO RECIPI, LEX ÆQVA EST) Cum confidero eadem illa, quæ sunt n° 22. statim post verba, quæ modò in superiori scholio recitavi, legerem hoc loco, RECEPTVM, pro, RECIPI: & deinde, nullo interiecto comate, pro, LEX ÆQVA EST, legerem ferè, EX ÆQVO EST. Vt totū legatur sic, A GABINIO NEC PRÆDES DATI, NEC EX EIVS BONIS QVANTA SVMMA LITIVM FVISSET, A POPVLO RECEPTVM EX ÆQVO EST. Ex æquo, quanta scilicet litium summa fuisset. Quod si quis tamen malit, RECEPTA, pro, RECEPTVM, susq; deferam. Locus quidem quem citavi, sic habet. Si aut prædes dedisset Gabinius, aut tantum ex eius bonis, quanta summa litium fuisset, populus recepisset &c. Turnebi exemplar, pro, A POPVLO RECIPI, legit, POPVLVS RECEPIT. Idem autem Turnebus alicubi legi scribit. NEC EX BONIS POPVLI SERVATI. Lambinus, uti nos posteriore nostra coniectura diximus, sic legit, RECEPTA, pro, RECIPI: interpretatur autem, recepta, recuperata, quod etiam, RECIPERATA hoc loco legi posse censet. Idem addit in Memmianis, pro, RECIPI, scriptū esse, SERVARI, ut legas, SERVATA, id autem est, exacta à debitoribus & recuperata. De qua nos quoq; servandi significatione, dudum admonuimus, in illud n° 17. huius ipsius orationis. Hæc vna, inquit, ratio servandæ pecuniæ, i, recuperandæ, ut ibi dicimus. Addit autem idem Lambinus, LEX ÆQVA EST, pro, LEX ÆQVA EST, scribendum esse. Manutius, RECEPTVM, pro, RECIPI, cætera non attingit.

Atq; hoc loco sanè, quo ego quidem meam coniecturam cum Lambini coniectura convenire ostendi, temperare mihi non potui quoniam narrarem, quod hoc tempore venit in mentem mihi. lampridem esse, ut ab amicis admoneor, ederem quamprimum, omnes has notas meas, quas illi in plerisque veteres scriptores, dudum cōfecisse me, non ignorant: ne videlicet interim, dum nos magnificam nescio quam illarum editionem molimur, omnes coniectu-

ræ no-

ræ nostræ, notis illis comprehensæ, ita ab hominibus eruditis oc-
 cupentur, vt editæ postea in publicum, aut, lucem ipsam non fe-
 rant, aut, quod huic proximum est, gratiam omnem amittant. Id
 adeo cum sæpè antea admonuissent me, tùm illo tempore maxi-
 mè, cum tomus tertius Aduersariorum Hadr. Turnebî postumus
 prodijset. Quem quidem cùm fortè fortuna aperuissimus, incidi-
 mus in caput 32. lib. 26. vbi ille locum illum ex lib. 1. Officiorum
 Ciceronis, NE CVPIDE QVID AGERENT NE V
 APPETERENT, legendum esse censet, NE CVPIDE
 QVID AGERENT, NE APPETENTER. Quod ipsum
 cùm ego multò antè iisdem illis amicis meis, ex his ipsis notis me-
 is, eodem illo modo legendum esse ostendissem, necdum tamen
 satis probauissem, euefugio, vt primùm, idem illud, quod mihi in
 mentem venerat, viro quoq; pererudito, in mentem venisse demõ-
 strauì, mirifice probauerunt, & vt notas illas meas tantò celerius
 vulgò legendas proponerem, monuerunt. Ego verò gauisus, ve-
 terem obseruationem meam recentibus adnotationibus aliorum,
 tantis præsertim locorum interuallis disjunctorum hominum, cõ-
 firmari, priuatis primùm meis studiis, deinde communi ipsi studi-
 orum vtilitati magnopere sum gratulatus: editionẽ tamen no-
 tarum ipsarum, de qua ab amicis admonebar, differendam tum
 etiam esse existimaui, vt videlicet interea, multa multorũ intuens,
 aut in meis ipsius veteribus coniecturis confirmarer, si eas cum a-
 liorum sententiis congruere viderem, aut, si à meis opinionibus
 discrepare cernerem, ansam ex eo caperem, ad vberius in omnia
 inquirendum. Quo quidem in genere quantũ profecerim, his pau-
 culis edendis, periculum interea facere volui, vt ex eis cognosce-
 rem, reliquæ eiusmodi cogitationes meæ spectandæ an exigendæ
 sint lectori prius. Hoc quidem loco, pro, RE CIPI, Lambinus,
 vt dixi, RE CEPTA, Manutius, RE CEPTVM, legũt. Quod
 vtrumq; nos antea, vt dixi, diuinaueramus. Illud nemo eorũ nec
 legisse se ostendit, nec diuinasse, pro, LEX ÆQVA EST, EX
 ÆQVO EST, legendum videri. Quod ipsum tamen quantum
 valeat, alij deinceps iudicabunt,
 LEX ÆQVA EST) Diximus, EX ÆQVO EST, le-
 gendum videri, Alioquin videndum.

ORATIO.

O R A T I O.

VI.

CICERO.

Iubet lex Iulia persequi ab ijs, ad quos ea pecunia, quam is ceperit qui damnatus sit, peruenerit. Si est hoc nouum in lege Iulia, sicuti multa sunt seuerius scripta, quàm in antiquis legibus, & sanctius iudicata: sanè etiam consuetudo huius generis iudiciorum noua. Sin hoc totidem verbis translatum caput est, quot fuit non modò in Cornelia, sed etiam antè in lege Seruilia. Per deos immortales, quid agimus Iudices, aut quem hunc morem nouorum iudiciorum in Remp. inducimus? erat enim hæc consuetudo nota vobis quidem omnibus, sed, si vsus magister est optimus, mihi debet esse notissima. Accusauì de pecuniis repetundis, iudex sedi, Prætor quæsiui, defendi plurimos: nulla pars, quæ aliquã facultatem dicendi afferre posset, non mea fuit. Ita contendo, neminem unquam, quò ea pecunia peruenisset, causam dixisse, qui in æstimandis litibus appellatus non esset: in litibus autem nemo appellabatur, nisi ex testium dictis, aut tabulis priuatorum, aut rationibus ciuitatum.

N O T A E.

MVLTA SVNT) in hac lege Iulia scilicet,

C

ET SAN-

PATRIC.

ET SANCTIVS IVDICATA) Interdum suspicor τὸ
IUDICATA, abesse posse.

SANE ETIAM) Fortè. SANE EST ETIAM.

IN CORNELIA SED ETIAM ANTE IN LE-
GE SERVILIA) Malim vel sic. IN LEGE CORNE-
LIA SED ETIAM ANTE IN SERVILIA. vel sic.
IN CORNELIA SED ETIAM ANTE IN SER-
VILIA. vt vtrobiq; intelligatur LE GE.

PER DEOS) Minore littera, pendet enim periodus.

QVEM HVNC) vel, QVOMODO HVNC, vel, QVEM
NVNC.

ITA CONTENDO) non damno. Quid tamen si. ITA-
QVE CONTENDO, vel, IDEM CONTENDO.

ORATIO.

VII.
CICERO.

Itaq; in ferendis litibus adesse solebant, qui ali-
quid de se verebantur: & cum enunt appellati,
si videbatur, statim contradicere solebant. Sin eius
temporis recentem inuidiam, pertimuerant, respon-
debant postea. Quòd cum fecissent, permulti sæpè
vicerunt. Hoc verò nouum est, ante hoc tempus
omnino inauditum. In litibus Posthumi nomen est
nusquam: in litibus dico? modò vos iidem in A.
Gabinium iudices sedistis: num quis testis Posthu-
mum appellauit? testis autè? num accusator? num
denique toto illo iudicio Posthumi nomen audistis?
Non igitur reus ex ea causâ, quæ iudicata est, re-
dundat Posthumus: sed est arreptus vnus eques R.
de pecuniis

de pecuniis repetundis reus. Quibus tabulis? quæ in iudicio à Gabinio recitatæ non sunt. Quo teste? à quo tum appellatus nusquam est. Qua appellatione litium? in qua Posthumi mentio facta nulla est. Qua lege? qua non tenetur.

NOTAE.

IN FERENDIS LITIBVS) Fortè IN SEREN. PATRIC. DIS. Vel potius, IN ÆSTIMANDIS. Sed abest longius à scriptura. Malo igitur absq̃, FERENDIS. IN LITIBVS præcisè. Sic enim infra. IN LITIBVS POSTHUMI NOMEN EST NVSQVAM. Lamb. vel, IN INFERENDIS, vel, vt nos, deleta voce, FERENDIS.

CONTRADICERE) duobus verbis CONTRA DICERE. Sic enim hoc dicitur vt aliàs illa. DISPUTARE CONTRA, PVGNARE CONTRA.

NOVVM EST ANTE HOC TEMPVS) Fortè, EST ET ANTE. Exorat. pro Deiotaro, initio.

REVS REDVNDAT POSTHVMVS) Noua vocis, redundare, vsurpatio; pro extare, vel exoriri.

ORATIO.

VIII.
Hic iam Iudices vestri consilii res est, vestra CICERO,
sapientiæ: quid deceat vos, non quantum liceat vobis, spectare debetis. Si enim, quid liceat, quæritis: potestis tollere è ciuitate, quem vultis: tabella est, quæ dat potestatem, occultat eadem libidinem: cuius conscientia nihil est quod quisquam

timeat, si non pertimescat suam. Vbi est igitur sapientia iudicis? in hoc, ut, non solum quid possit, sed etiam quid debeat, ponderet: nec, quantum sibi permissum, meminerit solum, sed etiam quatenus commissum sit. Datur tibi tabella iudicij. Qua lege? Julia de pecuniis repetundis. Quo de reo? de Equite R. at iste ordo lege ea non tenetur. Illo, inquit, capite, quod erat in Posthumum, quod in Gabinium iudex esses, nihil Gabinio datum, cum in eum lites aestimarentur? At nunc audio. Reus igitur Posthumus est ea lege, qua non modo ipse, sed totus etiam ordo solutus ac liber est.

NOTAE.

PATRIC. CVIVS CONSIENTIA NIHIL EST QVOD QVISQVAM TIMEAT, SI NON PERTIMESCAT SVAM.) Lego. CVIVS CONSIENTIAM, illud autē, CVIVS, interpretor, tabellæ. Hoc sensu. Si quis suā ipsius conscientiam nō metuit, nihil est quod timeat tabellæ conscientiam: ut ei scilicet vereatur notam suæ libidinis committere, quam libidinem facile latebris tabellæ occultatum iri intelligit. CONSIENTIAM, etiam Lambinus legit, sed non nisi in editione posteriori tandem: cum ego id multo ante eius priorem etiam editionem, hoc loco adnotassem. Manutius vulgatam lectionem exponit. Sed videndum.

QVOD IN GABINIVM IVDIX ESSES.) Videndum. Vide Turneb. loco eodem.

AT NVNC AVDIO.) Fortassis, ATAT, NVNC AVDIO. Videlicet scriptū erat, AT nunc audio. Terent. Atat, vicit vinum quod bibi.

ORATIO

O R A T I O.

IX.

CICERO.

Hic ego nunc non vos prius implorabo Equites *R.* quorum ius iudicio tentatur: quàm vos Senatores, quorùm agitur fides in hunc ordinem: quæ quidem cum sæpe antè, tum in hac ipsa causa nuper est cognita. Nam cum, optimo & præstantissimo Consule Cn. Pompeio de hac ipsa questione referente, existerent nonnullæ, sed perpaucae tamen acerbæ sententiæ, quæ censerent, ut Tribuni, ut præfecti, ut scribæ, ut comites omnes magistratuum lege hac tenerentur: vos, vos, inquam, ipsi & Senatus frequens restitit: & quanquam tum propter multorum delicta etiam ad innocentium periculum tempus illud exarserat, tamen, cum odium non restingueretis, huic ordini ignem novum subiici non sivistis. Hoc animo igitur Senatus. Quid vos Equites *R.* quid tandem estis acturi? Glaucia solebat, homo impurus, sed tamen acutus, populum monere, ut, cum lex aliqua recitaretur, primum versum attenderet: si esset Dictator, Consul, Prætor, Magister Equitum, ne laboraret, sciret nihil ad se pertinere. Sin autem, quicumque post hanc legem: videret ne qua nova questione alligaretur.

C ij

NOTÆ

NOTAE.

PATRIC. IVDICIO TENTATVR) Fortè, IVDICIO HOC TENTATVR. HOC, autem intelligo Rabiriano, quoquidem agitur, vt iudicetur Rabirius ea lege, qua solutus ac liber est.

QVORVM AGITVR FIDES IN HVNC ORDINEM) Equestrem intelligo. Postremæ tamen tres voces nescio an abesse debeant.

TEMPVS ILLVD) Fero, & tamen τὸ, TEMPVS, videndum esse puto.

QVICVNQVE POST HANC LEGEM) Verba sunt solennia in legibus ferendis.

ORATIO.

X.
CICERO.

Nunc vos Equites R. Videte. Scitis me ortum è vobis, omnia semper sensisse pro vobis: nihil horum sine magna cura & summa charitate vestri ordinis loquor: alius alios homines & ordines, ego vos semper complexus sum. Moneo & prædico, integra re causaq; denuncio, omnes homines deosq; testor, dum potestis, dum licet, prouidete, ne duriores vobis conditionem statuatis, ordinique vestro, quàm ferre possit. Serpet hoc malū (mibi credite) longius, quàm putatis. Potentissimo & nobilissimo Tribuno pl. M. Druso unam in Equestrem ordinem quæstionem ferenti, Si quis ob rem iudicatam, pecuniam cepisset: aperte Equites R. restiterunt.

*runt. Quid? hoc licere volebant? minimè, neq;
solum hoc genus pecuniæ capiendæ turpe, sed etiam
nefarium arbitrabantur: attamen ita disputabant,
eos teneri legibus oportere, qui suo iudicio essent illâ
conditionem vitæ secuti.*

NOTAE.

QVAM FERRE POSSIT) Subaudio, ordo. Quid tamè PATRIC.
si, FERRI, impersonaliter. Quid item? Si personaliter, FERRE
POSSITIS. Sed medium ferè malo.

TRIB. PL. M. DRUSO.) Est locus in ea pro Cluentio
nº 123. qui magnam vniuerso huic loco lucem adferre poterit, si
legatur: quemadmodum sanè legi ab omnibus diligenter, ma-
gnum operæ precium erit, ad totius huius loci intelligentiam
vberiore. Is ita habet. O viros fortes Equites R. qui homini cla-
rissimo ac potentissimo M. Druso Trib. pl. resisterunt, cùm ille
nihil aliud ageret cum illa cuncta, quæ tum erat, nobilitate, nisi v-
ti, qui rem iudicassent, huiuscemodi quæstionibus in iudicium vo-
carentur. Tunc C. Flavius Puffio, Cn. Titinius, C. Mœcenas, illa
robora populi R. ceteriq; huiuscemodi ordinis nō fecerunt idem,
quod nūc Cluentius, vt aliquid culpæ suscipere se putarēt recusā-
do, sed apertissimè repugnarūt, cùm hæc recusarent, & palàm for-
tissimè atq; honestissimè dicerent, se potuisse iudicio populi R. in
amplissimum locum peruenire, si sua studia ad honores petendos
conferre voluissent: sese vidisse, in ea vitâ qualis splendor inesset,
quanta ornamenta, quæ dignitas: quæ se non contempsisse, sed
ordine suo, patrumq; suorum contentos fuisse, & vitâ illam tran-
quillam & quietam, remotam à procellis inuidiarum, & huiusce-
modi iudiciorum anfractu, sequi maluisse: aut sibi ad honores pe-
tendos ætatem integram restitui oportere: aut, quoniam id non
posset, eam conditionē vitæ, quam secuti petitionem reliquissent,
manere: iniquū esse, eos, qui honorum ornamenta propter peri-
culorum multitudinem prætermisissent, populi beneficiis esse pri-
uatos,

uatos, iudiciorum nouorum periculis non carere : senatorem hoc queri non posse, propterea quod ea cōditiōe propōita petere cōpisset, quodque permulta essent ornamenta, quibus eam mitigare molestiam posset, locus, auctoritas, domus splendor, apud exteras nationes nomen & gratia, toga prætecta, sella curulis, insignia, falces, exercitus, imperia, prouinciæ : quibus in rebus cū summum rectè factis maiores nostri præmium, tum plura peccatis pericula propōita esse voluerunt. Illi non hoc recusabant, ea ne lege accusarentur, quæ nūc Habitus accusatur, quæ tunc erat Sempronius, nunc est Cornelia : intelligebant enim ea lege Equestrum ordinem non teneri : sed, ne noua lege alligarentur, laborabant. Et quæ ibi sequuntur.

IN EQVESTREM ORDINEM.) Ferè mallem IN HUNC VESTRUM ORDINEM. Modò enim dixit. VOBIS ORDINIQUE VESTRO.

HOC LICERE VOLEBANT.) HOC, pecuniam accipere ob rem iudicandam, vt modò dixit. Sic enim quoque legere ibi malo, quàm, iudicatam, vt vulgo legitur.

NEQUE SOLVM HOC GENVS CAPIENDAE PECVNIAE TURPE.) Mallem NEC ENIM SOLVM. HOC GENVS, autem, significat pecuniam captam, ob rem iudicatam, an iudicandam, Diximus.

EOS TENERI LEGIBVS.) Mallem, EOS TENERI IIS LEGIBVS, vel potius scriberem, EOS TENERI LEGIB. IIS. Et legerem. Eos teneri legibus iis.

QVI SVO IVDICIO ESSENT ILLAM CONDITIONEM VITÆ SECVTI.) ILLAM, quam scilicet qui sequuntur, eos iis legibus teneri oporteat. Sic dixit in ea pro Cluentio n° 124. Eam conditionem vitæ, quam secuti petitionem reliquissent. Interdum tamen, pro, ILLAM, mallem ferè, ALIAM, ALIAM, autem exponerem, quàm equites scilicet sequuntur. Nimirum etiam vtramque conditionem vitæ mox exponit. Vnam, cum inquit, TE DELECTAT AMPLISS. &c. sic enim quoque mallem, addito, TE, ante, DELECTAT quod huic, TE, opponit statim, NOS. Nos ista nunquam contempsimus &c. Quæ est vitæ altera conditio. In qua quidem etiam describenda, quod illis verbis apertè vtitur, quæ his directè opponi videantur, NOS, inquit, HANC VITAM QVI ETAM

ET AM ET OCIOSAM SECVTI SVMVS, QVAE
QVONIAM HONORE CARET &c. palam indicare vi-
detur, ALIAM, foras pro, ILLAM, legendum esse: vt iam
diximus.

O R A T I O.

XI.
CICERO.

D Electat amplissimus ciuitatis gradus, sella cu-
rulus, fasces, imperia, prouinciæ, sacerdotia,
triumphi, denique imago ipsa ad posteritatis memo-
riam prodita: est simul etiam sollicitudo aliqua, &
legum & iudiciorum maior quidam metus. Nos ista
nunquam contempsimus (ita enim disputabant) sed
hanc vitam quietam atq; ociosam secuti sumus. Quæ
quoniam honore caret, careat etiam molestia. Tam
es tu iudex, quam ego Senator. Ita est: sed tu istud
petiisti, ego hoc cogor. Quare aut iudici mihi non
esse liceat, aut legem lege senatoria non timere. Hoc
vos Equites R. ius à patribus acceptum amittetis?
moneo ne faciatis. Rapiuntur homines in hæc iu-
dicia ex omni non modo inuidia, sed sermone ma-
leuolorum, nisi cauetis. Si iam vobis nunciaretur, in
Senatu sententias dici, vt his legibus teneremini,
concurrendum ad Curiam putaretis: si lex ferretur,
conuolaretis ad rostra. Vos Senatus liberos hac le-
ge esse voluit, populus nunquam alligauit: soluti

D

huc

huc cōuenistis: ne constricti discedatis, caute. Nam si Posthumus fraudi fuerit, qui nec Tribunus, nec præfectus, nec ex Italia comes, nec familiaris Gabinii fuit, quonam se modo defendent posthac, qui vestri ordinis cum magistratibus nostris fuerint his causis implicati?

NOTAE.

PATRIC.

DELECTAT) TE DELECTAT. Diximus modo.

EST SIMVL ETIAM) Legerem, EST O, Viuidius, Nam suprâ dixit, eos teneri legibus oportere. Sic infrâ, in eodem genere. Careat etiam molestia. Ergo hic, EST O, inquit, SIMVL ETIAM SOLICITVDO ALIQUA. SIMVL, autem, cū eo scilicet, quod te delectat. Tale illud Deior. n° 21. Esto, concedatur hæc quoque acerbitatis & odiū magnitudo.

MAIOR METVS) MAIOR, quàm in reliquis videlicet, quos hæc ampla & magnifica non delectant.

TAMES TV IVDIX, QVAMEGO SENATOR) Exponerem. Vterq; ex æquo iudices sumus, tam tu qui es Eques, quàm ego qui sum Senator. Ex æquo igitur, tu Eques, & ego Senator, quæstione pecuniæ captæ ob rem iudicatâ teneri debemus. Est enim obiectio ex persona Senatoris, aduersus Equitem. TAMES TV IVDIX QVAMEGO. Sed illud, SENATOR, abundare ferè dixerim: aut certè, EQVES, ibi addendum. TAMES TV IVDIX EQVES QVAMEGO SENATOR.

ITA EST) Respondet obiectioni.

TV ISTVD PETISTI) Iudicio tuo hanc conditionem vitæ es secutus. Sic enim dixit modò.

AVT LEGEM LEGE SENATORIA NON TIMERE) Sic ferè modò. Legum & iudiciorum maior quid. m. metus. Ac tunc quidem legerem simpliciter. LEGEM SENATORIAM NON TIMERE. Sed si dicendū libere est, quod
in ani-

in animo est, potius legendum totum putem. AVT LEGE SENATORIA NON TENERI. Corruptus locus ad talem aliquem modum. Fortè fortuna fecit lusciosus aliquis & ineptus, ex, TENERI, TIMERE : vt legeretur, AVT LEGE SENATORIA NON TIMERE. Quod scioltus item quispiam conspiciens, addidit in ora libri, LEGEM : vt indicaret, LEGEM, fortassis pro, LE GE, reponendum esse. Quod tandè alius non intelligens, vtrumq; in contextu recepit, & legit. LE GEM LE GE SENATORIA NON TIMERE. Ita prior error pater fuit posterioris.

NEC EX ITALIA COMES) Fortè videndū. Delerem vt glossēma, EX ITALIA. Infra 13. Num Gabinii comes &c.

HIS CAUSIS IMPLICATI) HIS propter has scilicet causas, quas modò dixit, & paulo superius n° 9. Tribunatus, Præfecturæ, comitatus, familiaritates. Vel, HIS CAUSIS, dandi casu. vt sit. IMPLICATI HIS CAUSIS, pecuniarum scilicet repetundarum.

O R A T I O.

XII.

CICERO.

TV, inquit, Gabinium, vt Regem reduceret, impulisti. Non patitur mea etiam fides de Gabinio grauius agere. Quem enim ex tantis inimiciis receptum in gratiam summo studio defenderim, hunc afflictum violare non debeo. Quocum stante sime Cn. Pompeii auctoritas in gratiam non reduxisset, nunc iam ipsius fortuna reduceret. Sed tamen, cum ita dicis, Posthumi impulsu Gabiniū profectum Alexandriam : si defensionem Gabiniū fidem non habes, obliuiscerisne etiam accusationis tuæ ? Gabinius se id fecisse dicebat Reip. causa, quod

D ij

classe

classe[m] Archelai timeret, quòd mare refertum fore prædonum putaret. Lege etiam id sibi licuisse dicebat. Tu inimicus negas: ignosco, et eò magis, quòd est contra illud iudicatum.

NOTAE.

PATRIC.

TV INQVIT) TV Posthume.

NON PATITVR MEA ETIAM FIDES) Vide fragmentū orationis pro Gabinio. quod ita habet. Ego cum omnes amicitias tuendas semper putavi summa religione, & fide, tum eas maxime, quæ essent ex inimicitis reuocare in gratiā: propterea, quod integris amicitis officium prætermisum, imprudentiæ, vel (vt grauius interpretemur) negligentia excusatione defenditur: post reditum in gratiam, si quid est commissum, id non neglectū, sed violatum putatur, nec imprudentiæ, sed perfidiæ assignari solet. Legrem hic autem NON PATITVR ME MEA. Scriptum enim ferè fuit, ME a.

IPSIVS FORTVNA) inclinata & afflicta.

OBLIVISCERIS NE ACCVSATIONIS TVÆ,) Statim eam accusationem exponet.

ORATIO.

XIII.
CICERO.

R Edeco igitur ad crimen & accusationem tuam. Quid vociferabere decem millia talentū Gabinio esse promissa? huic videlicet perblandus rependiendus fuit, qui hominem, ut tu vis, auarissimū exoraret, sestertiū bis millies & quadringenties ne magnopere contemneret. Gabinius illud quoquo consilio

consilio fecit, fecit certè suo: quæcunque mens illa fuit, Gabinii fuit. Siue ille, ut ipse dicebat, gloriam, siue, ut tu vis, pecuniam quæ fuit: quæ fuit sibi. Num Gabinii comes, vel sectator? negat: nō ad Gabinii, cuius id negotium non erat, sed ad P. Lentuli clarissimi viri auctoritatem, à Senatu profectam, & consilio certo, & spe non dubia Romam contenderent. At Dioecetes fuit Regius: & quidem in custodia etiam fuit regia: & vita eius oblata pænæ est. Multa præterea, quæ libido regis, quæ ne cessitas coëgit ferre, pertulit.

NOTAE.

HVIC VIDELICET PERBLANDVS) Videndum **PATRIC,** aliquid. Supra n° 3 Nihil erat illo blandius. Lambinus addit, **ALIQVIS,** post, perblandus, Manutius, **HVI,** pro, **HVIC,** legit. Sed mihi vix dum etiam satisfacit.

QVOQVO CONSILIO) siue bono siue malo.

SIVE ILLE) Fortè, **ET SIVE ILLE.**

AT DIOECETES FVIT REGIVS) Obiectio.

ET QVIDEM IN CVSTODIA FVIT ETIAM REGIA) Responso Ciceronis. Dedita autem opera respondere videtur, sic ut amplificetne hominis dignitatem, an contrà, non satis intelligas, propter ambiguitatem vocis, **CVSTODIA.** Sed cum hæcenus ambigere dixisset, statim aperte declarat, quid velit, cum inquit, **ET VITA EIVS OBLATA PÆNAE EST.** Pro quo tamen ipso, videndum an reponi præstiterit, **VITA EI ABLATA PENE EST.**

O R A T I O.

XIIII.
CICERO.

QVarum omnium rerum una reprehensio est, quòd regnum intravit, quòd potestati se regis commiserit. Verum si quærimus, stultè: quid enim stultius, quàm Equitem R. ex hac Urbe, huius inquam, Reip. ciuem, quæ est vna maximè, & fuit semper libera, venire in eum locum, ubi parendū alteri & seruiendum sit? Sed ego in hoc tandem Posthumò non ignoscā hominī mediocriter docto, qui videam sapientissimos homines esse lapsos? virum vnum totius Græciæ facile doctissimum Platonem, iniquitate Dionysii Siciliæ tyranni, cui se ille commiserat, in maximis periculis insidiisq; esse versatum accepimus: Callisthenem doctum hominem, comitem magni Alexandri, ab Alexandro necatum: Demetrium & ex repub. Athenis, quam optimè digesserat, & ex doctrina nobilem & clarū, qui Phalereus vocitatus est, in eodem isto Ægypti regno asside ad corpus admota vita esse priuatum.

N O T A E.

PATRIC. EQVITEM ROMANVM EX HAC VRBE, HVIVS INQVAM REIPVBLICÆ CIVEM) Delerem tria verba illa. EX HAC VRBE, quæ in hī glossēma veluti quoddam eius quod præcessit, ROMANVM, redolere videntur. Quæ ipsa tamen

tamen si manent, expono. Nihil est stultius, quàm Equitem Rom. venire ex hac vrbe in eum locum, vbi alteri seruiendum sit. Opponit enim τὸ, EX HAC VRBE, τῷ, IN EVM LOCVM. Sed quoniam τὸ, EX HAC VRBE, adiunctū ad illud, EQVITEM ROMANVM, videri poterat sic prolatum, quasi si dixisset, equitem Rom. ex hac vrbe, quod cerè non optimè diceretur, iccirco corrigit se, & dicit, non, Equitem Rom. ex hac vrbe, sed, EQVITEM ROMANVM. HVIVS, INQVAM, REIPVB. CIVEM, QVÆ EST VNA MAXIME ET FVIT SEMPER LIBERA, VENIRE EX HAC VRBE IN EVM LOCVM, VBI PARENDVM ALTERI ET SERVIENDVM SIT.

SED EGO IN HOC TANDEM) Fortè. SED EGO NE HOC TANDEM. Vel, SEDEGO, NVM HOC TANDEM. Vel, VNIn? HOC TANDEM. Atq; adeò pro, TANDEM, etiam fortassis, TANTVM. Sic. SED EGON? vel, SED EGO VNIn? HOC TANTVM POSTVMO NON IGNOSCAM? Significat autem ferè, HOC, venire in locum, vbi alteri seruiendū sit. Alioqui, IGNO SCERE IN HOC, videndum quàm bene dicatur.

QVI VIDEAM SAPIENTIS S.) QVI, pro, QVO. Soline Posthumo ignoscendum hoc non est, quo ipso multi alii, & quidem sapientissimi, sunt lapsi? Vt se scilicet his vel terris vel hominibus crederent, vbi alteri seruiendum sit. Et statim ostendit doctissimos homines in hoc genere magnopere esse lapsos. Dicitur autem, LABI HOC, vt labi ambitione, opinione, inopia: quæ omnia sunt à Cicerone vsurpata.

DEMETRIVM ET EX REPVB. ATHENIS, QVAM OPTIME DIGESSERAT, ET EX DOCTRINA NOBILEM ET CLARVM, QVI PHALEREVS VOCITATVS EST) Hoc ego, si totum Ciceronis est, totū legerem sic, DEMETRIVM QVI PHALEREVS VOCITATVS EST, ET EX REPVB. ATHENIS QVAM OPTIME DIGESSERAT ET EX DOCTRINA NOBILEM ET CLARVM Si non totum Ciceronis est, sic ferè resituerem, DEMETRIVM QVI PHALEREVS VOCITATVS EST, ET EX REPVB. ATHENIEN. ET EX DOCTRINA NOBILEM ET CLARVM.

O R A T I O.

XV.

CICERO.

Planè confiteor fieri nihil posse dementius, quàm scientem in eum locum venire, ubi libertatem sis perditurus. Sed huius istius facti stultitiâ maior iâ superior stultitia defendit: quæ facit, ut hoc stultissimum facinus, quòd in regnum venerit, quòd Regi se commiserit, sapienter factum esse videatur. Si quidem tam semper stulti, quàm serò sapientis est, cum stultitia sua impeditus sit, quoquo modo possit se expedire. Quamobrem illud maneat, & fixum sit, quod neque moveri, neque mutari potest, in quo æqui sperasse Posthumum dicunt, peccasse iniqui, ipse etiam insanisse se confitetur, quòd suam, quòd amicorum pecuniam Regi crediderit, cum tanto fortunarum suarum periculo. Hoc quidem semel suscepto atque contracto, perpetienda illa fuerunt, ut se aliquando ad suos vindicaret. Itaque obicias licet, quàm voles sæpe, palliatum fuisse, aliqua habuisse non Romani hominis insignia: quoties eorum quippiam dices, toties unum dices, atq. illud, temerè hunc pecuniam Regi credidisse: suas fortunas atque famam libidini Regiæ commississe.

NOTAE

N O T A E.

PLANE CONFITEOR) Redit ab exemplis aliorum ad PATRIC.
factum Postumi.

HVIVS ISTIVS FACTI) Doctus vir & mei amantissi-
mus. videtur eiusmodi lectionem ubiq; suspectam habere, HIC
ISTE, HVIVS ISTIVS, HVNC ISTVM. & si quis co-
netur imitari, videtur etiam non admodum probare. Mihi, vt verū
fatear, non displicet, ne nostrās quidem ille, qui id vsurpat soepius
penē cæteris. Quod ipsum, cū alibi, tum mea quidē sententia, ex-
tare etiam videtur apud venustissimum Poëtarum Catullum in e-
pigrammate ad Lesbiam.

Quis me vnō vivit felicior ē aut magis hac ista

Optandam vitam dicere quis poterit ē

Sic enim lego illud, quod in vulgatis legitur. Aut magis hoc est.
Vt scilicet collidatur vltima prioris versus, cum prima posterioris.
Quod quidem exemplū ad eam rem quam volo, idcirco libentius
hoc loco attuli, quod in illo, Est, expressum mihi veræ lectionis
vestigium residere videatur. Quanquam sanē non ignorem, aliter
alios locum poëtae emendare.

MAIORIAM SUPERIOR STVLITIA) Bene,
Quid si tamen, MAIOR AC SUPERIOR. Vel potius, MA-
IOR ILLA SUPERIOR. Sed benē habet. Maiorem au-
tem stultitiam vocat, de qua suprā dixit n° 3. Stultē, quis negat ē

SIQVIDEM TAM SEMPER STVLT, QVAM SE-
RO SAPIENTIS EST.) Ostendere vult Orator, quod di-
xit, stultissimum illud Postumi facinus, quod in regnum Ptole-
mæi venerit, non stultē, sed sapienter factum videri, in compa-
ratione stultitiæ superioris, quam maiorem fuisse dicit. Adderem
igitur hoc loco negantem particulam, & legerem pro, TAM,
NON, Sic, SIQVIDEM NON SEMPER STVLT.
Cætera etiam accommodare sic, QVANQVAM SERO SA-
PIENTIS EST. Nimirū, hoc, quamquam, scriptum erat sic.
QVAM. Atq; hoc quidem sic. Sed tamen illud, SEMPER, nō
satis adhuc placet. Quid igitur si sic ē SIQVIDEM HAVD
MAGNOPERE STVLT. Etiam Lambinus suspectum lo-
cū habuit, emendavit autē, TAM NON SEMPER STVLT,

E

TI,

TI, QVàm &c. Quod si est, equidem malim, NON TAM SEMPER STVLTI, QVàm &c. Et hoc probo. Nam & stultum facetur facinus, & idem tamen sapienter factum ostendit. Manutius legit, vt vulgo, & interpretatur.

PERPETIENDA ILLA FVERVNT) Fortè, ILLI EA FVERVNT. ILLA, autem siue, EA, intelligit, quòd scilicet in regnum Ptolomæi se contulerit: & quæ eam profectioem sunt consecuta.

VT SE ALIQVANDO AD SVOS VINDICARET) Vix rectum. Fortassis legendū, VT ÆS ALIQVANDO ILLVD SVVM VINDICARET. Hoc statim ita effert n° 17. Postumo crimen vestitus afferet is, in quo spes fuit, posse sese aliquando ad fortunas suas peruenire.

ALIQVA HABVISSE NON ROM. HOMINIS INSIGNIA) ALIQVA, videndum. Fortè, GRÆCA, vel, GRÆCI. Sic. GRÆCA HABVISSE &c. vel. GRÆCI HABVISSE, NON ROM. Sed fero, quod præferūt libri passim.

VNUM DICES ATQVE ILLVD.) Delerem ferè, ATQVE. sic. VNUM DICES ILLVD. Lamb. ex aliis libris legere se dicit. VNUM DICES ATQVE IDEM.

SVAS FORTVNAS LIBIDINI REGIÆ COMMISISSE) Supra n° 1. statim initio.

ORATIO.

XVI.
CICERO.

Fecerat temere, fateor: mutari factum iam nullo modo poterat: aut pallium sumendum Alexandriæ, vt & Romæ togato esse liceret: aut omnes fortunæ abiiciendæ, si togam retinisset. Deliciarum causa & voluptatis non modò ciueis R. sed & nobiles adolescentes & quosdam etiam Senatores summo loco natos, non in hortis aut suburbanis

suis

suis, sed Neapoli in celeberrimo oppido cum mitella saepe videmus. Chlamydatum illum L. Syllam imperatorem, L. verò Scipionis, qui bellum in Asia gessit, Antiochumque deuicit, non solum cum chlamyde, sed etiam cum crepidis in Capitolio statuam videtis. Quorum impunitas fuit non modò à iudicio, sed etiam à sermone. Facilius certè P. Rutilium Rufum necessitatis excusatio defendet: qui cùm à Mithridate Mitylenis oppressus esset, crudelitatem Regis in togatos vestitus mutatione vitauit,

NOTAE.

AVT PALLIVM SVMENDVM) Conformatis duabus PATRIC. ex proximè superiore verbo, POTERAT, dictionibus, sic legem. POTERAT. ITA ERAT AVT PALLIVM SVMENDVM. Sic enim ibi, Mutari factum iam nullo modo poterat, aut pallium.

VT ET ROMA E) Videndum aliquid. Legerem planè, VT EI ROMA E. Hoc sensu. Si volebat aliquando Romæ viuere togatus, necesse erat, vt Alexandriae sumeret pallium. Nam si cum toga Romæ mansisset, & iuris sui persequendi gratia Alexandriam (vbi pallium viuere oportuit) profectus non fuisset, omnes fortunas amisisset, & ita postea Romæ togatus viuere nunquam potuisset. Nunc verò Alexandriae pallium sumpsit, vt ibi curatorem Regiam susciperet, fortunasq; suas recuperaret. Infra n° 17.

SOEPE VIDEMVS.) Fortè, VIDIMVS.

QVORVM IMPVNITAS FVIT NON MODO A IVDICIO SED ETIAM A SERMONE) Quasi tu dicas, Qui impuniti remansere, non modò à iudicio, sed etiam à sermone. Hoc est. Non modò eius rei causa non iudicantur, sed ne sermonibus quidem hominum obnoxii sunt, Videndum id tamè.

E ij

Cùm

Cum denuo ad hunc locum venissem, tale aliquid excogitandum esse, ad eius loci emendationem existimaui: ut legeretur, QVORVM IMPVNITVS MOS FVIT. Vel, QVORVM IMPVNITA RATIO FVIT. Vel, QVORVM IMPVNITA VOLVPTAS FVIT. Nam supra, deliciarum & voluptatis causa, ita incessisse nonnullos, dixit. Vel denique sic. QVAE TAMEN. Vel, QVAE TVM IMPVNITA SCILICET FVIT. Nimirum ut ex S, fiat, SCILICET: & τό, QVAE, ad statum referatur, quæ ob peregrinum vestitum, neque iudicio læsa fuit, neque sermone cuiusquam. Illud certe pro Ligario, aliud est n° 6. Quorum igitur impunitas clementiæ tuæ laus est &c. Atque adeo, ut hoc quidem loco omnes meas cogitationes scribendo exhauriam, dico, videri mihi etiam sequentia illa, quæ ita habent. FACILIVS CERTE &c. ad talem aliquem modum esse conformanda, & cum antecedentibus coniungenda. NON MO-DO A IVDICIO SED ETIAM A SERMONE ALICVIVS. Vel ut maxime, A SERMONE FACETI ALICVIVS. Ut deinde noua demum incipiat periodus. CERTE P. RVTILIVM. &c. & non ut antè. FACILIVS CERTE P. RVTILIVM. Dices. Nimium hoc esse. Atqui ego sic sum, si placeo, vtere: sin minus, tum nimium hoc quidem refeca, & si lubet, etiam abiice: nos autem ama, vel de animo saltem isto tam sincero.

O R A T I O.

XVII.
CICERO.

ERgo ille P. Rutilius, qui documentum fuit hominibus nostris virtutis, antiquitatis, prudentiæ, Consularis homo soccos habuit & pallium: nec verò ideo id homini tum quisquam, sed tempori assignandum putauit: Posthumo crimen vestitus afferet is, in quo spes fuit, posse sese aliquando ad fortunas suas peruenire? Nam ut ventum est Alexandriam

*driam ad Aulctem Iudices, hæc vna ratio à Rege
proposita Posthumio est seruandæ pecuniæ, si cun-
tationem & quasi dispensationem regiam suscepisset. Id
autem facere non poterat nisi Diæcetes: hoc enim
nomine utitur, qui à Rege esset constitutus. Odio-
sum negotium Posthumio videbatur: sed erat nulla
omnino recusatio. Molestum etiam nomen ipsum:
sed res habebat nomen hoc apud illos, non hic im-
posuerat. Odenat vestitum etiam illum: sed sine eo
nec nomen illud poterat, nec munus tueri. Ergo ad-
erat vis (vt ait poëta ille noster) quæ summas fran-
git infirmatque opes. Moreretur, inquires: nam id
sequitur. Fecisset certè, si sine maximo dedecore tā
impeditis suis rebus potuisset emori.*

NOTAE.

VIRTVTIS ANTIQVITATIS) Videndum, AN- PATRIC.
TIQVITATIS. Quamquam hoc quidem etiam in laude non-
nunquam vsurpatur, vt, homo antiqua virtute. De eodem autem
P. Rutilio semper cum laude Cicero loquitur. Vide nostras adnot.
in fragm. orationis pro Scauro. Lambinus habet, SANCTI-
TATIS, pro, ANTIQVITATIS.

NEC VERO IDEO ID HOMINI) Legerem. NEC
VERO IDEM ID HOMINI. Vel simpliciter. NEC VE-
RO ID HOMINI. Et sic Lambinus.

IN QVO SPES FVIT) Legerem ferè. IN QVO VNO
SPES FVIT. Atq; hoc sanè malo, quàm illud, SE SE, dupli-
catū, quod statim sequitur, POSSE SE SE ALIQVANDO.

SERVANDÆ PECVNIAE.) Eodem verbo in eadem re

utitur Suetonius. Referens maiorum temporibus, inquit, Rabirio Postumo, Ptolemæum Alexandriam, crediti seruandi causa secuto, maiestatis crimen apud iudices motum. Seruare, autem pecuniam, significat hoc loco, non tenere illam apud regem, sed, aut exigere à rege, aut certè sibi ipsi conseruare, quæ credita ad eum modum, pro, amissa poterat reputari. Ergo seruare, recuperare est. Quam significationem verbi, vidimus etiam postea, à Lambino esse obseruatam, in illud supra n° 5. Nec ex eius bonis quanta summa &c. dum affert, in quibusdam libris, pro, recipi, legi, seruari. Quod ipsum eodem illo in loco confestim adnotauimus.

SI CURATIONEM ET QVASI DISPENSATIONEM REGIAM) Videndum vel, dispensationem, vel, regiam, vel vtrumque. Interdum legerem, REGIAE, pro, REGIAM. Ut scilicet susciperet curationem & dispensationem regiae. Regiae, inquam, quæ est videlicet domus & aula Regis. Nam & alibi orator idem, dispensationem ararum vocat, quanquam alia fortassis quadam ratione. Ex quo fit, ut locus ipse carere posse videatur illo toto, ET QVASI DISPENSATIONEM.

ID AVTEM FACERE NON POTERAT) Videndum an tò, facere, abundet.

HOC ENIM NOMINE VTITVR QVI A REGE ESSET CONSTITVTVS) Legerem, EST, pro, ESSET. Quanquam ne hoc quidem totum valde mihi probatur, illud: præfertim, HOC ENIM NOMINE VTITVR. Videtur enim glossema esse. Mallem igitur sic. NISI DIOECETES, QVI A REGE ESSET CONSTITVTVS. Planissimè. Nam si Dioecetes nominis declaratione aliqua opus fuit, tum profectò opus fuit, cum antea eo nomine vsus primùm esset, n° 13. At Dioecetes fuit regius. Interdum etiam mallem sic. ID AVTEM FACERE NON POTERAT, NISI DIOECETES CONSTITVTVS. Vel, NISI DIOECETES ESSET CONSTITVTVS. Vel, NISI DIOECETES A REGE ESSET CONSTITVTVS.

NON HIC IMPOSVERAT) Videndum hoc totum, POTVISSET EMORI) Ferè vacat, EMORI.

ORA-

O R A T I O.

XVIII.
CICERO.

Nolite igitur fortunam conuertere in culpam: neque regis iniuriam huius crimen putare, nec consilium ex necessitate, nec voluntatem ex vi interpretari. Nisi fortè eos etiam, qui in hostes, aut in prædones inciderint, si aliter quippiam coacti faciant, quàm liberè, vituperandos putes. Nemo nostrum ignorat, etiamsi experti non sumus, consuetudinem regiam. Regum autem sunt hæc imperia. Animaduerte, & dicto pare: et, Præter rogatum si querere: & illæ minæ, Si te secundo lumine hinc offendero, moriere. Quæ, non ut delectemur solum, legere & spectare debemus, sed ut cauere etiam & effugere discamus.

N O T A E.

NEC CONSILIVM EX NECESSITATE) Noli PATRIC.
te putare consilio actum aut voluntate, quod vi & necessitate gestum est.

SI ALITER QVIPPIAM COACTI FACIANT,
QVAM LIBERÈ VITVPERANDOS PVTES)
QVAM LIBERÈ, putarem esse glossema tñ ALITER.
Quod ego quidem pro, male, ferè posui esse dixerim. Quanquã
& hoc quidem, A L I T E R, videndum, an bene habere, videri,
aut etiam an abesse queat. Ut totum legatur sic. SI QVIPPI-
AM COACTI FACIANT, VITVPERANDOS
PVTE TIS, Sic enim lego, pro, PVTE S, Interdum lego sic.

S I A

SI ALITER QVIPPIAM COACTIFACIANT
QVAM LIBERI, pro, QVAM LIBERE. Et hoc probo.

REGVM AVTEM) Malo, REGVM ENIM.

PRÆTER ROGITATVM SI QVERARE) De men-
do suspicor, vel potius vereor. Lamb, SI LOQVARE. pro,
SI QVERARE.

LEGERE ET SPECTARE.) LEGERE in scriptis
comœdiis, vel potius Tragœdiis, SPECTARE, in iis ipsiis dum
aguntur.

ET EFFVGERE.) Mallem simpliciter, ET FVGERE.
Sed pronuntiationis vitium in scripturam irrepsit.

ORATIO.

XVIII.
CICERO,

AT ex hoc ipso crimen exoritur. At enim, dum
Gabinio pecuniam Posthumus cogeret ex de-
cumis imperatorum, pecuniam sibi coëgisse. Non in-
telligo, hoc quale sit, vtrum accessionem decumæ,
vt nostri facere coactores solent, centesima, an de-
cessionem de summa fecerit. Si accessionem: unde-
cim millia talentum ad Gabinium perueniunt. At
non modò abs te decem millia obiecta sunt, sed etiã
ab his æstimata. Addo illud etiam: quĩ tandem cõ-
uenit, aut tam graui onere tributorum ad tantam
pecuniam cogendã mille talentum accessionem esse
factam: aut in tanta mercede hominis, vt vis, aua-
rissimi, mille talentum decessionem esse concessam?
neque enim fuit Gabinii, remittere tantum de suo:
nec

nec Regis, imponere tantum pati suis. Aderunt testes Legati Alexandrini. Hi nihil in Gabinium dixerunt: immo hi Gabinium laudauerunt. Ubi ergo ille mos? ubi cōsuetudo iudiciorum? ubi exempla? solētne is dicere in eum, qui pecuniam redegit, qui in illum, cuius nomine ea pecunia redigeretur, non dixerit? Age, si is, qui non dixit, solet: etiāne is solet, qui laudauit? iisdem testibus, & quidem non productis, sed dictis testium recitatis, quasi præiudicata res ad has causas deferri solet.

NOTAE.

DVM GABINIO PECVNIAM POSTVMVS CO-PATRIC. GERET EX DECVMIS IMPERATORVM, PECVNIAM SIBI COEGISSE) Videndum. Interdum existimem vtrumq; illud, PECVNIAM, bis positū, vtroq; abundare. Semel ibi. Dūm Gabinio pecuniā Postumus cogeret. Et iterum. Pecuniam sibi coēgisse. Nam si coactores absolute dicuntur collectores pecuniæ, vt mox loquitur idem orator, dū dicit. Vt nosrī coactores, inquit, facere solent: cur non absolute dicatur, cogere, pro, pecuniā colligere? Quod si non in vtroq; loco, in altero certē quidem abundabit, sic. DVM GABINIO PECVNIAM POSTVMVS COGERET EX DECVMIS IMPERATORVM, SIBI COEGISSE. Nisi fortē legas sic. EX DECVMIS IMPERATORVM PECVNIA-RVM, SIBI COEGISSE. Alioqui, vt hic abundat vox, PECVNIAE, ad vocem, COGERE, ita mox, ad vocem, PECVNIAE, abundat vox, COGENDI. Mox dicam. Turnebus hoc loco, decumas imperatorum, interpretatur, decumas pecuniæ imperatæ à Rege Ptolomæo ad vsum Gabinii. Quod si est, legem ferē, vel, EX DECVMIS IMPERATIS: vel, EX
F DECVMIS

DECVMIS IMPERATI AERIS. Lambinus. & nobiscū facit in priore coniectura : & Turnebum legisse videtur. Manutius non legisse. Neq; enim potest intelligere, quæ sint decumæ imperatorum. Quare legit etiam ferè, ARATORVM.

VT NOSTRI FACERE COACTORES SO-
LENT) Quid si absit, FACERE.

CENTESIMA) Addita scilicet centesima ad decimam, seu ad decem millia talentū, vt fiant vndecim millia,

DE SUMMA) de decem millibus.

ABSTE DECEM MILLIA) Sola decem millia,

AB HIS) A iudiciis.

TAM GRAVI ONERE TRIBVTORVM AD
TANTAM PECVNIAM COGENDAM) COGEN-
DAM, abesse potest. Dixi. Quid si etiam totum illud, AD TAN-
TAM PECVNIAM COGENDAM, eodem modo absit
& pro, ONERE, ONERI, legatur sic. TAM GRAVI O-
NERI TRIBVTORVM, MILLE TALENTVM AC-
CESSIONEM ESSE FACTAM) Quid si etiam nullis e-
macularis legatur sic. TAM GRAVI ONERI TRIBV-
TORVM, TANTA PECVNIA COGENDA, MIL-
LE TALENTVM &c. Vt illud, TANTA PECVNIA
COGENDA, sit expositio illius tam grauis oneris.

IN TANTA MERCEDE) Fortè, DE TANTA MER-
CEDE. Sic modò. Deceffionem de summa fecerit.

HOMINIS AVARISSIMI) Gabini. Vt mox dicit.

REMITTERE TANTVM) Mille talenta scilicet.

IMPONERE TANTVM PATI SVIS) PATI, a-
bundat fortassis. Quanquam ne abundat fortassis quidem. Signi-
ficatur enim regem ipsum non passurum fuisse tantum imponere
suis. Manutius miro quodam modo exponit, imponere pati : qua-
si tu dicas, imponere vt patiantur. Nimirum illud, Tantum pati,
pro nominatiuo accipere videtur.

ADERVNT TESTES) Fortè, ADERANT.

SOLETNE IS DICERE IN EVM QVI PECV-
NIAM REDEGIT, QVI IN ILLVM CVIVS NO-
MINE EA PECVNIA REDIGERETVR, NON
DIXERIT ?) Expono. Is qui pecuniam dicit aliquem redegisse,
nonne dicit etiam, cuius nomine redacta esset ? Et contrà, is qui
non

non dixit, cuius nomine pecunia redigeretur, soletne dicere in eum, qui pecuniam redegit?

ETIAMNE IS SOLET QVI LAUDDAVIT) q. d. Multo minus. Sensus. Non solet, inquit, quisquam hominum in eum dicere qui pecuniam redegit, nisi simul in eum dicat, cuius nomine redacta ea esset. Multo igitur minus ille solet dicere, qui in eum non tantum non dixit, sed eum etiam laudavit. Turnebus hoc loco tollit punctum interrogationis: & mox, pro, DEFERRI, AD FERRI, legit, AD HAS CAUSAS AD FERRI SOLET, pro, DEFERRI.

DICTIS TESTIVM RECITATIS) Scribo, DICTIS tm RECITATIS. Hoc est, dictis tantum recitatis. Non productis, inquit, testibus, sed dictis tantum eorum recitatis.

ORATIO.

ET ait etiam meus familiaris & necessarius ^{XX.} CICERO.
 andem causam Alexandrinis fuisse, cur laudarent Gabinium quæ mihi fuerit, cur eundem defendere. Mihi C. Memmi causa defendendi Gabini fuit reconciliatio gratiæ. Neque me verò pœnitet mortales inimicitias, sempiternas amicitias habere. Nam si me inuitum putas, ne Cn. Pompeii animum offenderem, defendisse: causam, & illum, & me vehementer ignoras. Neque enim Pompeius me sua causa quicquam facere voluisset inuitum: neque ego, cui omnium civium libertas charissima fuisset, meam proiecissem. Quandiu inimicissimus Gabinio fui, non amicissimus mihi non Pompeius
 F ij fuit

*fuit: nec, posteaquam illius auctoritate eam dedi
veniam quam debui, quicquam simulavi, ne cum
mea perfidia illi etiam ipsi facerem, cui beneficium
dedissem, iniuriam. Nam non redeundo in gratiam
cum inimico, non violabam Pompeium. Si per eum
reductus insidiosè redissem, me scilicet maxime, sed
proxime illum quoque fecissem.*

NOTAE.

PATRIC. MEVS FAMILIARIS ET NECESSARIVS)
Quis? nisi is quem statim compellat respondendo. Mihi, inquit,
C. Memmi &c.

RECONCILIATIO GRATIAE) Vide fragmentum
eius orationis, quæ est pro Gabinio, in libro fragmentorum no-
strorum. quod recitavi suprâ n° 12.

**MORTALES INIMICITIAS, SEMPITERNAS
AMICITIAS)** Vide Ciceronem eundem in libro de Amicit.
n° 54. & Liuium lib. 40.

NE CN. POMPEII ANIMVM OFFENDEREM)
Videndum, an Tullianum sit.

**DEFENDISSE: CAVSAM ET ILLVM ET ME
VEHEMENTER IGNORAS)** Primum distingo, DE-
FENDISSE CAVSAM. Deinde subiungo id quod sequitur.
ET ILLVM, ET ME, VEHEMENTER IGNORAS.
ILLVM, autè intelligo Pompeium. Vtrumque liquet ex ratione
huius propositionis subsequente. Nam cum dicit. **NEQVE E-
NIM POMPEIVS**, reddit rationē eius quod dixit, **ILLVM**
IGNORAS. Cum dicit. **NEQVE EGO**, eius quod dixit,
ME IGNORAS, Dixit autem, **ME IGNORAS**, ad imita-
tionem Terentii Heaut. Me ignoras Clinia. Vulgata distinctio,
CAVSAM, ILLVM, ME, ferri non potest. Neque enim in
ratione subsequenti, aliquid de causa adiungitur, sed de se tantum
orator

orator loquitur, & de Pompeio. Lambini igitur editionem non audio, quæ ad causam, addit, &. ET CAUSA M. Manutii etiam interpretationem expendendam esse censeo.

NON AMICISSIMVS MIHI NON POMPEIVS FVIT) Mallem. NON AMICISSIMVS MIHI POMPEIVS NON FVIT.

ILLIVS AVCTORITATE EAM DEDI VENIAM) Temum Exoli odpuscit. Temum Exoli mino sye puscit.

NE CVM MEA PERFIDIA ILLI ETIAM IPSI FACEREM, CUI BENEFICIUM DEDISSEM, INIVRIAM) Ne illi ipsi facerem iniuriam, cui beneficium dedissem, idq; cum mea etiam perfidia. Hoc est. ne simul & perfidus ipse essem, & in alium iniurius, in eum autem præsertim, quem aliquo beneficio affecissem. Atq; hoc est, quod dicit in ea pro Gabinio in fine fragmenti, sic. Post reditum in gratiam si quid est ommissum prætermittendo officio, non imprudentiæ sed perfidiæ assignari solet.

ILLI IPSI CUI BENEFICIUM DEDISSEM) Ex eo quod sequitur, patet de Pompeio, id quod nunc dicitur, intelligendum esse. De quo, ut modo dixit, se eius auctoritate dedisse veniam, hoc autem est, inimico offensam condonasse, ita hoc loco dicit, se ei beneficium dedisse, hoc est, ut ego interpretor, in gratiam ipsius id quod fecit, fecisse. Notat etiam aliquid eiusmodi Manutius.

ILLVM QVOQVE FEFELLISSEM) Pompeium scilicet, per quem sum reductus in gratiam.

ORATIO.

At de me omittamus: ad Alexandrinos istos re-
 uertamur. Quod habent os? quam audaciam?
 modo vobis inspectantibus in iudicio Gabinii tertio
 quoque verbo excitabantur. Negabant pecuniam
 F iij Gabinio

XXI.
CICERO.

Gabinio datum. Recitabatur identidem Pompeii testimonium, Regem ad se scripsisse, nullam pecuniam Gabinio, nisi in rem militarem, datum. Non est, inquit, tum Alexandrinis testibus creditum. Quid? postea creditum? non. Quamobrem? quia nunc aiunt, quod tum negabant. Quid ergo? ista conditio est testium, ut quibus creditum non sit negantibus, iisdem credatur dicentibus? At si verum tum, cum verissima fronte dixerunt, nunc mentiuntur: si tunc mentiti sunt, doceant nos verum. Quid vultis? fileant.

NOTAE.

PATRIC. TERTIO QVOQ. VERBO EXCITABANTVR) EXCITABANTVR, videndum. Sic tamen infra n° 29. Possum excitare multos testes. Quid si? CITABANTVR. In Verrem. Testem totam Siciliam citabo.

QVID? POSTEA CREDITVM? NON) Nec placet, CREDITVM: & displicet, NON. Quid ita? quia statim sequitur illud, IISDEM CREDATVR DICENTIBVS. In quo ipso, utrumque mihi inesse videtur, & tempus videlicet in hoc loco proposito, praesens aut futurum requiri, non praeteritum: & particulam negantem aut abesse, aut in affirmantem transformari oportere. Legerem igitur simpliciter. QVID POSTEA? CREDETVR NE? Et tunc, quasi quis respondisset, credetur: ad eam rem absurdam, quasi ex responsione natam, exclamat. QVAMOBREM? Quid est, inquit, cur credi debeat? Hae ego olim. Atqui Lambinus aliter. Aliter verbis, sed eadem mecum sententia, quem vide. Aliter etiam Manutius, & tamen nobiscum quoque sentit. Quærat quis. Ecquam tu, Patrici, ex omnibus emendatio-

dationem probas & Manutii ferè dixerim. Nam omnia satis exprimit, quæ sunt opus, & nihil verborum nec detrahit, nec addit. Sic enim emendat. QUID POSTEA? CREDETUR NVNC. QVAMO BREME? Atq; adeò τὸ, NVNC, perplacet. Sic enim statim. Nunc aiunt, quod tum negabant.

QVID ERGO? ISTA CONDITIO EST TESTIVM) Mallem. QVAE ERGO ISTA CONDITIO EST TESTIVM?

AT SI VERVM TVM, CVM VERISSIMA FRONTE DIXERVNT, NVNC MENTIVNTVR: SI TVNC MENTITI SVNT, DOCEANT NOS VERVM. QVID VULTIS? SILEANT) Legerè. AT SI VERVM TVM, CVM VERISSIMA FRONTE DIXERVNT, NVNC MENTIVNTVR, SIN TVNC MENTITI SVNT, DICENTNE VERVM, CVM VULTVS SIMVLENT? Sensus planissimus. Si antea verum, cum verissima fronte dixerunt, nunc profectò cum fronte non verissima, mentiuntur. Si autem tunc mentiti sunt, cum verissimam frontem præferrent, quomodo verum dicent, cum vultum simulent? Vel, VULTV SIMVLENT. Nam in illo, CVM VERISSIMA FRONTE, τὸ, CVM, præpositionem esse puto, non adverbium: ut est in meo scriptum, & accentu gravi notatum. Eos autem ipsorum vultus fictos & simulatos videre, statim ostendit se esse cupidissimum, dum inquit, Nec mihi longius quicquam est iudices, quàm videre hominum (subaudi, istorum) vultus. Lambinus hæc emendans, longius discedere videtur. Manutius vlcus non attingit.

ORATIO.

XXII.

CICERO.

Dicere audiebamus Alexandriam, nunc cognoscimus: illinc omnes præstigiæ, illinc, inquam, omnes fallaciæ, omnia denique ab his nummorum argumenta nata sunt. Nec mihi longius quicquam est lu.

est Iudices, quàm videre hominum vultus. Dixerunt hîc modò nobiscum ad hæc subsellia, quibus superciliis renuentes huic decem millium crimini? iam nostis insulsitatem Græcorum. Humeris gestû agebant. Tum temporis credo causa, nunc scilicet tempus nullû est. Vbi semel quis peierauerit, ei credi postea, etiam si per plures deos iuret, non oportet: præsertim Iudices, cùm in his iudiciis ne locus quidem nouo testi soleat esse: ob eamquæ causam iidem iudices retineantur, qui fuerint de reo, vt his nota sint omnia, neque quid fingi noui possit. Lites, quod ea pecunia peruenerit, non suis propriis iudiciis, sed in reum factis condemnari solent.

NOTAE.

PATRIC. DICERE AUDIEBAMVS NVNC COGNOSCI-
MVS) Vide in ea in Pisonem n° 28. Ex vobis audio. Hoc certè video. Vide etiam loco quo suprâ interpretantem Turnebum.

NVM MORVM ARGVMENTA) Non satis intelligo. Si fas sit, legerem ferè, CAPTIONVM ARGVMENTA: vel, TALIVM RERV M ARGVMENTA. Sed si hoc legere fas non est, aliquid tamen aliud querere fas est. Nam & Turnebus non videtur probare, NVM MORVM, & pro eo legit, MIMORVM ARGVMENTA. Quod ipsum probat mirificè Lambinus. Manutius tamen, numerum argumenta, interpretatur. Ego ἰπῆχρ.

HOMINVM VVLTVS) simulatos illos scilicet, vt nos legendum esse ducimus.

IAM NOSTIS INSVLSITATEM GRAECORVM.

RVM. HVMERIS GESTVM AGEbant. TVM TEMPORIS CREDO CAUSA. NVNC SCILICET TEMPVS NVLLVM EST) Videndum. Quid r. si. Nec enim diuinationi multa vlla verēda est. IAM NOSTIS IN SVLSITATEM, GRAECORVM HVMERIS GESTAM, AGEbant TVM TEMPORIS, CREDO, CAUSA. Vel, AIEBANT, pro, AGEBANT. Sed hoc vt lubet. Illud quod sequitur. NVNC SCILICET TEMPVS NVLLVM EST. subaudi, vt eius quoq; temporis causa, nunc item vt olim, hoc vel illud possint agere. Illud in animo iudicium intelligendum relinquit. Sed nunc quoque, non minus vt olim, tempus est. Ergo nunc quoque vt olim, hoc vel illud possunt agere, atque adeo falsum testimonium dicere.

VBI SEMEL QVIS PEIERAVERIT, EI CREDI POSTEA, ET SI &c. NON OPORTET) Mendax id damni facit, quod etiam vera dicens, fidem non acquirit. Vulgo sic aiunt. sed tamen in hac plana ac facili sententia, aliquid à principio abesse, vel potius deesse videtur.

IIDEM IVDICES) non noui: sed qui antea iudicauerunt: &, vt statim dicit, qui olim fuerunt,

QVI FVERVNT DE REO) DE REO, videndum.

NEQVE QVID FINGI NOVI POSSIT) Mallem. NEC ALIQVID FINGI NOVI POSSIT. Vel, NEVE QVID FINGI NOVI POSSIT.

LITES QVO EA PECVNIA PERVENERIT NON SVIS PROPRIIS IVDICIIS SED IN REVM FACTIS CONDEMNARI SOLENT) Videndū: & quidem inter cætera, vtrum, lites condemnari, dicantur. Mallem serè. LITE ENIM: vel, LEGE ENIM QVO EA PECVNIA PERVENERIT, NON SVIS PROPRIIS IVDICIIS (vel, INDICIIS, potius) SED IN REVM FACTIS, CONDEMNARI SOLENT, QVI CONDEMNARI SOLENT. Sensus. Hi qui condemnari solent, lite, vel lege illa, quod ea pecunia peruenerit, non iis iudiciis hoc autem est testimoniis, quæ propriè in ipsos fiunt, cōdemnantur, sed illis, quæ fiunt in reum ipsum, in eum scilicet, qui lege Iulia repetundarum accusatur, Sed vt semper aliàs, ita hinc quoque nihil pronuncio,

O R A T I O.

XXIII.
CICERO.

I Taque si aut prædes dedisset Gabinus, aut tantum ex eius bonis, quanta summa litium fuisset, populus recepisset: quanuis magna ad Posthumum ab eo pecunia peruenisset, non redigeretur: ut intelligi facile possit, quod ex ea pecunia, ad quem eorum, qui damnatus est, peruenisse in illo primo iudicio planum factum sit, id hoc genere iudicii redigi solere. Nunc verò quid agitur? ubi terrarum summus? quid tam insolens, tam peruersum præposterumue dici, aut excogitari potest? accusatur is, qui, non abstulit à Rege, sicut Gabinus iudicatus est: sed qui maximam Regi pecuniam credidit. Ergo is Gabinio dedit, qui non huic reddidit. Iam cedo, cum is, qui pecuniam Posthumus debuit, non huic, sed Gabinio dederit: condemnato Gabinio, utrum illi eam pecuniam reddidit, an etiam nunc debet? At habet, & celat: sunt enim qui ita loquantur. Quod genus tandem est istud ostentationis & gloriæ? si nihil habuisset unquam, tamen, si quaesisset, cur is dissimularet habere, causa non esset. Qui verò duo lauta & copiosa patrimonia accepisset, remque præterea bonis & honestis rationibus auxisset: quid esset tandè causæ, cur existimari vellet nihil habere.

NO.

NOTAE.

QVOD EX EA PECVNIA AD QVEM EORVM PATRIC.
 QVIDAMNATVS EST PERVENISSE IN ILLO
 PRIMO IVDICIO PLANVM FACTVM SIT, ID
 HOC GENERE IVDICII REDIGI SOLERE) Vi-
 dendum. Suprà quidem n° 5. legitur sic. Iubet lex Iulia persequi
 ab iis ad quos ea pecunia, quam is coeperit qui damnatus sit per-
 uenerit. Ergo legendum ferè est. QVOD EX EA PECV-
 NIA QVAM IS COEPERIT QVI DAMNATVS
 EST, AD QVENQVAM PERVENISSE, IN ILLO
 PRIMO IVDICIO PLANVM FACTVM SIT, ID
 HOC GENERE IVDICII REDIGI SOLERE. Lā-
 binus ad eundē hunc locum respiciens, sic emendat. QVOD EX
 EA PECVNIA, QVAM CEPIT IS QVI DAMNA-
 TVS EST PERVENISSE I. L. P. I. P. F. S. I. H. G. I. R.
 S. Atque idē Cuiatio in mentem venisse scribit. In Manutii com-
 mentario in hunc locum, deesse etiam quiddam videtur, à librari-
 is omisum in libro quidem editionis Colonien: cum sic scribit.
 Redigi solere) tum scilicet, cum neque is, qui in illo primo iudicio
 damnatus est, neque ex eius bonis quanta summa litium aestima-
 tarum fuit, populus recepit. Addendum enim esse videtur. Prædes
 dedisset. Sic. Neque is qui in illo primo iudicio damnatus est, præ-
 des dedisset, neque ex eius bonis &c.

IS GABINIO DEDIT QVI NON HVIC RED-
 DIDIT) IS DEDIT. Ptolemæus. HVIC, Postumo scilicet.
 AT HABET) Postumus à Rege pecuniam sibi solutam.
 SI NIHIL HABVISSET VNQVAM) in re sua familiari.
 SI QVAESISSET) SI ACQVISISSET. Etiam Ma-
 nutius eodem modo.

QVI VERO DVO LAVTA) Fortè, QVVM VERO.

ORATIO.

A Ncūm credebat inductus vsuris, id agebat, vt XXIIII.
CICERO.
G ij baberet

haberet quamplurimum? posteaquam exegit quod crediderat, ut existimaretur egere, nouum genus hoc gloriæ concupiscit? Dominatus est enim, inquit, Alexandriæ. Immò verò in superbissimo dominatu fuit: pertulit ipse custodiam: videt in vinculis familiareis suos: mors ob oculos sæpe versata est: nudus atque egens ad extremum fugit è regno. At permutata aliquando pecunia est: ductæ naues Posthumi Puteolis sunt: auditæ visæque merces, fallaces quidem, & fucosæ, chartis, & linteis, & vitro delatæ: quibus cum multæ naues refertæ fuissent, vna non patuit parua, arctata. Plus ille Puteolanus sermo illius temporis, vectorumque cursus, atque ostentatio, tum subinuifum apud maleuolos Posthumi nomen propter opinionem pecuniæ nescio quam, æstatem vnā complures aures referfit istis sermonibus.

NOTAE.

PATRIC.

CVM CREDEBAT) pecuniam. Sensus. Qui credendo pecuniam, id agebat, ut maximè augeret vsuris rem suam familiarē: is si creditam exegisset cum vsuris, idē ageret, ut existimaretur egere.

VT EXISTIMARETVR EGERE) Subaudi. Hoccine agit, ut existimaretur egere.

FVIT IN DOMINATV) quod alioqui diceret aliquis, fuit in seruitutē. Sic enim veteres dicebant. Ades ad imperandum, ut scilicet tibi imperetur.

DVCTAE

DVCTAE NAVES POSTHVMI &c.) Videndum. Lambinus sic legit. ACTAE NAVES &c. Infrà etiam, CELATAE, pro DELATAE, idem legit.

DVCTAE NAVES POSTHVMI PVTEOLIS, SVNT: AVDITAE VISAEQVE MERCES) AVDITAE MERCES, quâ fieri potest: Distinguerem. DVCTAE NAVES POSTVMI, PVTEOLIS SVNT AVDITAE, VISAEQVE MERCES &c. Auditæ sunt, inquit, Puteolis naues quæ ducebantur. Vel distingue. DVCTAE NAVES POSTVMI PVTEOLIS SVNT AVDITAE VISAEQVE: MERCES FALLACES QVIDEM ET FVCOSE &c. Turnebus vt nos prius. Lambinus, ACTAE NAVES POSTHVMI.

VNA NON PATVIT PARVA ARCTATA) Videndum. Si nihil mutandum est, expono. Merces, inquit, cæteræ visæ sunt, vna autem merx visæ non est, (hoc enim est, non patuit) quæ erat, inquit, arctata, id est, in arctum redacta, & arctè imposita, parva, subaudi, naue. Merx, autem quam dicit non patuisse, pecunia fuit. Vel sic. Quod tamen eodem reddit. CAETERAE NAVES VISAE SVNT, VNA NON PATVIT PARVA, (non est visæ, scilicet) ARCTATA. Per appositionem scilicet plena & referta. Quid si legas tamen VNA NON PATVIT, PECVNIA ARCTATA. Illa scilicet navis non patuit, quæ erat pecunia arctata. Turnebus cum Lambino consentiunt. Euge, euge. Manutius etiam, PECVNIA, legere videtur, pro PARVA.

PLVS ILLE PVTEOLANVS) Videndum hoc quoque. Turnebus & Lambinus legere velle videntur ex vet. cod. VNA NON PATVIT PARVA. CATAPLVS ILLE PVTEOLANVS. Ipsos vide. Est autem Cataplvus, denauigatio, vt Lambinus interpretatur. Videndum tamen esse existimo. Manutius ferè legit. VNA NON PATVIT PECVNIA ARCTATA. PVBLICVS ILLE PVTEOLANVS SERMO.

AESTATEM VNAM COMPLVRES AVRES REFERSIT ISTIS SERMONIBVS) Videndum Fortè COMPLVRIVM AVRES. Lambinus, AESTATEM VNAM NON PLVRES,

O R A T I O.

XXV.
CICERO.

V Erum autem Iudices si scire vultis, nisi C. Cæsaris summa in omneis, incredibilis in hunc eadem liberalitas extitisset, nos hunc Posthumum iam pridem in foro non haberemus. Ille onem multorum huius amicorum excepit vnus: quæque multum homines necessarii secundis Posthumi rebus descripta sustinuerunt, nunc eius afflictis fortunis vniuersa sustinet. Umbra Equitus Rom. & imaginem videtis Iudices, vnius amici conseruatam auxilio & fide. Nihil huic eripi potest præter hoc simulacrum pristinae dignitatis, quod Cæsar solus tutetur & sustinet. Quæ quidem in miserrimis rebus huic tamen tribuenda est maxima. Nisi verò hoc mediocri virtute effici potest, vt tantus ille vir, tanti ducat hunc: & afflictum præsertim, & absentem, et in tanta fortuna sua, vt aliena respicere magnum sit: tanta oppugnatione maximarum rerum quas gerit, atque gessit, vt vel obliuisci aliorum non sit mirum, vel, si meminervit, oblitum esse facile possit probare.

N O T A E.

PATRIC. IN HVNC EADEM LIBERALITAS) Quid si, IN
HVNC

HVNC EVNDEM LIBERALITAS. Est autem, IN HVNC, in Postumum. quem ipsum statim nominat.

IN FORO NON HABEREMVS) Infrà n° 30. In hoc foro vestigium sibi facere liceat, quod ipsum fortuna eripuerat, nisi vnus amici opes subuenissent.

QVAEQVE MVLTII HOMINES NECESSARIIS SECUNDIS POSTVMI REBVS DESCRIPTA SVSTINERVNT, NVNC EIVS AFFLICTIS FORTVNIS VNIVERSA SVSTINET) Mallem ferè QVAEQVE MVLTII HOMINES, EIVS NECESSARIIS, SECUNDIS POSTVMI REBVS DESCRIPTA SVSTINERVNT, NVNC EIVS AFFLICTIS FORTVNIS, VNVS VNIVERSA SVSTINET. Vel sic. QVAEQ. MVLTII, HOMINIS NECESSARIIS, (vt sit, HOMINIS, genitiuus singularis, NECESSARIIS, nominatiuus pluralis. HOMINIS, autem intelligerè, Postumi) SECUNDIS POSTVMI REBVS DESCRIPTA SVSTINERVNT, NVNC IS (IS, autem intelligerem, Cæsar) EIVS AFFLICTIS FORTVNIS VNIVERSA SVSTINET. Vel, NVNC VNVS, AFFLICTIS FORTVNIS VNIVERSA SVSTINET. Sic statim. Vnius amici conseruatum auxilio. Et mox, Quod Cæsar solus tuetur ac sustinet. DESCRIPTA, autem intelligo, distributa, vt opponatur ei quod sequitur, VNIVERSA. Quæ, inquit, separatim hic vel ille tuebatur, ea nunc omnia solus Cæsar tuetur. Eiusmodi sanè descripti significatio, in illo expressa extat, quod est in ea in Catilinam. Urbem, quemadmodum descriptum distributumq; erat, incenderent. Et Q. in de per. consul. Fac vt planè descriptum ac dispositum suum cuiq; munus sit.

VMBRAM EQV. ROM.) Id est non Equitem ipsum, sed ymbra Equitis.

QVAE QVIDEM IN MISER) Videndum. Quid videndum? Videndum, ne fortassis non integra sint omnia. Satin? autem, si interpretere? QVAE QVIDEM, subaudi, dignitas, Quod quidem abest longius. Sed fac sic. Præter hoc, quod Cæsar solus tuetur ac sustinet, simulacrum pristinx dignitatis. Propius profecto aberit id quod subaudiendū arbitramur. QVAE QVIDEM. Subaudi, dignitas. Etiam Manutius 7., QVAE, ad dignitatem refert.

NISI

NISI VERO HOC MEDIOCRIS) Sensus est. Maxima dignitas Postumo debetur, quia non mediocrem virtutem ipse esse oportet, qua sibi Cæsarem conciliauerit. Sibi, inquam, absenti & afflicto. Cæsarem, autem virum tantum, & in tanta fortuna, & tantis negociis inuolutum.

TANTA FORTUNA SVA, VT ALIENA RESPICERE MAGNUM SIT) Et si contextus non pessime habeat, tamen videndum, ne verius legatur, VT ALIENAM RESPICERE. Opponuntur enim ferè, sua fortuna, & aliena fortuna.

TANTA OPPUGNATIONE MAXIMARVM RERVM) Legerem, OCCUPATIONE. Et ita quidem Lambinus, ex sententia doctorum, cum neque ille meam emendationem vnquam viderit, neque illius ego, nisi nunc demum tanto post, ubi illam cum mea congruere animaduerti.

OBLITVM ESSE FACILE POSSIT PROBARE) Expressius. OBLITVM ESSE SE FACILE POSSIT PROBARE.

ORATIO.

XXVI.
CICERO.

Multas equidem C. Cæsaris virtutes, magnas, incredibileſque cognoui: sed sunt cæteræ maioribus quasi theatris propositæ, & penè populares: castris locum capere, exercitum instruere, expugnare vrbes, aciem hostium profligare, hanc vim frigorum hyememque, quam nos vix huius vrbs tectis sustinemus, excipere, his ipsis diebus hostem persequi, tum, cum etiam feræ latibulis se tegant, atque omnia bella iure gentium conquiescant. Sunt ea quidem magna: quis negat? sed magnis excitata sunt præmiis

præmiis ad memoriam hominum sempiternam. Quominus admirandum est, cum facere illa, qui immortalitatem concupiuerit. Hæc mira laus est, quæ non poetarum carminibus, non annalium monumentis celebratur, sed prudentium iudicio expenditur. Equitem R. veterem amicum suum, studiosum, amantem, obseruantem sui, non libidine, non turpibus impensis cupiditatum, atque iacturis, sed experientia patrimonii amplificandi labentem excepit, corrucere non siuit, fulsit & sustinuit re, fortuna, fide, hodiequæ sustinet, nec amicum pendente corrucere patitur, nec illius animi aciem perstringit splendor sui nominis, nec mentis quasi luminibus officit altitudo fortunæ & gloriæ.

NOTAE.

ET PENE POPVLARES) Legerem, si videretur. HÆC PATRIC.
 PENE POPVLARIS. Finita periodo. Quale est illud alterum, incipiens periodum paulo inferius. Sic. Hæc mira laus est. Dicit autem, HÆC PENE POPVLARIS. Ut illis quidem virtutibus maiorum theatrorum, de quibus modo locutus est, hæc quasi popularem opponat, & utraque in contentionem veluti quandam deducat. Popularia enim non videntur esse maioribus, ut hic loquitur, theatris proposita, sed potius opposita. Sicut sæpe alibi, populare grauitati, & cæteris eiusmodi rebus opponitur. Dicit autem, HÆC, virtutem illam indicans, quam modo designauit, cum dixit, vniuersas fortunas Postumi, afflicti hominis & absentis, ab vno Cæsare, in tanta maximarum rerum occupatione

H

tione

tione peramanter sustineri. Hanc igitur virtutem indicat. Quam etiā ipsam paulo post describet, ab illo loco. Hæc mira laus est &c. Quæquidem virtus, ut dicam breuiter, humanitatis tota est, & ut ipse statim appellabit, liberalitatis in suos, & omnino bonitatis.

CASTRIS LOCVM CAPERE) CASTRIS, maiori littera scribendum in principio dictionis. Incipit enim vnaque virtutes exponere, & inter se conferre.

EXPVGNARE VRBES ACIEM HOSTIVM PROFLIGARE) HOSTIVM, vel emaculandū putarē. Quæ enim alia acies, nisi hostium, profligatur? Vel, si non emaculandū, certè ibi reponendū. EXPVGNARE VRBES HOSTIVM.

HANC VIM FRIGORVM HYEMEMQVE) Quid si, HYEMISQVE, vel, HYEMIVMQVE.

HIS IPSIS DIEBVS) hyemis scilicet & frigorum. Atq; tunc quidem videtur vacare illud, TVM. Tum cum etiam feræ.

LATIBVLIS SE TEGANT) Mallem, TEGVNT. Sic mox, conquiescunt.

SVNT EA QVIDEM MAGNA) SVNT, minore littera inchoandum. Referendumq; ad ea, quæ præcesserunt.

SED MAGNIS EXCITATA SVNT PRAEMIIS) Desidero alicubi, QVOQVE, vel, ETIAM. Et quoniam τὸ, SVNT, præcessit paulò antè, auderem propemodum illud hinc tollere, & in, ETIAM, commutare. Sic, SED MAGNIS EXCITATA ETIAM PRAEMIIS, ut subaudiatur, vel potius ἀποκοινῶς reperatur, SVNT. Vel sic. SED MAGNIS EXCITANTVR ETIAM PRAEMIIS.

HAEC MIRA LAUS EST) Cæsaris scilicet. Interpretor autem primū secundum vulgatam lectionem: tum deinde ad lectionem à me consütuendā deueniam. Non est, inquit, admirandum, si Cæsar incensus amore immortalitatis, eas virtutes sequitur, quæ magnæ sunt illæ quidem & populares, verū etiam magna præmia habent proposita ad nominis immortalitatem: ut, castris locum capere &c. Illa non tam popularis quàm mira quædam Cæsaris laus est, quod equitem R. veterem amicum suum corruere non patitur, in tantis difficultatibus fortunarum ipsius. Hæc ad vulgatam lectionem. Ad nostram quod attinet, cætera eodem ferè modo. Reliqua sic. Aliæ quidem virtutes Cæsaris, inquit, magnæ sunt, & maioribus theatris dignissimæ, sed ut magnæ

gnæ sunt, ita maioribus etiam eliciuntur præmiis. Hæc laus, de qua loquor, quod Cæsar Postumum afflictum non deserat, est illa quidem in Cæsare, ut modò dixi, popularis, sed hoc ipso admirabilis est, quod neque poetarum carminibus, nec annuum monumentis inuitata, singulari tamen bonorum & prudentium virorum iudicio colitur & affectatur. Quæ laus, inquires? Quodd videlicet Equ. Rom. à fortuna afflictum cadere non sinit. Pro, MIRA, autem quid si legas, VERA, vel, RARA?

EXPERIENTIA PATRIMONII AMPLIFICANDI) i. dum Vult, & dum conatur ac experitur patrimonium augere. videndum tamen illud, EXPERIENTIA.

NEC ILLIVS ANIMI ACIEM PERSTRINGIT SPLENDOR SVI NOMINIS) PRAESTINGVIT, legendum esse, & scribendum, alii docuerunt Hic hoc dicit. Non ideo Cæsar minus intuetur afflictas amicorū res, quodd splendor ille maximus sui nominis, præstinguat aciem eius animi. Ut vtrūq; illud, & ILLIVS ANIMI, & SVI NOMINIS, de eodem Cæsare sit dictum. Quid tamen si, SPLENDORE, pro, SPLENDOR. Hoc sensu. Cæsar non præstinguit aciem mentis Rabirii, splendore sui nominis. Sic mox, pro, OFFICIT ALTITVDO, legendum esset, OFFICIT ALTITVDINE, Sed malo, ut prius,

O R A T I O.

XXVII.
CICERO.

*S*int sanè illa magna, quæ re veni magna sunt: de iudicio animi mei, ut volet, quisque sentiat: ego enim hanc in tantis opibus, tanta fortuna liberalitatem in suos, memoriam amicitiae, reliquis virtutibus omnibus antepono. Quamquidē vos Iudices in nouo genere bonitatem inusitatam claris ac præpotentibus viris non modò non aspernari ac refuta-

re, sed complecti etiam, & augere debetis: & eo magis, quod videtis hos quasi sumptos dies ad labefactandum illius dignitatem: ex qua illi nihil detrahi potest, quod non aut fortiter ferat, aut facile restituat. Amicissimum hominem si honestate spoliatum audierit, nec sine magno dolore feret, nec id amiserit, quod posse speret recuperari.

NOTAE.

PATRIC. SINT SANE ILLA MAGNA) In ea pro Marcello n° 3. EGO ENIM HANC IN TANTIS OPIBUS) Malo. EGO TAMEN HANC. vel, EGO OMNINO HANC. Alii, inquit, de me sentiant quidquid velint, Ego omnino ita censeo &c.

IN NOVO GENERE) Videndum. Exponere tamen. IN NOVO GENERE, quia inusitatum claris ac praepotentibus viris. Fortè autem reponendum aliquid eiusmodi, quale est, IN NOBILIVM GENERE, vel, IN HOC GENERE vel, IN EO GENERE. Quid verò etiam si totum legas sic, aut ad talem aliquem modum. Quamquidem vos Iudices in hoc genere bonitatem inusitatum, in claris ac praepotentibus viris n. m. n. a. a. r. sed complecti etiam & augere debetis.

HOS QVASI SVMPPOS DIES) Videndum. Quamquam interim ferri potest. HOS DIES, enim, mea sententia, intelligit dies iudicii Rabiriani.

AD LABEFACTANDVM ILLIVS DIGNITATE) ILLIVS, Caesaris: idq; nō in persona sua, sed in persona Rabirii.

NEC SINE MAGNO DOLORE FERET, NEC ID AMISERIT, QVOD &c.) Singulis reddit singula. Cætera, inquit, adversa Cæsar aut fert, aut recuperat, quæ illi in ipsius persona eveniunt. Quod in Postumii, hominis amicis persona acciderit, id verò nec sine dolore feret, nec facile recuperabit.

ORA-

ORATIO.

XXVIII.
CICERO.

Satis multa hominibus non iniquis hæc esse debent, nimis etiam multa vobis, quos æquissimos esse confidimus. Sed ut omnium vel suspicioni, vel malevolentiae, vel crudelitati satisfiat, occultat pecuniam Posthumus, latent regiae diuitiae. Ecquis est ex tanto populo, qui bona C. Rabirii Posthumini nummo sestertio sibi addici velit? Sed miserum me, quanto hæc dixi cum dolore! hem Posthume, tunc es Curii filius, C. Rabirii iudicio, & voluntate filius, natura sororis filius? tunc ille in omnibus tuos liberulis? cuius multos bonitas locupletauit, qui nihil profudisti, nihil ullam in libidinem contulisti? tua Posthume nummo sestertio à me addicuntur? O meum miserum acerbumque præconium. At hoc etiam optat miser, ut condemnetur à vobis: ita bona veneant, ut solidum suum cuique soluatur: nihil iam aliud nisi fidem curat: nec vos huic, si iam obliuisci vestrae mansuetudinis volueritis, quicquam præterea potestis eripere. Quod Iudices ne faciatis, oro obtestorque vos, atque eò magis, si aduentitia pecunia petitur ab eo, cui sua non redditur. Nam in eum, cui misericordia opitulari debeat, inuidia quæsitæ est.

NOTAE.

PATRIC. HAEC ESSE DEBENT) HAEC. An quæ, siue Cæsar, siue Postumus patiuntur: an quæ nos hætenus diximus. Hoc potius. Id ita esse, ostendunt quæ sequuntur.

OCCULTAT PECUNIAM) Videtur esse noua quædam obiectio, ex eo tamen pendens, vel certè eodè vergens, quod suprâ dixerat n^o 23. At habet, & celat.

LATENT REGIAE DIVITIAE) apud Postumum scilicet. Per concessionem rhetoricam. Alioqui videndum. Quid? si hoc rotum aliunde exciderit. OCCULTAT PECUNIAM POSTVMVS, LATENT REGIAE DIVITIÆ.

ECQVIS EST EX TANTO POPVLO) Hæc à Cicerone quasi in auctione per præconem pronunciantur. Sic mox. Tua Postume nummo sestertio à me addicuntur. Et statim. O meum miserum acerbumque præconium,

NUMMO SESTERTIO) quæ erat summa perexigua.

SED MISERVME) Videndum quiddam etiâ hic. Corripit se certè orator, sermonem interrumpens doloris plenissimū.

C. RABIRII IVDICIO ET VOLVNTATE FILIVS, NATVRA SORORIS FILIVS) Terentius Adelphis. Natura tu illi pater es, consiliis ego.

TVA POSTHVME NUMMO SESTERTIO) Mallem. TVA POSTVME OMNIA SESTERTIO.

OPITVLARI DEBEAT) Fortè, DEBEBAT.

ORATIO.

XXIX.
CICERO.

S Ed iam quoniam, vt spero, fidem, quam potui, tibi præstiti Posthume, reddam etiam lachrymas quas debeo. Quas quidè ego tuas in meo casu plurimas vidi. Versatur ante oculos luctuosa nox meis omnibus, cum tu totam te cum tuis copiis ad me detulisti

tulisti. Tu comitibus, tu præsidio, tu etiam tanto pondere auri, quantum tempus illud postulabat, discessum illum sustentasti. Tu nunquam meis me absente liberis, nunquam coniugi meæ defuisti. Possum excitare multos reductos testes liberalitatis tuæ: quod sæpe audiui patri tuo, qui id fecisset, magno adiumento in iudicio capitis fuisse. Sed iam omnia timeo: bonitatis ipsius invidiam reformido. Iam indicat tot hominum fletus, quàm sis charus tuis: & me dolor debilitat, includitq. vocem.

NOTAE.

DISCESSVM ILLVM) Subaudi, meum.

POSSVM EXCITARE MVLTOS REDVCTOS PATRIC. TESTES) Videndum de, excitare, id quod supra diximus n° 21. Cætera fortè, PRODVCTOS, pro, REDVCTOS. Sic supra n° 19. Iisdem testibus, & quidem non productis. Sed hoc nihil est, non minus, quàm, CONDVCTOS. Aliud querendum, quod conueniat cum, excitare. POSSVM EXCITARE MVLTOS REDVCTOS. Sic enim hoc coniungerem, & subiuncto comate adderem deinde, TESTES LIBERALITATIS TVAE. Deinde querendum etiam, cui conueniat illud, quod sequitur statim. Quod sæpe audiui patri tuo, qui id fecisset, magno adiumento in iudicio capitis fuisse. Subiiciat aliquis legendum, REDIVIVOS, pro, REDVCTOS. Quod quidem alii iudicent. Ego magnopere probare non audeo, conuenire quidem cum verbo, excitare, video. Sic enim alibi loquitur idem, Dicendo aliquem excitare à morte, excitare ab inferis, excitare ab Acheronte. Iam illud quoque, POSSVM EXCITARE, commutarem in, POSSEM EXCITARE, Sequitur enim

nim. Sed omnia timeo. Manutius interpretatur reductos, absentes, quorū alius alibi sua negocia curet. Aliquid certē inuestigandū est, quod conueniat & excitandi verbo, & paterno Postumi exemplo.

ET ME DOLOR DEBILITAT INCLVDITQVE VOCEM) Quid si. ET MI DOLOR DEBILITAT INCLVDITQVE VOCEM. Vt, sibi vocem & debilitari, & intercludi dicat dolore.

O R A T I O.

XXX.
CICERO.

VOS obsecro Iudices, vt huic optimo viro, quo nemo melior vnquam fuit, nomen Equitis Ro. & vsuram huius lucis, & vestrum conspectum ne eripiat. Hic vos aliud nihil orat, nisi vt rectis oculis hanc urbem sibi intueri, atque in hoc foro vestigium facere liceat: quod ipsum fortuna eripuerat, nisi vnius amici opes subuenissent.

N O T A E.

PATRICI, VT RECTIS OCVLIS) Fingere aliquid possem, quod ad eius sermonis intelligentiam pertinere videatur. Ante omnia tamen videndum esse censeo, an bene contextus habeat. Manutius optimē interpretari videtur. **RECTIS**, videlicet, non auersis. vt praefens scilicet potius aspiciat urbem rectis oculis, quam absens respiciat, reuertis.

IN FORO VESTIGIVM FACERE) Suprà n° 25. Nisi Caesaris in hunc liberalitas extitisset, nos hunc Postumum iampridem in foro non haberemus.

QVOD IPSVM FORTVNA ERIPVERAT) Fortē. **QVOD IPSI,**

FINIS.

ANDR.

PATRICII NIDECICI

IN ORATIONEM

M. TVLLII CICERONIS

PRO M. MARCELLO

Notæ:

ORATIO.



IV Turni silentii P. C. quo eram CICERO.

his temporibus usus, non timore aliquo, sed partim dolore, partim verecundia, finem hodiernus dies attulit: idemque initium quæ vellem, quæq; sentirem, meo pristino more dicendi. Tantam enim mansuetudinem, tam inusitatam inauditamque clementiam, tantum in summa potestate rerum omnium modum, tam deniq; incredibilem sapientiam ac penè diuinam taciturnitatem præterire nullo modo possum. M. enim Marcello vobis P. C. Reique pub. reddito, non solum illius, sed meam etiam vocem, & auctoritatem & vobis,

vobis, & Reip. conseruatam ac restitutam puto. Dolebam enim P. C. ac vehementer angebar, cum viderem virum talem, qui in eadem causa, in qua ego, fuisset, non in eadem esse fortuna. Nec mihi persuadere poteram, nec fas esse ducebam, versari me in vestro veteri curriculo, illo æmulo atq; imitatore studiorum ac laborum meorū quasi quodā socio à me & comite distracto. Ergo & mihi meæ pristinae vitæ consuetudinem C. Cæsar interclusam aperuisti, & his omnibus ad bene de omni Rep. sperandum quasi signum aliquod sustulisti. Intellectum est enim mihi quidem in multis, & maximè in meipso, sed paulo antè in omnibus, cum M. Marcellum Senatui populóq; R. & Reip. concessisti, commemoratis præsertim etiam offensionibus, te auctoritatem huius ordinis, dignitatēque Reip. tuis vel doloribus vel suspicionibus anteferre. Ille quidem fructum omnis antè actæ vitæ hodierno die maximum cepit, cum summo consensu Senatus, tum præterea iudicio tuo grauissimo, & maximo. Ex quo profectò intelligis, quanta in dato beneficio sit laus, cum in accepto tanta sit gloria.

NOTÆ.

PATRIC. QVO ERAM HIS TEMPORIBVS VSVS; Leue est quod

quod dicam, sed quia venit in mentem, dicam tamen. Cur, V-
S V S E R A M, potius quam, V T E B A R & Vt statim, Dolebam,
angebar, poterim, ducebam &c. Nisi si forte ista aut idem sunt,
aut parum admodum differunt, vtebar, & vltus eram. Certè, si
presulsi hæc vtrique accipimus, dicemus, cum loquitur, dole-
bam, angebar, significare se etiam in id agere aliqua ex parte, quod
tunc agebat, & dolere videlicet & angere &c. Cum autem ait, Vltus
eram, significare se id iam facere desitisse, nec amplius silentio
illo uti, cui, ut ipse inquit, dies iam ille finem attulisset. Verum
nos hæc aliis expedienda relinquamus.

NON TIMORE ALIQUO) Hæc depellendæ à Cæs. in-
uidiæ gratia dicuntur, ne illi tyrannidem adscribere videatur.
Infra n° II. Non enim tua vlla culpa est, si te aliqui timuerunt,
contrariæ summa laus, quod plerique minime timendum fuisse
senserunt.

PARTIM DOLORE) Vel amicorum multorum, vel di-
gnitatis veteris amissæ.

VERE CVNDIA) qui consilium meum videbam esse euen-
tu ipso refutatum.

VOCEM ET AVCTORITATEM) Vocem, verbo di-
cenda sententia: auctoritatem, faciendo S. C. per discessionem:
& omnino ad id, quod à se, vel ab aliis dictum esset, opinione ali-
qua aut prudentiæ, aut integritatis, aut dignitatis ipsius, animos
hominum impellendo.

CONSERVATAM AC RESTITVTAM) Quid si
deleas, A C, Et exponas. Cum Marcellum Cæsar vobis & R. P.
redoliderit, existimo vnam cum eo, & ipsius, & meam, vocem pari-
ter & auctoritatem, quæ hætenus ab vtrisque nobis tacito, tum
vobis, tum R. P. conservabatur, esse restitutam. Sed bene habet.
Nam, CONSERVATAM, si erat peritura, RESTITV-
TVM, si iam perierat, intelligo.

DOLEBAM ENIM) Fortè, DOLEBAM AVTEM,
vel aliud eiusmodi. Modò enim præcessit. ENIM. M. ENIM
MARCELLO.

VIRVM TALEM, QVI) Nota, TALEM QVI. Sed in-
telligendum hoc loco videtur. Cum dicit, virum talem, in verbo,
TALEM, insignem ac præstantem, & omnino talem qualis est
M. Marcellus designari. Illud autem, QVI, quod sequitur, ad a-
liud

liud iam referri. Nempe ad id, cui statim iungitur. Ut sit sensus. Cum videbam Marcellum, virum talem ac tantum, non esse in eadem mecum fortuna, qui fuisset, in eadem causa mecum, dolebam. Nimirum notum est, eandem particulam, QV I, iungi etiam alibi cum, T A N T V S Non longè abiero. Intrà 2. Nulla dicendi aut scribendi tanta vis tantaq; copia, quæ enarrare res tuas gestas possit. Et n° 4. Nulla tanta vis, tanta copia, quæ non frangi possit. Nimirum in, QV I, etiam intelligitur, QV A N T V S, & QV Alis.

IN EADEM CA V S A) in partibus Pompeii.

IN EADEM ESSE FORT V N A) In qua sum ego, reip. per te, ô Cæsar, restitutus.

NEC MIHI PERSVADERE POTERAM, NEC FAS ESSE DVCEBAM, VERSARI ME) Variè vlt. mû hoc membrum prioribus duobus responderet. Nam, cum priore quidem iunctum, sic accipio. Non poteram mihi persuadere, quod verfer. Cum posteriore autem. Non ducebam esse fas, ut verfer. Interdum subit in mentem, videndum esse, an alterum horum abundet. Quod si est, tum ego quidem posterius delerem, legerem autem. NEC MIHI PERSVALEERE POTERAM VERSARI ME. Quod mihi sanè quo magis considero, hoc etiam displicet minus.

IN VESTRO VETERI CVRRICVLO) Senatum & Senatorias deliberationes fortassis intelligit. Ego tamen legem NOSTRO libentius, ut se & Marcellum significet.

IMITATORE STUDIO RVM AC LABORVM.) Ponendum coma, post, studiorum. Citat hunc locum Nonius dist. Aemulus & Aemulatio. Equidè de eo quod huc pertineat, sic loquitur Brutus apud nostrum, in eo libro, quem inscripsit de claris oratoribus n° 124. cōverso ad ipsum sermone Tullium. De Marcello, inquit, quid censes aliud iudicè, nisi id quod habiturus es similem tui. Nam & dicit, & omisis cæteris studiis, inquit, vnum id egit, seseq; quotidianis commentationibus acerrime exercuit. Itaq; & lectis utitur verbis & frequentibus, & splendore vocis dignitate motus, sit speciosum & illustre quod dicitur. omniaq; sic suppetunt, ut ei nullam deesse virtutem oratoris putem. Vidi, inquit Mitylenis nuper virum, quem cum antea tui similem in dicendo viderim, tum verò nunc à doctissimo viro, tibiq; ut intellexi amicis-

amicissimo Cratippo, instructum omni copia, multò videbam similiorem.

COMITE A ME DISTRACTO) In diuersam à mea fortuna, fortunam tracto. Hocq; adeò malo quàm legere, A B S T R A C T O. Sic in ea pro Ligario n° 3. Belli dissidio distractus à fratribus. Et in ipsa nostri ad eum epistola, quæ extat 4. Famil. 24. Qui non idem consilium quod tu, secuti sunt, eos video in duo genera esse distractos. Sed ea quidem epistola, etiam ad plerosq; alios huius orationis intelligendos vel illustrandos locos valere potest, si legatur tota. Hoc igitur omni bus censeo esse faciendum.

PRISTINAE VITAE CONSVETVDINEM) hoc est fortassis illud, quod antea appellauit, vetus curriculum.

DE OMNI REP.) i. de omni parte reipub. de omnibus partibus reipub.

MIHI QUIDEM IN MVLTIS ET MAXIME IN MEIPSO, SED PAVLO ANTE IN OMNIBVS) Aliquid videndum. Fortè. MIHI QUIDEM IN MVLTIS, ET MAXIME IN MEIPSO PAVLO ANTE, SED NVNC OMNIBVS. Planum factum est, inquit, mihi quidem in multis, & præsertim paulò antè in meipso, nunc verò planum factum est omnibus, Quomodo, NVNC. Nunc, inquit, cum Marcellum S. P. Q. R. concessisti. Quid autem planum factum est? illud, te auctoritatem huius ordinis, &c. anteferre. Aliquot scilicet verba suo loco non nihil moueo, & pro, IN, NVNC, rep. no. Lambinus in illo, PAVLO ANTE IN OMNIBVS, etiam, IN, delet. Et citat Victorium, eiusdem sententiæ auctorem. Manutius eodem modo quoq;.

COMMEMORATIS PRAESERTIM ETIAM OFFENSIONIBVS) Malim, COMMEMORATIS PRAESERTIM EIVS OFFENSIONIBVS. Sed & pro, COMMEMORATIS, esset fortassis qui legeret libentius, CONDONATIS. vel, CONTEMPERATIS, vel, COMMODERATIS. Sed vulgatum quoq; bonum est. Qui enim offensiones alicui cōmemorando exprobrauit, hoc ipso iam dimidium ferè condonauit. Illud quod dicam, maioris est momenti. Aliquot periodos istas non optimè collocatas videri, quæ, mea quidem sententia, ita viderentur restituendæ. Intellectum est enim, mihi quidem in multis, & maxime in meipso paulò antè, sed nūc

omnibus, cum M. Marcellum S. P. Q. R. & reip. commemoratis
 partem eius clementibus, concessisti, te auctoritatem huius
 ordinis dignitatemque R. P. tuis vel doloribus, vel suspicionibus,
 antea te. Et ille quidem fructum omnis antea vitae hodierno
 die maximum cepit, cum summo consensu Senatus, tum præterea
 iudicio tuo gratissimo & maximo. Verè fortunatus, cuius ex sa-
 lute non minor penè ad omnes, quàm ad illum ventura sit, letitia
 peruenierit. Quod ei quidem meritò, atque optimo iure contigit. quis
 enim est illo aut nobilitate, aut probitate, aut optimarum artium
 studio aut innocentia, aut villo genere laudis præstantior? Ex quo
 profectò intelligis, quanta in dato beneficio sit laus, cum in accepto
 tanta sit gloria. Equidem nullius tantum est flumen ingenii &c

ILLE QUIDEM) Forte. ET ILLE QUIDEM. Accepto
 70, ET, ex illo, EST. Est verè fortunatus. quod statim sequitur.

SUMMO CONSENSU SENATUS) qui pro eo ad te
 supplex interposuit partes suas.

QUANTA SIT LAUS) tua scilicet qui dedisti.

TANTA GLORIA) Marcelli scilicet qui accepit.

ORATIO.

II.
 CICERO.

EST verè fortunatus ille, cuius ex salute non
 minor penè ad omnes, quàm ad illum ventura
 sit, letitia peruenierit. Quod ei quidem meritò, atque
 optimo iure contigit. Quis enim est illo aut nobili-
 tate, aut probitate, aut optimarum artium studio,
 aut innocentia, aut villo genere laudis præstantior?
 nullius tantum est flumen ingenii, nulla dicendi aut
 scribendi tanta vis, tantaque copia, quæ non dicam
 exornare, sed enarrare C. Cæsar res tuas gestas
 possit: tamen hoc affirmo, & hoc pace dicam tua,
 nullam

*nullam in his esse laudem ampliorem, quàm eam,
quam hodierno die consecutus es.*

NOTAE.

QVOD EI QV Idem) Salutémne ipsum adeptū esse, an ex fa- PATRICI
lute ipsius lætitia ad omnes pervenisset vtrūq; sed posterius magis.

NVLLIVS TANTVM EST FLVMEN INGE-
NII) NVLLIVS, hominis intelligo: non, ingenii, Malim ta-
men, ut verum fatear, NVLLVM TANTVM EST FLV-
MEN INGENII. Sequitur enim. Nulla dicendi aut scribendi
tanta vis. Adderem autem, EQVIDEM, vel quid simile ad
principium. Equidem nullum tantum. Etiam Manutius notat.
Nullius, hominis: non, nullius ingenii.

TANTA VIS TANTAQVE COPIA QVAE)
Nota, post, TANTA, non, quanta, sed, QVAE, & mox n° 4.
tanta vis tanta copia, quæ. Vide, quæ diximus supra n° 1.

NVLLAM IN HIS) Expono, rebus gestis tuis.

NVLLAM ESSE AMPLIOREM QVAM EAM
QVAM HODIERNO DIE CONSECVTVS ES)
Norandum. Quid si totum hoc aliunde illatum esse dicamus.
QVAM EAM QVAM HODIERNO DIE CONSE-
CVTVS ES. Nam &, HODIERNO DIE, modò dixit.
Fructum hodierno die cepit: & infra, non hodierno die dicit, sed
dicit sic n° 4. Quam es paulo antè adeptus. Et quod caput est,
præter illud, quod iam tacitè exagitatū est, AMPLIOREM
QVAM, præter hoc, inquam, quod est quæso totū illud, aut quàm
aurebus suave, aut quàm Ciceronem redolens? cum ita dicitur.
Quam eam quam &c. Certè, HODIERNO DIE, est etiam
intra n° 7. Hodierno die te ipsum vicisti.

ORATIO.

SOLeo sepe ante oculos ponere, idq; libenter cre-
bris

III.

CICERO

bris usurpare sermonibus, omnes nostrorum imperatorum, omnes exterarum gentium, potentissimorumque populorum, omnes clarissimorum Regum res gestas cum tuis nec contentionum magnitudine, nec numero praeliorum, nec varietate regionum, nec celeritate conficiendi, nec dissimilitudine bellorum posse conferri: nec verò disiunctissimas terras citius cuiusquam passibus potuisse peragrari, quàm tuis non dicam cursibus, sed victoriis illustratæ sunt. Quæ quidem ego nisi ita magna esse fatear, ut ea vix cuiusquam mens aut cogitatio capere possit, amens sim. Sed tamen sunt alia maiora. Nam bellicas laudes solent quidam extenuare verbis, easque detrabere ducibus, communicare cum militibus, ne propriæ sint imperatorum. Et certè in armis militum virtus, locorum opportunitas, auxilia sociorum, classes, comœatus multum iuuant: maximam verò partem quasi suo iure Fortuna sibi vendicat, & , quicquid est prosperè gestum, id penè omne ducit suum.

NOTAE.

PATRIC. SOLEO SOEPE ANTE OCULOS PONERE, IDQUE LIBENTER CREBRIS USURPARE SERMONIBUS) Videndum an bene habeat. Distinguerem. SOLEO,

LEO, SOEPE ANTE OCULOS PONENS, IDQUE LIBENTER, CREBRIS VSVRPARE SERMONIBVS. Pro, IDQUE LIBENTER, legerem etiam fortassis, ATQUE LIBENTER, PONENS, autem pro; PONE-RE, vt iam dixi.

IDQUE LIBENTER CREBRIS VSVRPARE SERMONIBVS) Fortè, ATQUE LIBENTER, nūc dixi.

NEC DISSIMILITVDINE BELLORVM POSSE CONFERRI) Quid si, NEC SIMILITVDINE BELLORVM. Vt sit sensus. Cæterorum regum res gestæ non possunt cum tuis sic conferri, vt bella illorum bellis tuis similia vlla ex parte esse videantur. Nisi fortè hoc dicat, quod sanè dicit, Dissimilitudine bellorum nō posse conferri, propterea, quod Cæsar's bella, vt multa & varia, ita dissimilima sibi sint, cæterorum vniformia.

ILLVSTRATAE SVNT) Fortè, LVSTRATAE. Nam lustrare, confert cum, peragrarè: quo nunc verbo vsus est. Etiam Lambinus. Etiā Manutius. Quid igitur expectas prætereas? SED TAMEN SVNT ALIA MAIORA) In ea pro Rabirio n° 26. & 27. Ostendit autem hoc loco quod suprà proposuit, nullam laudem Cæsar's hac esse ampliorem.

NE PROPRIA SINT IMPERATORVM) Glossæ mihi olere videtur, ex illo desumptum quod sequitur. TVAM ESSE PROPRIAM FATE TVR. Et omnino absq; eo, bellè sequitur, sic. COMMVNICARE CVM MILITIBVS. ET CERTE IN ARMIS, MILITVM VIRTVS, &c. Si quid, mallem omnino ad eum modum. COMMVNICARE CVM MILITIB. ATQUE CVM ALIIS EIVS. MODI MVLTIS REBVS. Sic enim multo etiam melius sequeretur. Et certè in armis militum virtus, l. o. a. f. c. c. multum iuuant. Sed, MILITIBVS. &, MVLTIS REBVS, scriptori imposuit.

ORATIO.

AT verò huius gloriæ C. Cæsar, quam es pau- IIII.
CICERO
lò an-
K

lò antè adeptus, socium habes neminem. Totum hoc, quantumcunq, est, quod certè maximum est, totum, inquam, est tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum humanarum domina Fortuna in istius societatem gloriæ se non offert, tibi cedit, tuam esse totam, & propriam fateatur. Nunquam enim temeritas cum sapientia commiscetur, nec ad consilium casus admittitur. Domuisti gentes immanitate barbaras, multitudine innumerabiles, locis infinitas, omni copiarum genere abundantes: Sed tamen ea vicisti, quæ & naturam, & conditionem, ut vinci possent, habebant. Nulla est enim tanta vis, tanta copia, quæ non ferro ac viribus debilitari frangique possit. Verùm animum vincere, incundiam cohibere, victoriam temperare, aduersarium nobilitate, ingenio, virtute præstantem non modò extollere iacentē, sed etiam amplificare eius pristinam dignitatem, hæc qui faciat, non ego eum cum summis viris comparo, sed simillimum deo iudicò.

NOTAE.

PATRIC. QVAMES ADEPTVS) Marcello ignoscendo. Hic autem reuocandū est quod diximus suprà n° 3. in illud, Nullam esse ampliore

pliozem quàm eam quam hodierno die consecutus es.

NON OFFERT) Mallem, NON INFERT.

NVNQVAM ENIM CVM SAPIENTIA TEMERITAS COMMISCETVR, NEC AD CONSILIVM CASVS ADMITTITVR) Sensus. Fortuna se tuis rebus gestis non immiscet, inquit, quia fortuna ipsa temeritas est, in rebus autem tuis gestis, mera relucet sapientia. Sic ego quidem. Sed tamen interim vereor, vt hoc perinde ac dicam accipiat. Totum hoc profecto vtrum Ciceronis sit, me quidẽ non inuito disceptabit, qui volet. Mihi sanè alio loco aptius quadrare videretur.

SED TAMEN EA VICISTI) Fortè. SED TVM EA VICISTI.

EXTOLLERE IACENTEM) Quid si simpliciter, TOLLERE, vel iam, ATTOLLERE. potius quàm, EXTOLLERE.

ORATIO.

*I*Taq; C. Cæsar bellicæ tuæ laudes celebrabuntur ^{V.} CICERO.
illæ quidem non solum nostris, sed penè omnium gentium literis atq; linguis: neque vlla vnquam ætas de tuis laudibus conticescet. Sed tamen eiusmodi res nescio quo modo, etiam dum audiuntur, aut dum leguntur, obstrepi clamore militum videntur, & tubarum sono. At verò cum aliquid clementer, mansuetè, iustè, moderatè, sapienter factum, in incundia præsertim, quæ est inimica consilio, & in victoria, quæ natura insolens, & superba est, aut audimus, aut legimus, quo studio incendimur, non modò in gestis rebus, sed etiam in fictis, vt eos sæpe,
 K ij *quos*

quos nunquam vidimus, diligamus? Te verò, quem præsentem intuemur, cuius mentem sensusque & os cernimus, ut, quicquid belli fortuna reliquū Reip. fecerit, id esse saluum velis: quibus laudibus effereamus? quibus studiis prosequemur? qua beneuolentia complectemur? Parietes mediis fidius C. Cæsar, ut mihi videtur, huius Curiae tibi gratias agere gestiunt, quòd breui tempore futurum sit illa auctoritas in his maiorum suorum, & suis sedibus.

NOTAE.

PATRIC.

EIVSMODI RES QBSTREPI CLAMORE MILITVM VIDENTVR) Antiquè, pro, obstrepi rebus videtur. Si modò non ita legendum est, ut modò dixi.

SED ETIAM IN FICTIS) In poematibus & comædiis.

SENSVSQVE ET OS CERNIMVS) Quid facit hoc loco, oris aspectus? Aliquid faceret, nisi idem satis superq; dictum iam esset modò. Ibi. Te verò, inquit, quem præsentem intuemur. Nunc nihil planè facit: præsertim cum non iam in his minutis commorari, sed ad maiora quædā, mentis scilicet sensus indagandos & perscrutandos, orator ascendere videatur. Lege igitur, me auctore, SENSVSQVE EOS CERNIMVS, Quos autem, quæso, sensus? sequitur. Ut quicquid belli fortuna &c. Alioqui illud, VT, quod sequitur, vnde ducatur non habebit. Ut quicquid fortuna belli &c.

BREVI TEMPORE FVTVRA SIT ILLA AVCTORITAS IN HIS MAIORVM SVORVM ET SVIS SEDIBVS.) τὸ, FVTVRA, ferri quidem potest, sed etiam melius aliquid requiri potest. Quid igitur si, BREVI TEMPORE REVICTVRA SIT ILLA AVCTORITAS, IN IIS SEDIBVS ET SVIS ET MAIORVM

RVM SVORVM, Scriptum scilicet erat, TempoREuidetra. Manutius ex alia causa putat locum non integrum videri. Maiores enim isti, inquit, parietum esse non possunt. Quod si parietum non sunt, nullius erunt. Itaque videndū. Vt nos quidem legimus, sensus is esse potest. Breui futurum esse, vt vetus illa auctoritas reuiuifcat in curia, hoc est, regnet in illis sedibus & suis & maiorum suorum. Id autem est. In illis, vbi & ipsa sedit, & maiores ipsius sederunt. Habet enim auctoritas & sedem suam, curiam scilicet, & maiores suos, qui illam scilicet pepererunt, & eandem hanc auctoritatis suæ sedem, curiam, habuerūt. Ita maiores, mea quidem sententia, non ad, parietes, referrentur, sed ad auctoritatem, quæ est à veteribus Romanis illis, tanquam à parentibus & maioribus suis, ad posteros propagata. Hæc dixi, si fortè alicui locum hunc, ex ea saltem parte menda vacare, possim persuadere.

O R A T I O.

VI.
CICERO.

EQVI dem cū C. Marcelli, viri optimi, & commemorabili pietate ac virtute præditi, lachrymas modò vobiscum viderem, omnium Marcellorum meum pectus memoria effodit: quibus tu etiam mortuis, M. Marcello conseruato, dignitatem suam reddidisti, nobilissimamq; familiam, iam ad paucos redactam, penè ab interitu vindicasti. Hunc tu igitur diem tuis maximis, & innumerabilibus gratulationibus iure antepones. Hæc enim res vnus est propria Cæsaris: cæteræ duce te gestæ, magnæ illæ quidem, sed tamen multo magnoq; comitatu. Huius autem rei tu idem es & dux, & comes: quæ quidem tanta est, vt trophæis moni-

mentisq; tuis nulla vnquam allatura sit finem ætas. Nihil enim est opere aut manufactum, quod aliquando non conficiat & consumat vetustas: at verò hæc tua iustitia & lenitas animi florescet quotidie magis, ita, ut quantum operibus tuis diuturnitas detrahbet, tantum afferat laudibus.

NOTAE.

PATRIC. COMMEMORABILI PIETATE.) Quid si, IMMORABILI: Vel etiam, NON MEMORABILI. Quæ videlicet hominum eius ætatis memoriam excedat. Vel simpliciter, MEMORABILI. Quæ digna videlicet sit memoria & recordatione. Vel iam, ut est, COMMEMORABILI, quæ digna sit ut commemoretur.

OMNIVM MARCELLORVM MEVM PECTVS MEMORIA EFFODIT) Sensus. Omnium Marcellorum memoria pectus meum effodit. Hoc est. Omnium Marcellorum mihi in mentem veniebat, cum singulari quadam, animi mei acerbitate. Tale est illud Tusc. Pungit dolor, vel fodiat sanè. Et illud Philip. Expectas, dum te stimulis fodiam: hæc te lacerat, hæc cruciat oratio. Ergo hic, EFFODIT, significat, laceravit & cruciavit. Victor. var. lib. 34. c. 9 EFFODIT, simpliciter, pro, aperuit, interpretatur, & nescio cuius, MEMORIA M, pro, MEMORIA, reprehendit: qui videlicet etiã, EFFVDIT, legebat pro, EFFODIT. Quod ipsum mihi quidem etiam atq; etiam considerandum videtur, tum quòd is, quisquis est, ingeniosus vir & eruditus, à Victorio ipso viro eruditissimo appellatur, tum verò etiam, quod apud Asconium Pedianum in argumento or. pro M. Scauro ita lego. Ipse quoque Scaurus dixit pro se, ac magnopere Iudices mouit, & squalore, & lachrymis, & Aedilitatis effusa memoria ac fauore populari, ac præcipue paternæ auctoritatis recordatione.

QVIBVS TV) Modò dixit, VOBISCVM: Cùm vobiscū viderem. Nunc ait, T V. Tu reddidisti. Quorum alterū Patres conscriptos respicit, alterum C. Cæsarem ipsum. Quæ est hæc autē per deos, & personarū, & numerorum, tanta, tam repentina commutatio? Hoc magis certè quidem, quòd cùm paulo antè dixerit, ad Cæsarem ipsum sermone conuerso. Parietes tibi C. Cæsar, gratias agere gestiunt, statim mutata oratione, Cùm vobiscum videre, inquit. Sed nimirum tota hæc oratio eiusmodi est, vt in ea, nūc Cæsar ipse, nunc Patres conscripti compellari videantur. Habita enim in Senatu est præsentē Cæsare. Hoc autē est, præsentē principē, in rep. iam inclinata.

HVNC IGITVR TV DIEM) DIEM, videndum. Non quia per se rectum sit, sed quia hoc loco, cum eo quod sequitur, non satis conuenit. Statim enim comparat hunc diem, non cum aliis diebus aut temporibus, sed cum gratulationibus, quæ mihi non planè directæ esse videretur comparatio. Legerem. HANC IGITVR TV REM, pro, DIEM. Sequitur enim in redditione causæ statim. HAEC ENIM RES, inquit, Et rursus mox. HVIVS AVTEM REI, tu idem es & dux & comes. Sed tamen libenter, quæro aliud, quod reponā: siue, LAVDEM: siue quid aliud. FIDEM, non longè abesset, à, DIEM. Sed & hoc videndum. Quid si. HOC TV IGITVR IDEM, commutatis videlicet literis, IDEM, pro, DIEM, Quid? si, DIEM, planè deleas, & simpliciter legas. HANC TV IGITVR TVIS, max. & innumer, gratulationibus iure antepones. Et quidem, HANC, vt subaudias, gratulationem. Quid autem denique si totum legas sic. Hanc tu igitur laudem, quæ vnus est propria Cæsaris, tuis maximis & innumerabilibus gratulationibus iure antepones. Cætera enim duce te gesta, magna illa quidem, sed t. m. m. comitatu: huius autem rei tu idem es & dux & comes. Quæquidem tanta est &c. Dices. Censent Patrici, ita esse hæc collocanda? Dixi quod videretur, & quidem vtcunque videretur. Tu quia tuo iudicio vtare, nihil impedio.

CAETERAE DVCE TE GESTAE &c.) Cætera, inquit, ductu tuo gessisti, at comitatu aliorum: huius autem rei tu idem es & dux & comes.

VT TROPHAEIS MONIMENTISQVE TVIS
NULLA VNQVAM ALLATVRA SIT FINEM
AETAS)

AETAS) Probo Victorium lib. 16. c. 21. qui addit negationem. sic, NON NVLLA VNQVAM. Quæ enim eius rei statim redditur ratio, ea idipsum velle planissimè videtur. Sed magis probo Faërum: qui delet totum illud, NVLLA VNQVAM, legitque, MONIMENTISQVE TVIS ALLATVRA SIT FINEM AETAS. Meum etiam illud addo, vt si quis nihil delendum esse velit, is legat. Vt trophæis monumentisq; tuis nonnunquam allatura sit finem ætas. Vt videlicet pro, NVLLA, scribatur, NON. & pro, VNQVAM, NVNQVAM.

NIHIL ENIM EST O. A. M. F. Q. A. N. C. E. C. VETVSTAS) Hoc totum in parenthesi.

IUSTITIA ET LENITAS ANIMI) Vt tibi iusta & clemens fuerit seruitus apud me, scis. Terentius Andria. Ibi notauimus quædam.

FLORESCET QVOTIDIE MAGIS, ITA VT QVANTVM) Non magnopere placet illud. MAGIS ITA VT. Ita vt, το, MAGIS, abesse propemodum posse, atq; adeo etiam abesse debere videatur. Hastenus scripseram. Cum deinde Labinum legens, inuenio veteres quosdam libros legere sine, VT, hoc pacto. FLORESCET QVOTIDIE MAGIS, ITA QVANTVM &c. Gaudeo, & sic reponendum planè censeo. Pro, AFFERAT, etiam legam, afferet.

QVANTVM OPERIBVS TVIS DIUTVRNITAS DETRAHET, TANTVM AFFERAT LAVDIBVS) Quid est hoc? Si dixisset sic, Opera quidem tua non erunt sempiterna. Nam vt tibi ipsi mors imminet, ita opera quæque tua vetustate consumuntur. At verò laus tua operumq; tuorum erit immortalis. Si, inquam, dixisset sic: satis equidem dixisset. Nunc id etiam auget ipsum, ad hunc modum. Quo minus diu, opera tua extabunt & vigeunt, hoc laus eorum diuturnior est futura, & quidem diuturnior sic, vt non modò in suo statu permaneat, sed etiam magis atq; magis crescat & augeatur. Nimirum vsura omnis non satis diuturnæ vitæ tuæ operumq; tuorum, farietur longinquitate, & incremento continuo immortalium laudum tuarum.

DIUTVRNITAS DETRAHET) DIUTVRNITAS, hoc est vetustas. Alioqui legendum viderur ad talem aliquem modum. VT QVANTVM OPERIBVS TVIS
DIV.

DIUTURNITATIS, TEMPVS DETRAHET, TAN-
TVM AFFERAT LAVDIBVS. Hoc est, Vt quantũ diu-
turnitatis detrahet tempus operibus tuis, tantundem rursus diu-
turnitatis, adiciat tuis laudibus.

O R A T I O.

VII.
CICERO.

ET cæteros quidem omnes victores bellorum ci-
uilium iam antè æquitate & misericordia vi-
ceras: hodierno verò die te ipsum vicisti. Vereor, vt
hoc, quod dicam, non perinde intelligi auditu possit,
atq; ego ipse cogitans sentio: Ipsam victoriam vi-
cisse videris, cum ea ipsa, quæ illa erat adeptæ, vi-
ctus remisisti. Nam cum ipsius victoriæ conditione
iure omnes victi occidissetus, clementiæ tuæ iudi-
cio conseruati sumus. Rectè igitur vnus inuictus
es, à quo etiam ipsius victoriæ conditio visq; de-
uicta est. Atque hoc C. Cæsaris iudicium P. C.
quàm latè pateat, attendite. Omnes enim qui ad
illa arma fato sumus nescio quo Reipub. misero fu-
nestoque compulsi, etsi aliqua culpa tenemur erro-
ris humani, à scelere certè liberati sumus.

N O T A E.

IAM ANTE AEQVITATE.) Mallet, IAM AN- PATRIC.
TEA AEQVITATE.

VEREOR VT HOC QVOD DICAM, NON PER-
L INDE

INDE INTELLIGI AVDITV POSSIT) Malo, AVDITVM. Illud autem, VEREOR VT, legendum puto, VEREOR NE. Quæ quomodo differant, & quid significant, satis iam pridem alii adnotarunt. Locum ipsum emendat etiam Lambinus, eadem sententia, sed verbis aliis. Legit enim, VEREOR VT, sed mox delet, NON: in illo quod sequitur, Non perinde, Et totū legit sic. VEREOR, VT HOC QVOD DICAM PERINDE INTELLIGI &c. Cum Lambino facit Manutius. Sed addit, quod nostram coniecturam, meliorem vtriusque coniectura videri facit, in libro Fulvii Ursini haberi planè, vt nos diuinavimus. VEREOR, NE HOC QVOD DICAM NON PERINDE. Et sic reponendum iam esse planè censerem, nisi me Asconii commoueret auctoritas, qui hunc locum citans, in diuinationem Ciceronis, legit, vt Lambinus, & Manutius. VEREOR VT HOC QVOD DICAM, PERINDE &c. Ergo vt libet. Mihi enim pro eodem est.

CVM EA IPSA QVAE ILLA ERAT ADEPTA) Possit etiam, QVAE ILLA ERAS ADEPTVS, hoc autem est, quæ cras adeptus per-victoriam. Sic infra 12. Quo duce omnia summa sit adeptus. Interdum venit mihi in mentem, ita potius legendum videri. CVM EA, QVAE ILLA IPSA ERAS ADEPTVS. vel, QVAE IPSA ILLA ERAS ADEPTVS. Translata dictione, IPSA, post verbum vnum atque alterum. Hæc mea sunt. Lambinus scribit libros nonnullos in. CVM EA IPSA, non habere, IPSA. Quod ipsum magis quoque coniecturam adiuvat.

IPSIVS VICTORIAE CONDITIONE IVRE OMNES VICTI OCCIDISSEMVS) IVRE, hoc loco aduerbium est: atque ideo accentu grauius notandum. Ego autem interdum illud, CONDITIONE, foris illatum esse existimem, appositum pro glossématique ad nomen, IVRE, auferendi casu, nulla accentus nota insignitum. Quàm enim concinnum sit hoc membrum, sic. Cum ipsius victoriæ iure, omnes victi occidissemus, membrum quod statim sequitur, satis indicat. Clementiæ tuæ, inquit, iudicio conseruati sumus. Quod neque duo vocabula vsurpat, & iudicium iuri opponit. Quid? si CONDITIONE ET IVRE.

VNVS INVICTVS ES) Mallè planè, Vnus inuictus es &c.
ET SI

ETSI CULPA ALIQUA TENEMVR ERRO-
 RIS HVMANI, A SCELERE CERTÈ LIBERA-
 TI SVMVS) Scelus, maius est quàm culpa: culpa etiam, ma-
 ius quàm error. Error, autem simpliciter, maius quèdàmodo,
 quàm humanus error. Quid sit autem, error humanus, copiose o-
 stendimus in notis nostris in lib. 1. Tusc. n° 59. Vide igitur quo-
 modo rem extenuet. Scelere prorsus vacamus. Si quid, culpa sal-
 tem fortassis tenemur, nec simpliciter culpa eiusmodi, quæ magna
 videri queat, sed culpa erroris tantum, neque id erroris etiam ali-
 cuius grauisissimi, sed erroris humani. Cum autem dicit, LIBE-
 RATOS ESSÈ, significat, facto illo Cæsaris, quòd Marcello
 ad postulata eorum, ignouerit, ipsos etiam qui pro illo postula-
 runt, extra opinionem sceleris apud Cæsarem remansisse. Neque
 enim ipsis eiusmodi quicquam tribuisset, si illos sceleratos esse du-
 xisset. Vide eam quæ est pro Ligario.

O R A T I O.

VIII.

CICERO.

NAM cùm M. Marcellum, deprecantibus no-
 bis, Reipub. conseruauit, memet mibi & item
 Reip. nullo deprecante, reliquos amplissimos viros
 & sibi ipsis, & patriæ reddidit: quorum & fre-
 quentiam, & dignitatem hoc ipso in confesso vide-
 tis. Non ille hostes induxit in Curiam, sed iudica-
 uit à plerisq. ignoratione potius, & falso atq. inani
 metu, quàm cupiditate, aut crudelitate ciuile bellum
 esse susceptum. Quo quidem in bello semper de pace
 agendum, audiendumq. esse putauit: semperq. dolui,
 non modò pacem, sed orationem etiam ciuium pa-
 cem efflagitantium repudiari. Neq. enim ego illa,

L ij

nec

nec ulla vnquam secutus sum arma ciuilia : semperque mea consilia pacis, & togæ socia, non belli, atque armorum fuerunt. Hominem sum secutus priuato officio, non publico : tantumque apud me grati animi fidelis memoria valuit, ut nulla non modo cupiditate, sed ne spe quidem, prudens & sciens tanquam ad interitum ruerem voluntarium. Quod quidem meum consilium minime obscurum fuit. Nam & in hoc ordine, integra re, multa de pace dixi, & in ipso bello eadem etiam cum capitis mei periculo sensi.

NOTAE.

PATRIC. NVLLO DEPRECANTE) Contra illud quod modo dixit de Marcello, nobis deprecantibus.

RELIQVOS AMPLISSIMOS VIROS ET SIBI IPSIS ET PATRIAE REDDIDIT) Legerem. Reliquos amplissimos viros etiam, sibi ipsis & patriæ reddidit. Nam & superius in eodem genere, vno, E T, vtitur Memet mihi & item recip. & inferius in alio genere, bino, Quorum & frequentiam & dignitatem.

NON ILLE HOSTES INDVXIT IN CVRIAM) Videndum. Legerem. NON ILLE HOSTES ESSE DVXIT IN CVRIA. Sequitur statim. Sed iudicauit.

AGENDVM AVDIENDVMQVE) Legerẽ. Ferẽ. AVDENDVMQVE. Est autem loquendi modus scriptoribus non infrequens, Agendũ, audendum. Quod si displicer, agẽ quærat aliud. Quid si, AGENDVM MOLIENDVMQVE. Quid si, AGENDVM TENTANDVMQVE.

SEMPER DE PACE AGENDVM ESSE, PVTA-
VI,

VI, SEMPERQUE DOLVI) Videndum, SEMPER. Sic olim. Nunc nihil aliud quàm prius illud, SEMPER, dico non connectendum esse cum, SEMPER DE PACE, neque cum, SEMPER AGENDVM, sed, vt scripsi, cum, SEMPER PVTA VI. Sicut etiam mox in illo, Orationem civium pacem efflagitantium, illud, CIVIVM, non iungendum esse puto cum, PACEM, vt sit, CIVIVM PACEM, sed cum, ORATIONEM, vt sit, ORATIONEM CIVIVM, quam vtroq; modo diceretur non infusè.

PACEM EFFLAGITANTIVM) libentius, FLAGITANTIVM. Hoc enim eorum est, qui quasi orant: illud, quasi qui exorant. Hanc epistolam efflagitarunt contuicio codicilli tui. Scribit idem alicubi.

NEQUE ENIM EGO ILLA, NEC VLLA) Mallem ferè. ILLA, AVT VLLA.

PACIS ET TOGAE SOCIA) Quid? si vltima vox absit.

NON BELLI ATQUE ARMORVM) Fortè. NEQUE ARMORVM.

HOMINEM SECVTVS SVM) non arma scilicet. HOMINEM, autem cùm dicit, Pompeium designat.

PRVDENS ET SCIENS TANQVAM AD INTERITVM) Malo. TANQVAM SCIENS ET PRVDENS AD INTERITVM. &c.

IN HOC ORDINE) In Senatu scilicet. Sed cùm sic dicimus, in senatu, locum ferè significamus. Nunc videndum est, an, ordo, locum significet. Nisi fortè, ordine dixerit pro, confessu, quo verbo proximè est vsus infra n° 20. Marcello, inquit, huic ordini reddito.

ETIAM CVM CAPITIS MEI PERICVLO) Hoc totum, duobus comatibus est includendum.

ORATIO.

EX quo nemo erit tam iniustus rerum aestima-
tor, qui dubitet, quæ Cæsaris voluntas de bel-
lo fu-
IX.
CICERO.

lo fuerit, cum pacis auctores conseruandos statim censuerit, cæteris fuerit inatior. Atq. id minus mirum videretur fortasse tum, cum esset incertus exitus, & anceps fortuna belli. Qui verò victor pacis auctores diligit, is profectò declarat, maluisse se non dimicare, quàm vincere. Atque huius quidem rei M. Marcello sum testis: nostri enim sensus, ut in pace semper; sic tum etiam in bello congruebant. Quoties ego eum, & quanto cum dolore vidi cum insolentiam certorum hominum, tum etiam ipsius victoriæ ferocitatem extimescentem? quo gravior tua liberalitas C. Cæsar nobis, qui illa vidimus, debet esse. Non enim iam causæ sunt inter se, sed victoriæ comparandæ.

NOTAE.

PATRIC. CONSERVANDOS STATIM CENSVERIT) STATIM, Videndum. Expono tamen, statim, nulla videlicet iracundia interueniente, cum cæteris, qui pacis auctores non fuerunt, fuerit, ut mox dicit, iratior. Vel expono, statim, hoc est, nullis deprecatoribus expectandis. ut antè dixit. Vel etiam Statim, quia insperatis. ut infra n° 12. Quid si, CONSTANTER CENSVERIT, pro, STATIM CENSVERIT. Quod non satis placet, propter cacophoniam, conseruandos constanter.

ATQVE ID MINVS MIRUM) ID, pacis auctores cōseruari. CVM ESSET INCERTVS) Significantius. CVM ESSET ETIAM INCERTVS. Posti icęęęę nięęiędźięć byto, &c. Scriptum erat, Cūm essET incertus.

QVI VERO VICTORY Hic coma subiungendum.
ATQVE HVIVS QVIDEM RED) pacis scilicet fuisse
auctorem.

NOSTRI SENSVS CONGRVEBANT) Meus &
tuus 4. Fam. 24. Quia in sententia me fuisse, memoria tenere te
arbitror.

QVI ILLA VIDIMVS) Modò dixit. Quoties ego eum
&c. Statim certè dicet. Omnes verebatur, nimis iracundam fu-
turam fuisse victoriam.

QVANTO CVM DOLORE) Meo, an ipsius. Hoc malo.
IPSIUS VICTORIAE) Quid si, VICTORIS, pro,
VICTORIAE. Ut certis illis hominibus, hoc autem est aliqui-
bus de contraria factione victorem ipsum opponat. Eò pertinet
quod mox dicit. Quo gratior tua liberalitas C. Cæsar nobis. Ni-
mirum Cæsarem confert cum victore illo, cuius ferocitas metue-
batur. Atqui statim rursus ad victoriarum mentionem redit. Itaq;
victorisne an victoriæ, legendum sit hoc loco, in medio relinquo.
Vide infra, Ira victoriæ.

O R A T I O.

VIdimus tuam victoriam præliorum exitu ter-^{X.}
minatam, gladium vagina vacuum in vrbe CICERO.
non vidimus. Quos amissimus ciues, eos Martis vis
perculit, non in victoriæ: ut dubitare debeat ne-
mo, quin multos, si fieri posset, C. Cæsar ab inferis
excitaret, quoniam ex eadem acie conseruat quos
potest. Alterius verò partis nihil amplius eo dicam,
quàm id quod omnes verebatur, nimis iracundam
futuram fuisse victoriam. Quidam enim non modò
armatis, sed interdum etiam ociosis minabantur:
nec,

nec, quid quisque sensisset, sed ubi fuisset, cogitandum esse dicebant: ut mihi quidem videantur dii immortales, etiam si poenas à populo R. ob aliquod delictum expetiuerunt, qui ciuile bellum tantum & tam luctuosum excitauerunt, vel placati iam, vel etiam faciatu aliquando, omnem spem salutis ad clementiam victoris, & sapientiam contulisse.

NOTAE.

PATRIC. VAGINA VACVVM) Bene. Quid tamen si, VAGINA EDVCTVM. Omnino autem gladius vagina vacuus, est, gladius extra vaginam. Etiam Manutius notat quædam: qui volet videre poterit.

GLADIVM VAGINAM VACVVM IN VRBE NON VIDIMVS) In vrbe, ubi prælia nulla comittebantur. Fortè autem præponendum, POSTEA, sic, POSTEA GLADIVM VAGINAM VACVVM IN VRBE NON VIDIMVS. Quod si pluribus libeat, agè suppleamus sic, Præliorum exitu terminatam, post eam autem sic terminatam, gladium vagina vacuum &c. Vt ex vno, TERMINATAM, ad aliud, TERMINATAM, desinuisse videatur librarius.

IRA VICTORIAE) Nomen rei potius quàm personæ. Prudenter, ad inuidiam vocabuli emolliendam. Quod enim personæ est, rei tribuit. Sic mox. Nimis iracundam victoriam futuram fuisse. At verò paulo post, clementiam & sapientiam victoris dicit, non victoriæ. Quid si vt supra diximus, de ferocitate victoris, hic quoque dicamus de ira victoris, potius quàm victoriæ?

QVONIAM EX EADEM ACIE) Mallem, QVANDO, pro, QVONIAM. sic enim scribunt, QVANDO, qñ, & QVONIAM, qm̄. Vnde facilis lapsus fuit ex, qñ, in, qm̄, hoc est in, QVONIAM, ex QVANDO.

NIHIL AMPLIVS EO DICAM, QVAM ID QVOD

QVOD) Alterum abundat, vel, EO, vel, QVAM ID.

O C I O S I S) ab armis remotis, nec huic aut illi factioni additis, & omnino exitum praeliorum in ocio expectantibus.

QVI CIVILE BELLVM) Mallem, QVVM CIVILE BELLVM. Quanquam enim utroque modo idem dicitur, tamen alterum altero lucidius est.

O R A T I O.

X^{LI}.

CICERO.

Quare gaude tuo isto tam excellenti bono: & fruiere cum fortuna & gloria, tum etiam natura & moribus tuis: ex quo quidem maximus est fructus, iucunditasque, sapienti. Cætera cum tua recordabere, et si per sepe virtuti, tamen plerumque felicitati tuæ gratulabere: de nobis, quos in Repub. tecum simul saluos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis: quæ non modo summa bona, sed nimirum audebo vel sola dicere. Tantus est enim splendor in laude vera, tanta in magnitudine animi & consilii dignitas, ut hæc à virtute donata, cætera à fortuna commodata esse videantur. Noli igitur in conservandis bonis viris defatigari, non cupiditate præsertim aut prauitate aliqua lapsis, sed opinione officii, stulta fortasse, certè non improba, & specie quadam Reip. non enim tua vlla culpa est, si te aliqui

M

timue-

*timuerunt : contràque summa laus , quòd plerique
minimè timendum fuisse senserunt.*

NOTAE.

PATRIC.

CAETERA CVM TVA RECORDABERE) Opponit huic, CAETERA TVA, illud quod sequitur. DE NOBIS. Caetera, inquit, quæ tua esse cogitabis, ea præcipuè fælicitati tuæ tribues : de nobis autem quoties tibi in mentem venerit, toties tibi de singularibus beneficiis tuis in mentem venerit. Legerè tamen sic, si nemo impediat, CAETERA ENIM TVA CVM RECORDABERE. Ostendit enim quomodo sit fructus sapienti in eo quod dixit,

SED OPINIONE OFFICII) Intellige, Lapsis.

ET SPECIE QVADAM REIPVB.) Videtur deesse verbū, ORNATA, vel, FVCATA, vel, TINCTA, vel, VELATA, vel, ADVMBRATA, vel, quod ferè omnium maxime probarem, COMMENDATA. Atque hoc quidem si aliquid deesse videatur. Nunc, si nihil deest, tunc hæc vtraque, OPINIONE, &, SPECIE REIPVB, vtraque hæc, inquam, referenda sunt ad verbum, LAP SIS. Lapsis opinione, stulta illa quidem, sed non improba, lapsis etiam specie quadam reip. Quomodo autem, opinione non improba? & quomodo, specie quadam reipub. iustum videlicet & reipub. debitum officium reddi videbatur, vt idem ipse alibi scribit in epistola ad Torquatū libro ep. Fam. Ergo hæc ita erunt iungenda. Lapsis opinione officii, & specie quadam reipublicæ. quæ duo ipsa, ita porro totidem superiora respicere videntur, vt videlicet, lapsos non cupiditate aliqua, sed opinione officii, & item, non prauitate vlla, sed specie quadam reipub. opponi inter se intelligamus. Manutius ita hoc quicquid est, legere videtur, vt totum illud, Stulta fortassè certè non improba, referre videatur ad, specie quadam reipub. Delet enim, ET, ac legit sic. Sed opinione officii. stulta fortassè, non improba certè specie quadam reipub.

NON ENIM TVA VLLA CVLPA EST) Videndum

IN OR. PRO M. MARCELLO.

91.

dum quomodo cohæreat, aut quomodo sit connectendum cum superioribus.

O R A T I O.

XII.
CICERO.

NUNC venio ad grauissimam querelam & atrocissimam suspicionem tuam: quæ non tibi ipsi magis, quàm cum omnibus ciuibus, tum maxime nobis, qui à te conseruati sumus, prouidenda est: quam etsi spero esse falsam, nunquam tamen verbis extenuabo. Tua enim cautio, nostra cautio est: ut, si in alterutro peccandum sit, malim videri nimis timidus, quàm parum prudens. Sed quisnam est iste tam demens? de tuisne? tametsi qui magis sunt tui, quàm quibus tu salutem in sperantibus reddidisti? an ex eo numero, qui vnà tecum fuerunt? non est credibilis tantus in vlllo furor, ut, quo duce omnia summa sit adeptus, huius vitam non anteponat suæ. At si tui nihil cogitant sceleris, cauendum est, ne quid inimici. Qui? omnes enim qui fuerunt, aut sua pertinacia vitam amiserunt, aut tua misericordia retinuerunt: ut aut nulli supersint de inimicis, aut, qui superfuerunt, amicissimi sint.

N O T A E.

PROVIDENDA EST) Videndum an rectè dicatur, pro- PATRIC.
uidere suspicionem, M ij SPE-

SPERO ESSE FALSAM) Sic sæpè alias sperandi verbo Cicero utitur. Cum autem dicit, falsam, non respicit personam Cæsaris, in hoc verbo, quasi dicat ab eo esse confictam. Sic enim crimen falsi Cæsari impingeret. Sed rem ipsam respicit, & dicit esse falsam, quasi dicat inanem, & eam, quæ Cæsari non sit magnopere metuenda.

UT SI IN ALTERUTRO PECCANDUM) Præferendum ad initium, τὸ **SIC**, vel, **IT A**, Idq; vel re, vel intelligentia certè quidem. Ita ut si in alterutro peccandū sit. Sic mox **Ut** aut nulli supersint.

ISTE TAM DEMENS) de quo tu grauissimè queri & atrocissimè suspicari videaris.

DE TVISNE) Estne, inquit, iste de numero tuorum? Et quia hoc non minus intelligi de illis poterat, qui ab eo sunt conseruati, quàm qui se ad eius partem applicauerant, Ideo statim, illos qui sunt ab eo conseruati, ab hac tam tetri facinoris suspitione excludit. Tametsi, inquiens, qui magis sunt tui, quàm quibus tu salutem insperantibus reddidisti? Quasi dicat. Verùm de iis dubitare nihil necesse est. Etsi enim nulli magis tui quàm isti, tamen tanta est magnitudo clementiæ erga illos tuæ, ut in iis ne suspicio quidem istius sceleris hæreere videatur. Atq; ideo de altero illo suorum genere loqui se ostendit, dicens. An ex eo numero, qui vnà tecum fuerunt? Atq; hæc quidem cūm dicit, etsi hos quoq; suspitione liberat, tamen innuere quodam modo videtur, ab istis magis quàm ab illis esse Cæsari metuendum.

QVI VNA TECVM FVERVNT) id est, qui tuas partes secuti sunt

AT SI TVI,) Obiectio ex persona aduersariorum Marcelli, & in speciem amicorum Cæsaris; cui ipsi metuendum esse dicebant ab hoc vel ab illo.

QVI OMNES ENIM QVI FVERVNT,) Aduocandum ex superiore τὸ, **INIMICI**, sic. Omnes enim qui fuerunt inimici Est autem responsio ad obiectionem. Cauendum tibi, o Cæsar, ab inimicis est. Dicit aduersarius Marcelli. Respondet Cicero, nullos esse inimicos. Et id probat.

NULLI SUPERSINT DE INIMICIS) Duo potissima verba tollenda videntur, Est enim hæc locutio illi simili-

ma, O-

ma, Omnes qui fuerunt. Vt sicut ibi subauditur verbum, inimici, ita hic quoque idem verbum subaudiendum esse videatur.

O R A T I O.

XIII.

CICERO.

SED tamen cum in animis hominum tantæ la-
 Stebræ sint, & tanti recessus, augeamus sanè suspi-
 cionem tuam: simul enim augebimus & diligentiam.
 Nam quis est omnium tam ignarus rerum, tam
 rudis in Rep. tam nihil unquam nec de sua, nec de
 communi salute cogitans, qui non intelligat tua sa-
 lute contineri suam, & ex unius tui vitam pendere
 omnium? Equidem de te dies noctesque, ut debeo,
 cogitans, casus duntaxat humanos, & incertos e-
 uentus valetudinis, & naturæ communis fragili-
 tatem extimesco: doleoque, cum Respub. immorta-
 lis esse debeat, eam in unius mortalis anima consi-
 stere. Si verò ad humanos casus incertosque euentus
 valetudinis, sceleris etiam accedat insidiarumque
 consensio, quem deum, etiam si cupiat, opitulari posse
 Reip. credamus? Omnia sunt excitanda tibi C. Cæ-
 sar uni, quæ iacere sentis belli ipsius impetu, quod
 necesse fuit, perculsa atque prostrata: constituenda
 iudicia, reuocanda fides, comprimendæ libidines,
 propaganda soboles: omnia, quæ dilapsa iam flu-
 xerunt, seueris legibus vincienda sunt.

M iij

NOTAE.

NOTAE.

PATRIC. SED TAMEN CVM IN ANIMIS,) Obiicere enim aduersarius contra responſionem poſſe videbatur. Eſſe omninò inimicos, quanquam non apertos. Cui noſter reſpondet, ſermonis vtens quadam circumductione. Cum in animis hominum inquit, &c.

AVGEAMVS SVSPICIONEM,) Quærat aliquis, quomodo auget ſuſpicionem iſtam? Reſpondeo. Auget, quia ſatis periculi ei eſſe oſtendit in ipſa communis naturæ fragilitate. Multo igitur magis eſſet metuendum, ſi quid præterea ab inimicis iſtis eſſet metuendum. Auget item, quia oſtendit, in vnus eius vita, vitam omnium, atq; adeò vitam R. P. totius conſiſtere, vt videlicet ſublato eo, reſpub. omnis ſublata eſſe videatur.

QVIS EST OMNIVM TAM IGNARVS RE-
RVM) Ferri poteſt, addita diſtinctionis nota, poſt, OMNIVM.
quid tamen ſi, QVIS EST OMNINO TAM IGNA-
RVS.

EX VNIVS TVI VITAM PENDERE OMNI-
VM) Mallem, TVA, quàm TVI. Reliquum autem ſic. EX VNI-
VS TVA VITA VITAM PENDERE OMNIVM.
Scriptum erat VITAM, quod legendum eſt. Vita, vitam. Poſſet etiam. Ex vnus tua vita, pendere omnium: ſubaudi, vitam. Si-
cut modò dixit. Tua ſalute contineri ſuam: ſubaudi, ſalutem.
Vel poſſet denique vt eſt. Ex vnus tua, vitam pendere omnium.
In Lambino ſunt etiam ex iis quædam, quæ modò diximus.

CASVS DVNTAXAT HVMANOS) Ego, inquit, ab iſtis duntaxat communibus periculis ſatis metuendum eſſe ſentio, quid ſi præterea ſcelus accedat inimicorum? Ergo, duntaxat, hic valet illud, quod nos dicimus, by téz nie co inſego. τὸ ἀπὸ τοῦ. Vide pro Deiotaro n° 1. In tuo duntaxat periculo. Latini id aliàs exprimunt ſerè per, ſaltem. Verg. At freta Sicaniæ ſaltem. & alibi ſedibus vt ſaltem placidis in morte quieſcā. Ferè autem dixi. Vix enim hoc ipſo ſatis exprimitur id quod volo. Volo autem hoc iſto locutionis genere, non illud ſignificari, nihil eſſe amplius, præter caſus ipſos communes humanos, quod extimeſcendum ſit: ſed po-
tius

tius illud. In casibus ipsis communibus humanis, satis inesse causæ ad timorem, etiamsi nullus terror accedat ab inimicis.

RESPVB. IMMORTALIS ESSE DEBEAT) Elegans locus est, eiusdem lib. 3. Rep. ex August. Debet, inquit, sic esse constituta ciuitas, vt æterna sit: quæ si fortè extingatur, simile quodammodo est, ac si omnis hic mundus intereat ac concidat.

SCELERIS ETIAM ACCEDAT INSIDIA, RVMQVE CONSENSIO) Consensio, non inter se sceleris tantum & insidiarum, hoc enim vnum est: sed, horum scilicet vtrorumq; cum incerta valetudine, & communi naturæ fragilitate, aduersus salutem & vitam tuam.

OPITVLARI POSSE REIPVB.) Auget mirificè id quod vult, vnius istius verbi, REIP. vsurpatione. non enim dicit. Si tu, præter casus ipsos humanos, insidiis etiam inimicorum appetaris, vix est qui te diu saluum & incolumen præstare possit. Non hoc dicit, quod tamē nō sine energia diceretur maxima. Sed inquit. Quis est? Nec dicit, Quis hominum? sed, quis deorum est, qui nō iam tibi, sed reip. ipsi in tua persona periclitanti, opē ferat.

OMNIA SVNT EXCITANDA TIBI) Quando dii, te mortuo, opem reipub. ferre, etiā si velint non possunt, & quando multa sunt, quæ præsentem alicuius opem in Republica flagitent, tibi ea certè omnia curanda sunt. In quo ipso, duo sunt. Vnum, vt intelligat Remp. sibi esse complectendam. Quod quidem primum est in intentione oratoris. Alterum, vt tanto magis vitam & salutem suam caram sibi esse debere sentiat, quanto magis eam reipub. necessariam esse cognoscit. Atque hoc quidem est vt auditori ipsi gratius, ita oratori, ad illud prius, tanto facilius ab auditore impetrandum, accommodatius.

DILAPSA IAM FLVXERVNT) Quid si, LAPSA IAM DIFFLVXERVNT vel, DEFLVXERVNT. Hoc magis, quod Lambinus legit, DILAPSA DIFFLVXERVNT, Sed & Manutius, DEFLVXERVNT.

ORATIO.

NON fuit recusandum in tanto civili bello, XIII.
CICERO.
tan-

tantòq. animorum ardore & armorum, quin quassata Respub. quicunque belli euentus fuisset, multa perderet & ornamenta dignitatis, & præsidia stabilitatis suæ: multaque vterque dux faceret armatus, quæ idem togatus fieri prohibuisset. Quæ quidem nunc tibi omnia belli vulnera curanda sunt, quibus præter te mederi nemo potest. Itaque illam tuam præclarissimam & sapientissimam vocem inuitus audiui, satus te diu vel naturæ vixisse, vel gloriæ. Satis, si ita vis, naturæ fortasse, adeò etiam, si placet, gloriæ: at, quod maximum est, patriæ certè parum. Quare omitte quæso istam doctorum hominum in contemnendam mortem prudentiam: noli nostro periculo sapiens esse.

NOTAE.

PATRIC. NON FUIT RECUSANDVM,) Bez tego nie mogło być. Scribo autem. Non fuit recusandum &c. Lego Non enim fuit recusandum. Exponit siquidem illud, quod obiter modò dixerat. Quod necesse fuit.

BELLI VULNERA,) Videndum an vacet, vel vtrumq; vel prius saltem. Dicuntur autem belli vulnera, quæ bellum infligit. Reip. vulnera, quæ reip. sunt infligta.

SATIS TE DIV VEL NATURAE VIXISSE, VEL GLORIAE. SATIS, SI ITA VIS, NATURAE FORTASSE, ADEO ETIAM, SI PLACET, GLORIAE) Lego, SATIS SIT, SI ITA VIS, NATURAE FORTASSE, ADDO (vel, ADDE) ETIAM,

AM, SI PLACET GLORIAE. Etiam Lambinus.
PATRIAE CERTE PARVUM) quæ tibi curanda &
complectenda est.

O R A T I O.

XV.
CICERO.

SOEPÊ enim venit ad aures meas, te idem
istud nimis crebrò dicere, satis te tibi vixisse.
Credo: sed tum id audirem, si tibi soli viueres, aut
si tibi etiam soli natus esses: nunc cum omnium sa-
lutem ciuium, cunctamque Rempub. res tuæ gestæ
complexæ sint, tantum abes à perfectione maximo-
rum operum, ut fundamenta quæ cogitas, nondum
ieceris. Hic tu modum tuæ vitæ non salute Recip.
sed æquitate animi definies? quid, si istud ne gloriæ
quidem tuæ satis est, cuius te esse auidissimū, quan-
uis sis sapiens, non negabis? Parumne igitur, in-
quies, gloriam magnam relinquemus? immò verò
aliis, quanuis multis, satis: tibi vni parum. Quic-
quid enim est, quanuis amplum sit, id certè parum
est tum, cum est aliquid amplius. Quòd si rerum tu-
arum immortalium C. Cæsar hic exitus futurus fu-
it, ut deuictis aduersariis Remp. in eo statu relin-
queres, in quo nunc est: vide quæso, ne tua diui-
na virtus adiminationis plus sit habitura, quàm glo-
riæ. Siquidem gloria est illustris ac peruagata mul-
torum

*torum & magnorum vel in suos ciues, vel in patri-
am, vel in omne genus hominum fama meritorum.*

NOTAE.

PATRIC. TANTVM ABES) Fero. Sed tamen. Mallem ferè. TANTVMQVE ABSIS. Hanc enim sententiam his verbis libentius subesse existimem Cum tua salute, salus reipub. contineatur, (hoc est enim illud. Cum omnium salutem ciuium, cunctamq; remp. res tuæ gestæ complexæ sint) tu autem tantum absis à perfectione eorum, quibus respub. indiget, vt vix fundamenta eorum, quæ animo destinasti, ieceris, in eone tu articulo temporis, terminum vitæ tuæ, æquitate potius animi tui, quàm reipub. necessitate statues? ABESSE AVTEM A PERFECTIO-NE ALIQUARVM RERVM, est, eas non perfecisse. Est enim hoc loco perfectio verbale nomen, à perficio. Atq; hæc quidem sic, si ea quæ statim sequuntur, ita vt sunt, relinquenda sunt. Nunc si cui ad illud, HIC TV MODVM, addendum videretur, ET, vel, SCILICET. sic. Et hic tu modum, Vel. Scilicet tu modum, Tum hoc quidem. TANTVM ABES, ita vt est, relinqui potest.

FVNDAMENTA QVAE COGITAS) eorum scilicet quæ cogitas. Quid autem si hoc totum legatur sic. TANTVM ABES A PERFECTIO-NE MAXIMORVM OPERVM QVAE COGITAS, VT FVNDAMENTA NONDV M IE CERIS.

AEQVITATE ANIMI) adderem, TVI. Atq; id sanè hoc loco malim, quàm ibi infra vbi sequitur. Ne gloriæ quidem tuæ. Est autem Ciceroni, æquitas animi, quæ aliis dicitur, æquanimitas.

QVID SI ISTVD NE GLORIAE QVIDEM TVAE) Redit ad id quod concessisse iam videbatur, Videlicet, cum ostendisset breuiter, patriæ cum non satis vixisse, nunc ostendit, ne gloriæ quidem satis.

NON NEGABIS) Tollendum interrogationis punctum.
PARVM

PARVMNE GLORIAM MAGNAM) Id est. Parum-
ne magnam gloriam.

ALLIS QVAMVIS MVLTIS SATIS) Subaudi, ma-
gnam. Satis magnam. Sic mox. Tibi vni parum, supple, magnā:
parum magnam. Aliis, inquit, plurimis satis magnam gloriam re-
linques, tibi vni parum magnam.

QVICQVID ENIM EST QVAMVIS AMPLVM
SIT, ID CERTE PARVM EST TVM, CVM EST
ALIQVID AMPLIVS) Legerem. QVICQVID ENIM
EST QVAMVIS AMPLVM, ID CERTE PARVM
EST TVM CVM EST ALIQVID AMPLIVS.

SI QVIDEM GLORIA EST) Sic expono. Gloria est
fama peruulgata meritorum multorum & magnorum, vel in su-
os ciues, vel in patriam, vel in omne genus hominum: Subiun-
gendum. At tibi restant etiam, vt mox ait, multa conficienda &
magna. Ergo tua virtus, si his, in quibus nunc est terminis con-
sistat, non satis gloriæ habitura esse videbitur, SVOS CIVES,
alterum ferè abundat.

ORATIO.

XVI.

CICERO.

HÆC igitur tibi reliqua pars est, hic restat a-
ctus, in hoc elaborandum est, vt Remp. consti-
tuas: eaque tu inprimis composita summa tranquil-
litate, & otio perfruare. Tum te, si voles, cum &
patriæ quod debes, solueris, & naturam ipsam ex-
pleueris facietate viuendi, satis diu vixisse dicito.
Quid est enim omnino hoc ipsum diu, in quo est a-
liquid extremum, quod cum venerit, omnis volu-
ptas præterita pro nihilo est, quia postea nulla fu-
tura sit? quanquam iste tuus animus nunquam his
angustiis,

angustiis, quas natura nobis ad viuendum dedit, contentus fuit, semperque immortalitatis amore flagrauit. Nec verò hæc tua vita dicenda est, quæ corpore & spiritu continetur: illa, inquam, illa vita est tua Cæsar, quæ vigeat memoria seculorum omnium, quam posteritas alet, quam ipsa æternitas semper intuebitur. Huic tu inservias, huic te ostentes oportet: quæ quidem quæ miretur, iam pridem multa habet, nunc, etiam quæ laudet, expectat.

NOTAE.

PATRIC. HAEC IGITUR TIBI RELIQUA PARS EST, HIC RESTAT ACTVS, IN HOC ELABORANDVM EST) Vereor, ne hoc totum, HIC RESTAT ACTVS, IN HOC ELABORANDVM EST, vacet, aut saltem alterum horum.

EAQVE TV IN PRIMIS COMPOSITA, SVMMA TRANQVILLITATE ET OTIO PERFRVARE) Sensus. Constituas Remp. & ea composita, sanus & incolumis quamdiutissimè, in ocio, antequam migres è vita (hoc enim ferè significat, in primis) perfruare. Vel, in primis, i. inter primos. Lābinus nescio quem nodum in scirpo quærit.

QVID EST) Fortè, QVOD EST ENIM.

HOC IPSVM DIV) Prima duo verba ferè vacare videtur.

ILLA, INQVAM, ILLA VITA) Malo, ILLA, ILLA, INQVAM, VITA, &c. Et sic Manutius.

QVAM IPSA SEMPER AETERNITAS INTVEBITVR) Imò potius, quæ ipsam semper æternitatem intuebitur. Verùm ego lego potius, TVEBITVR, pro, INTVEBITVR. Ergo, quam æternitas tuebitur, id est, quam in perpetuum conferuabit. Ac gaudeo quidem ita esse (quod Lambinus annotat).

annotat) in veteribus. Et sequitur Manutius.

HVIC TV IN SERVIA S &c.) ad posteritatem referendū
Sic mox. Serui iis iudicibus, qui multis seculis pōst de te iudicabūt.

HVIC TE OSTENTES) Videndum.

QVAE MIRE TVR) in te, scilicet. Et statim exponit, quid
in ipso mirabitur. Et significanter admodum addit illud, TV OS,
Triumphos tuos. Hoc nimirum innuens, quod dicimus, posteris
multa in ipso admirationi futura.

O R A T I O.

XVII.

CICERO.

Obstupescant posterī certē, imperia, prouincias,
Rhenum, Oceanum, Nilum, pugnas innume-
rabiles, incredibiles victorias, monimenta, munera,
triumphos audientes & legentes tuos. Sed nisi hæc
vrbs stabilita tuis consiliis & institutis erit, vagabi-
tur modò nomen tuū longè, atq. latè, sedem quidem
stabilem & domicilium certum non habebit. Erit
inter eos etiam qui nascentur, sicut inter nos fuit,
magna dissensio, cū alii laudibus ad cælum res
tuas gestas efferent, alii fortasse aliquid requirent,
idq; vel maximum, nisi belli ciuilis incendium sa-
lute patriæ restinxeris: vt illud fati fuisse vide-
atur, hoc consilii. Serui igitur iis etiam iudicibus, qui
multis pōst seculis de te iudicabunt, & quidem haud
scio an incorruptius quàm nos: nam & sine amore,
& sine cupiditate, & rursus sine odio, & sine inui-
dia iudicabunt.

N in

NOTAE

NOTAE.

PATRIC. OBSTUPESCENT POSTERI CERTE, IMPERIA, PROVINCIAS) Mallem, OBSTUPESCENT POSTERI, CREDE MIHI, IMPERIA &c. Scriptura tali. Crede mImperia.

EFFERENT) Mallem simpliciter, FERENT.

IDQVE VEL MAXIMUM, NISI BELLIS CIVILIS INCENDIVM SALVTE PATRIAE RESTINXERIS) Hoc totum in comate posteriore, Pro nominatio. Hoc igitur maximè requirent, quod non restinxeris &c. Nisi, pro, si non. Nisi restinxeris, id est, si non restingues. Vel sic. Nisi restinxeris, requirent in te posteri aliquid, & quidem fortasse non vulgare nec mediocre. Vel sic. Requirent in te aliquid posteri, id est ipsum tum maximè facient, ubi tu non restinxeris. Legerem enim tunc, MAXIME, pro, MAXIMUM. Sed tamen in primo aut in secundo acquiesco.

SALVTE PATRIAE RESTINXERIS) Salute restinguere, miro quodam modò dicitur. Planius & plenius, si quis sic permittat: SALVTE PARTA PATRIAE.

VT ILLVD FATI VIDEATUR FVISSE HOC CONSILII) Illud, Imperia scilicet, prouincias, victorias, triumphos, munera, ædilitia &c. Hoc, vrbs scilicet consiliis stabilita.

ORATIO.

XVIII.
CICERO.

ID autem, etiā situnc ad te, vt quidā falsò putant, non pertinebit: nunc certè pertinet, te esse talem, vt tuas laudes obscuratū nulla vnquam sit obliuio. Diuersæ voluntates ciuū fuerunt, distinet æq; sententiæ. Non enim consilijs solū & studijs, sed armis etiam & castris dissidebamus. Erat autem ob-
scuritas

Securitas quædam, erat certamen inter clarissimos duces: multi dubitabant, quid optimum esset: multi, quid sibi expediret: multi, quid deceret: nonnulli etiam, quid liceret. Perfuncta Respub: est hoc misero fatalique bello: vicit is, qui non fortuna inflammaret odium suum, sed bonitate leniret: neque omnes, quibus iratus esset, eosdem etiã exilio aut morte dignos iudicaret. Arma ab alijs posita, ab alijs erepta sunt. Ingratus est iniustusq; ciuis, qui armorum periculo liberatus, animum tamen retinet armatum: vt etiam ille sit melior, qui in acie cecidit, quàm qui in causa animam profudit. Quæ enim pertinacia quibusdam, eadem alijs constantia videri potest.

NOTAE.

QVIDAM FALSO PVTANT) qui negant nostros animos esse immortales. PATRIC.

ERAT AVTEM OBSCVRITAS QVAEDAM) Quid est, obscuritas? Obscuritas quia multi dubitabant, quid optimum esset, vt mox inquit, multi, quid sibi expediret &c.

QVI NON FORTVNA INFLAMMARET) Fortasse, QVI NON FERITATE INFLAMMARET. Omnino contrarium aliquid bonitati querendum, Bonitas, enim in membro sequenti huic verbo opponitur. Querendum autem præterea eiusmodi aliquid, quod vel scriptura, vel enunciatione proximè accedat ad, FORTVNA.

ODIUM SVVM) Quo scilicet alios prosequabatur. Non, quo cum alijs prosequerentur, Sic enim dixisset, sui, non, suum.

FATA-

FATALI BELLO) pro Ligario n° 10. Fatalem quandam calamitatem incidisse ait.

AB ALIIS EREPTA SVNT) Legerem sine, AB: ALIIS EREPTA. Vel, AT, pro, AB. At aliis erepta sunt.

ETIAM ILLE SIT MELIOR QVI IN ACIE CECIDIT, QVAM QVI IN CAUSA ANIMAM PROFVDIT) Fortè. ILLO SIT MELIOR. Sed vulgatum retineo. Hoc dicit autem. Tolerabilior pertinacia est eorum, qui, morte in acie appetita, constantiam animi ostenderunt, quàm, qui vita ipsa sua à victore conseruata, victori nolūt quicquam in causa concedere. Legerem enim ferè libentius, PROFVDIT, quàm, PROFVDIT. Est autem ferè, animam profundere, idem quod, vitæ sibi periculum accersere. Comparat verbum cadere, cum eo quod est, animam, id est, vitam profundere: & item opponit sibi è regione τδ, in acie, cum τω, in causa. Interdum etiam deletem ferè, τδ CECIDIT, & legerem. MELIOR QVI IN ACIE, QVAM QVI IN CAUSA ANIMAM PROFVNDIT, Victorius aliter lib. 16. c. 21. Lambinus nobiscum facit. Manutius exponit, in causa, in eodem scilicet sensu, quo fuit ante victoriam.

QVAE ENIM PERTINACIA QVIBVS DAM, EADEM ALIIS CONSTANTIA VIDERI POTEST) Mallem. QVAE ENIM PERTINACIA IN QVIBVS DAM, EADEM IN ALIIS CONSTANTIA VIDERI POTEST. Videtur autem constantia in iis, qui in acie ceciderunt. Pertinacia in iis qui in causa armis profligata laborant. Alioqui, videtur quibusdam pertinacia, videtur aliis constantia, cum ita dicitur, non ostenditur qualitas, iis inhaerens, de quibus sermo fit, sed opinio tantum aliorum de qualitate illis inhaerente.

ORATIO.

XIX.
CICERO.

*S*ed quia iam omnis fracta dissensio est armis, & extincta æquitate victoris: restat, ut omnes v-

num

num velint, qui modò habent aliquid non solùm sapientiæ, sed etiam sanitatis. Quia, nisi te C. Cæsar saluo, & in ista sententia, qua cùm antea, tum hodie vel maxime vsus es, manente, salui esse non possumus. Quare omnes te, qui hæc salua esse volumus, & hortamur, & obsecramus, vt vitæ, vt saluti tuæ consulas: omnesq; tibi, vt pro aliis etiam loquar, quod de me ipso sentio, quoniam subesse aliquid putas quod cauendum sit, non modò excubias & custodias, sed etiam laterum nostrorum oppositus & corporum pollicemur.

NOTAE.

FRACTA DISSENSIO EST ARMIS) Legerem, PATRIC. FINITA, vel, PERACTA, vel quid aliud: & delerem prope-modū, ARMIS. Veteres Steph. legūt pro, FRACTA, FACTA.

NON SOLVM SAPIENTIÆ SED ETIAM SANITATIS) nietylto tto mady/ale tto iedno rozum ma. Non qui sapientia præditus est tātū, sed qui modò sit cōpos rationis.

QVIA NISI &c.) His verbis, & item illis quæ sequuntur. Quare omnes te &c. exponit, quid sit illud vnum, quod omnes velle debeant. Nimirum, saluum Cæsarem & incolumem, si modò reliqui, salui etiam & incolumes esse debent.

HAEC SALVA) HAEC, dicticōs. Ostendit autem, vt puto, vel suum ipsius iugulum, vel curiam ipsam, in qua hæc dicebantur, vel urbem denique totam, vel aliquid eiusmodi. Cùm autem dicit, omnes qui hæc salua esse volumus, idem est ac si dicat, omnes qui aliquid sapimus, & qui sana mente sumus.

VT VITAE, VT SALVTI) Mallem, VT VITAE ET SALVTI.

O

OMNES.

OMNESQVE TIBI) Coniungo, OMNES HORTA-
MVR, OMNESQVE POLLICEMVR.

VT PRO ALIIS ETIAM LOQVAR QVOD DE
ME IP SO SENTIO) Totum hoc parenthesi includendum:
si modo illud delendum non est. QVOD DE ME IP SO
SENTIO.

QVONIAM SVBESSE ALIQUID PVTAS) Pro,
QVONIAM, tale aliquid libenter reponerem, quale est, QVO-
AD. Quoad subesse aliquid putas.

QVOD CAVENDVM SIT) tibi videlicet ab aliquo.
EXCVBIAS ET CVSTODIAS) has diurnas, illas
nocturnas.

LATERVM NOSTRORVM OPPOSITVS ET
CORPORVM POLLICEMVR) Nihil meueo, sed tamen
quod sentio dico. Tale aliquid mallet, Vel. LATERVM NO-
STRORVM ET CORPORVM OPPOSITVS POL-
LICEMVR. Vel, LAT. N. OPP. POLLICEMVR. Vt
illud, ET CORPORVM, deleatur, quod est tñ, LATE-
RVM, expositio quaedam.

ORATIO.

XX.
CICERO.

*SEd vt, vnde est orsa, in eodem terminetur oratio
mea: maximas tibi omnes gratias agimus C. Cæ-
sar, maiores etiam habemus. Nam omnes idem sen-
tiunt, quod ex omnium precibus & lachrymis senti-
re potuisti. Sed quia non est astantibus omnibus ne-
cesse dicere, à me certè dici volunt: cui necesse est
quodam modo, & quod volunt, & quod M. Mar-
cello à te huic ordini populòque R. & Rcip. reddi-
to, præcipuè id à me fieri debere intelligo. Nam læ-*

tati

tari omnes, non ut de unius solum, sed ut de communi omnium salute, sentio. Quod autem summæ benevolentiae est, quæ mea erga illum omnibus semper nota fuit, ut vix C. Marcello optimo & amantissimo fratri, præter eum quidem cederem nemini: cum id sollicitudine, cura, labore tandiu præstiterim, quandiu est de illius salute dubitatum, certè hoc tempore magnis curis, molestiis, doloribus liberatus præstare debeo. Itaq; C. Cæsar sic tibi gratias ago, ut, omnibus me rebus à te non conservato solum, sed etiam ornato, tamen ad tua innumerabilia in me vni merita, quod fieri iam posse non arbitrabar, maximus hoc tuo facto cumulus accesserit.

NOTAE.

SED UT VNDE ORSA EST, IN EODEM TERMINETVR ORATIO MEA) Hoc ego vix Ciceronis, PATRIC.
aut certè vix saltem integrum, esse puto. Si emendandum est, emendarem. SED UT VNDE ORSA EST, EODEM TERMINETVR. Vel, ORSA EST, FINE EODEM TERMINETVR ORATIO MEA. Quanquam ne illud quidem, ORSA EST ORATIO, integrum esse videtur. Nam, verbum, ORSA, ex actiua significatione in passiuam demigraret. Sed quasi rectum sit, ita exponamus. Orsi, inquit, sumus dicere de M. Marcelli restitutione: ex qua in sermonem de atrocibus quibusdam suspicionibus tuis delapsi sumus, n° 22. Redeamus ergo vnde exorsi fuimus, & de Marcelli restitutione loquamur. Ne longum faciam, legerem, ORTA, pro, ORSA; & cætera ferrem, quantum maximè ferri possunt, Quando enim,
O ij quæso,

quæso, aut ubi visus est Cicero hac oratione, gratias agere Cæsari: aperte præsertim. Nisi fortè illud, aut illiusmodi aliquid intelligas, quale est n°. 5. Quibus te laudibus effereamus, quibus studiis prosequemur, qua beneuolentia complectemur: Parietes mediis fidius, huius curiæ tibi gratias agere gestiunt &c. Aut illud n°. 11. Quare gaude tuo isto tam excellenti bono, & fruiere &c.

GRATIAS AGIMVS) Pro M. Marcelli restitutione, NAM OMNES IDEM SENTIUNT) Mallem, SENTIMVS. Modò enim dixit, AGIMVS ET HABEMVS. Sed ut verè & planè dicam quod sentio, totum hoc, NAM OMNES IDEM SENTIUNT, vacare, & glossema redolere existimo. Nam & sententia sine eo, grauior & Cicerone dignior est, & eiusmodi sermonis genus, quale est hoc. Potuisti, inquit, sentire, omnes idem sentire, ad Ciceronis elocutionem non proxime accedit. Legerem igitur. MAXIMAS TIBI OMNES GRATIAS AGIMVS, MAIORES ETIAM HABEMVS, QVOD EX OMNIUM PRECIBVS, ET LACHRYMIS SENTIRE POTVISTI. QVOD, agere nos scilicet, & habere tibi gratias.

SED QVIA NON EST ASTANTIBVS OMNIBVS.) Malo duabus vocibus, ASTANTIBVS.) Vnde sequitur eodè modo. AME CERTE. Eius autem, ASTANTIBVS, duplex sententia esse videtur. Altera. Non est, inquit, necesse è Cæsari, ut id quod ego dico, omnes isti dicant, quos stare, & causæ M. Marcelli adesse vides. Altera. Non est necesse, ut isti qui sedent (significat autem sedentes reliquos senatores) surgant, & stantes idem dicant quod ego. Satis enim dicunt, cum lachrymis effusis gratiam tibi habent. Iam autè pro illo, QVIA NON EST, legerem, QVOD NON EST. Nam in veter. Steph. QVOMODO NON EST.

ET QVOD VOLVNT, ET QVOD M. MARCELLO) Duas causas officii sui proponit. vnam, ut obsequatur istis, qui hanc dicendi prouinciam ei imposuerunt. Alteram. Ut constantiam suam in amando M. Marcello tueatur & conseruet. Lege igitur, QVOD VOLVNT, ET QVOD M. MARCELLO. Utrobique accentu supra QVOD, imposito. Ut ex pronomine fiat coniunctio. Vel addito denique II. & quòd volunt ii.

A TE HVIC ORDINI RESTITVTO.) à te, id est, per te.

per te. HVIC ORDINI, autem quid valeat, vide supra n° 3.
In hoc ordine multa de pace dixi.

PRAECIPVE ID A ME FIERI DEBERE INTELLIGO) Mallem, PRAECIPVE ID A ME DEBERI INTELLIGO.

DE OMNIUM SALUTE SENTIO) Malo, SENTIS, vt supra. Ex lachrymis sentire potuisti.

QVOD AVTEM SVMMAE BENEVOLENTIAE EST) Ferè legerem, vel, SVMMVM BENEVOLENTIAE, vel potius, SIGNVM BENEVOLENTIAE EST. Atq; adeo, SIGNVM EÆ BENEVOLENTIAE EST, QVAE MEA ERGA ILLVM &c. Nam antiqui ea, eae, & altera alterae, vt, mea meae, inflectebant. Præterea autem illud, QVOD AVTEM SVMMAE, scriberem minore littera, duobus præpositis punctis sic, salute sentis: quod autem summæ.

SEMPER NOTAFVIT, VT VIX) scriberem, semper nota fulta, vt vix. Legerem autē, Semper nota fuit, ita vt vix.

CVM ID PRAESTITERIM) ID, vt voce mea, Marcelli necessitati ne deesset: cum præstiterim, cura, labore, solitudine mea.

CERTE HOC TEMPORE MAGNIS CVRIS) Mallem, CERTE HOC TEMPORE MAGIS, CVRIS &c.

PRAESTARE DEBEO) vt ei voce mea ne desim.

VT OMNIBVS MEREBVS) Fortè. VT SI OMNIBVS IN REBVS. Vel, QVASI OMNIBVS MEREBVS. Mi, autem, datius est antiquus. Sensus. Tam tibi gratias ago quàm si mihi magnus cumulus accesserit &c. Alioqui si hoc loco vulgata scriptura relinquenda est, tum in fine sanè, necessario, vt mihi quidem videtur, legendum erit, non, ACCESSERIT, sed, ACCESSISSE VIDEATVR. Sic, MAXIMVS HOC TVO FACTO CVMVLVS ACCESSISSE VIDEATVR. Vel, MAXIMUM HOC TVO FACTO CVMVLVM ACCESSISSE PROFITEAR. Sic enim exponendum erit. Sic tibi gratias ago, vt, cum ego à te, omnibus rebus non solum conseruatus, sed etiam ornatus sim, tamen hoc facto tuo (quod fieri iam posse non arbitrabar) maximus cumulus ad innumerabilia tua in me vnum merita, accessisse videatur. Vel, MAXIMUM CVMVLVM ACCESSISSE

SISSE PROFITEAR. Ego autem cum aliquanto post, ea mecum aliquandiu recognoscerem, quæ sunt in extremo huius orationis, equidem sic omnia legenda esse existimaui.

Sed quia iam omnis finita dissensio est, & extincta æquitate visceris, restat, ut omnes unum velint, qui modò habent aliquid non solum sapientiæ, sed etiam sanitatis: quia nisi te, C. Cæsar, salvo, & in ista sententia, qua, cum antea, tum hodie vel maxime usus es, manente, salvi esse non possumus. Quare omnes te, qui hæc salva esse volumus, & hortamur & obsecramus, ut vitæ & salutis tuæ consulas, omnesq; tibi, ut pro aliis etiam loquar, quod de me ipso sentio, quoad subesse aliquid putas, quod cauendum sit, non modò excubias & custodias, sed etiam laterum nostrorum oppositus pollicemur. Sed ut unde est orta, in eodem terminetur oratio mea, maximas tibi omnes, C. Cæsar, M. Marcello à te huic ordini populoq; Rom. & R. P. reddito, gratias agimus, maiores etiam habemus, quod ex omnium precibus & lachrymis sentire potuisti. Sed quod non est à stantibus omnibus necesse, id à me certè dici necesse est quodam modo: & quòd ii volunt, & quòd ego præcipuè id à me deberi intelligo. Nam lætari quidem omnes, non ut de vnus solum, sed ut de communi omnium salute, sentis: quod autem signum ex benevolentia est, quæ mea erga illum omnibus semper nota fuit, ita ut vix C. Marcello, optimo & amantissimo fratri, præter eum quidem cederem nemini: cum id sollicitudine, cura, labore, tamdiu præstiterim, quàm diu est de illius salute dubitatum, certè hoc tempore magis, curis, molestiis, doloribus liberatus, præstare debeo. Itaq; C. Cæsar, sic tibi gratias ago, quasi omnibus in rebus à te non conseruato solum, sed etiam ornato, tamen ad tua innumerabilia in me vnum merita, quod fieri iam posse non arbitrabar, maximus, hoc tuo facto, cumulus accesserit.

FINIS.

60

Typographus Lectori S.



*V*M hæ notæ Andr. Patricii
V. C. in eo iam essent, ut typis
meis diuulgaretur, incidi fortè
fortuna in Fuluii Vrsini, docti
hominis & diligentis, notas ali-
as in Ciceronem ipsum, editas à Plantino an-
no superiore. Quarum quidem, cum vixdū
ipse gustum cepissem, tibi tamē, Lector, præ-
bere easdem ipsas hoc loco volui; & quidem
in iis tantum volui, quæ ad duas has modò
orationes Ciceronis emendandas attinerent.
Idq; adeò feci, primum ut intelligeres, quàm
in lubrico eorum omnium labor versaretur,
qui se huic operæ tradidissent. Deinde etiam,
ut cognosceres ^{ἐξ ὧν} illam Patricii nostri
meram, nullis planè externis librorū MSS.
adimiculis adiutam, nec ab ipsis tamen ni-
mium aberrauisse, & ad aliorū item docto-
rum hominum opiniones proximè accessisse:
de multorum etiam locorum integritate ita
addubitauisse, de quibus alii quoque addu-
bitaue-

*bitauerunt, ut ad eorum tamen vulnem, ea
remedia de suo in medium attulerit, quæ, si
non planè sanitatem possent inducere, at pla-
gam certè quidē putrescere minime pateren-
tur. Quod ego sanè ipsum studiosis omnibus
bonarum litterarum optimè euenire cupio.*

FVL-

FVLVII VRSINI

IN ORATIONEM CICERONIS

Pro C. Rabirio Postumo.

Notæ.

C. Curius] Ita legendum, non ut in quibusdam libris Cur-
tius. necesse autem est, quem defendit Cicero, adoptione factum
esse Rabirium, ut sit C. Rabirius Curianus Postumus.

Quod malè cecidit, bene consultum putares] Ant.
Augustinus legit, quod malè cecidit; id si benè; bene
consultum putares: quod placet. fieri autem potuit, ut pri-
mum ab oscitante librario omissum fuerit alterum bene, dein-
de alius deleverit id si, quod videretur abundare. sententiam ve-
rò mutuatus est Cicero à Demosthene penè ad verbum ex prima
oratione Olynthiaca.

Sunt lites æstimatæ à Gabinio nec prædes dari nec
ex eius bonis] Ita hunc locum legit Octavius Pantagathus,
cum pro dari sit in aliis dati.

Qua appellatione litium] æstimatione Pantagathus
pro, appellatione.

Aut legem lege senatoria non timere] Ant. Augu-
stinus, aut legem senatoriam non timere legit: bene qui-
dem, sed vulgata etiam lectio ferri potest. Luceat mihi Dru-
se per legem Iuliam Senatoriam, qua equites non te-
nentur: non timere legem tuam, quam nunc fers, id
P est si

*est, si vis me cogere ad omnes iudicandi, ne cogas me ad periculum
criminationis, quo liberantur Equites lege Iulia in Senatores so-
lum lata.*

Vt & Romæ togato esse liceret] *Vetus liber, vt et
Romæ &c.*

Non amicissimus mihi non Pompeius fuit] *Ant.
Augustinus delet illud, non, quod est secundo loco positum. Sic
autem legendum esse facile intelligent qui attentè hunc locum
considerabunt.*

Postea creditum est non. quamobrem?] *Pantagathus
delet, non, & rectè, vt videtur.*

Quid vultis? fileant, dicere audiebamus] *Ita est in
margatis, & male omnino. Pantagathus. Quid vultis? file-
ant, dicant, audiebamus &c. paullo post, omnia deni-
que ab his nummorum argumenta nata sunt: pro num-
morum verbo manifestè corrupto, mimorum edidit Lam-
binus. Quam lectionem sequor eò libentius, quòd in veteribus
quoque editionibus inuenitur. Amicus quidam meus coniectura
ductus fortasse non mala, venenorum, pro, nummorum,
legendum esse existimat, quòd αἰγυπτία φαρμακα, & αἰγυπτίσι
Græcum prouerbiū celebre sit.*

Vt intelligi facile possit, quod ex ea pecunia, quam
is ceperit, qui damnatus est, ad quenquā peruenisse
in illo primo iudicio planum factum sit, in hoc gene-
re iudicii redigi solere] *Ita hunc locum legit Pantagathus.
Alii tamen aliter emendarunt.*

Possum excitare multos reductos testes] *relictos
fortasse melius legeretur, pro, reductos, si antiqui alicuius li-
bri confirmaret auctoritas.*

IN ORATIONEM.

Pro M. Marcello.

Dolebam enim P. C. ac vehementer angebar virum talem] *Ita Faërnus, qui verba illa cum, viderem, ut superuacanea tollebat. Paullò etiam pòst totum hoc delebat, Nec mihi persuadere poteram. & infra legebat. Cùm M. Marcellum Senatui Reiq; publicæ concessisti commemoratis præsertim offensionibus &c.*

Lætitiâ peruenit quod quidem ei meritò] *Ita legit Faërnus. Et paullò pòst, Quis enim illo aut nobilitate &c.*

Tamen hoc affirmo] *Faërnus delet hoc: & infra legit, quæ quidem ego nisi tam magna, pro ita magna, Paullò etiam pòst, multis, pro militibus.*

In istius societatem gloriæ se non offert, tibi concedit] *Faërnus ita legit, cum alii habeant, cedit. Paullò pòst, ea tamen vicisti legit, pro sed tamen ea vicisti. Infra quoque facit, pro faciat. Et neque solum nostris, pro, non solum &c.*

Etiam dum audiuntur aut dum leguntur] *Faërnus, etiam cùm leguntur, melius quàm est in vulgatis.*

Cuius mentem, sensusq; eos cernimus] *Optime Faërnus pro, & os cernimus, ut est in vulgatis: paullò pòst legit, Quòd breuì tempore illa futura sit auctoritas.*

Commemorabili pietate, ac virtute] *Faërnus delet, ac virtute.*

Omnium Marcellorum meum pectus memoria effodit] *Faërnus memoriam effudit. Vulgata lectio defendi potest, suffragante illo etiam Sili versu ex libro V.*

Sed est vestrum cui nulla doloris.

Privati rabies, is verò ingentia fumat ?

E medio fodiant quæ magnas pectus in iras.

Est propria C. Cæsaris] *Ita legit Faërnus. Et infra, huius autem tu idem & dux es, & comes. Paulo post, totum hunc locum ex antiquorum codicum fide ita restituit, Quæ quidem tanta est, ut trophæis, & monumentis tuis finem allatura sit ætas (nihil enim est opere & manu factum, quod non aliquando conficiat, & consumat vetustas.)*

Non perinde intelligi posset auditu] *Ita Faërnus, qui infra delet, vocem ipsa, cum in aliis sit, cum ea ipsa.*

Fato sumus nescio quo] *Ita Faërnus, & bene quidem : sed melius Ant. Augustini liber habet, fuimus.*

Audiendumque putavi] *Faërnus delet, esse, & flagitantium, legit pro, efflagitantium. Paulo post, semperque mea consilia pacis & togæ non belli atque armorum fuerunt, cum in aliis superuacuum sit verbum, socia.*

Et tam luctuosum excitauerunt] *Melius in Faërnibro, excitauerint.*

Quos in Rep. tecum simul saluos esse voluisti] *Faërnus delet, simul. Et paullo post pro, & specie Reip. legit, facie Reip. sine coniunctionis nota. Infra etiam, tua enim cautio nostra est : & si peccandum &c. legit, deleta voce, cautio, quæ secundo loco posita est.*

Ut quo duce summa omnia] *Ita Faërnus. Paulo post, An si tui nihil cogitant sceleris, cauendum est, ne quid inimici.*

Ex vnus tui] *tua Faërnus. Et infra, motus, pro euentus, & credimus, pro credamus. Paulo etiam post ita legit : omniaque quæ dilapsa iam defluerunt.*

Satis diu vel naturæ vixi vel gloriæ] *Ita hunc locum legit Faërnus : & infra, vixisse te satis.*

Aut

Aut si tibi etiam soli] *Faërnus delet, soli. Et paullo pòst, Res tuæ gestæ, tollit verbum gestæ.*

Quicquid est enim quamvis amplum id certè est parum tum, cùm est aliquid amplius. Quod si immortalium rerum tuarum &c.] *Ita legit hunc locum Faërnus, & rectè ut videtur. Paullo suprà. Parum ne igitur inquires magnam gloriam relinquemus.*


Vel in suos ciues] *Faërnus delet vocem, ciues: & infra legit, Eaque tu imprimis cum summa tranquillitate. Paullo etiam pòst: Quanquam tuus iste animus nunquam his angustiis quas natura nobis ad viuendum dedit contentus, semper immortalitatis amore flagrauit.*


Quam ipsa æternitas semper intuebitur] *Faërnus tuebitur. Paullo pòst, Pugnas innumerabiles, incredibilesque victorias.*

Vt illud fati videatur, hoc fuisse consilii] *Ita Faërnus. Et armatum, paullo pòst, pro, armatorum, omninò melius: & Vt iam ille sit melior, qui in acie cecidit, quàm qui in causa animam profudit.*


Astantibus omnibus] *Faërnus omnibus stantibus. Paullo pòst, præter eum quidem, pro præterea quidem, legit. Et infra in fine Orationis, delet, in me vnum.*

F I N I S,





Biblioteka Jagiellońska



stdr0035293

